

# *TSHIIMO TSHA*

## *MUNNA O FHELELAHO*

 Ndi a ni livhuwa, Murathu Neville. Murena a ni fhaṭutshedze.

Ndi zwavhudī u vhuya thaberenakeleni hafhu matsheloni ano. “Matsheloni avhudī” a tshilidzi, kha vhoiñwi nothe. Huno ndi fulufhela zwauri heli li do vha ḋuvha lihulwane kha riñe rothe, kha vhu—Vhuhonē ha Murena washu. Huno zwino ndi na ngudo matsheloni ano. Ndi ṭodou livha kha iyi ngudo, ngauri ndi...ndi elekanya uri ndi ya ndeme. Huno ndi...Huno u thivhela gogo kha u dinalea nga maanda, ni a divha, li tshi tea u dzulesa, vhanzhi who ima. Ndi do livha kha ngudo.

<sup>2</sup> Huno zwino, madekwana a namusi, ndi ṭodou amba nga ha ḫoho ya *Muendedzi Wa Vhutshilo Hanga*. Huno ndi a fulufhela uri vhanzhi vhane vha kona, vhanzhi vhane vha nga kona, vha do vha hone nga itsho tshifhinga tsha madekwana a ḫamusi. Naho zwo ralo, arali ni na tshivhidzo tshañu, ri...a hu na zwiñwe, ri ṭoda ni tshi vha kha—kha tshivhidzo tshañu. Uyo ndi mushumo wañu u vha henengei, hune vhuimo ha mushumo wañu ha vha hone, u tendela tshedza tshañu u penya.

<sup>3</sup> Zwino, ri dzula ri tshi fulufhela uri, tshifhinga tshiñwe na tshiñwe musi ni tshi vhuya, ri do vha na luñwe lufhera luñuku heneñfa. Fhedzi ri na vhuleme halwo, oo, huñwe na huñwe. Bodo ya u langa ndaka vhukuma yo lingeda tshiñwe na tshiñwe. Huno vha rumela fhethu huthihi, vha do zwi tendela; zwenezwo vha zwi rumela huñwe fhethu-vho, huno vha zwi hana. Huno vha zwi rumela murahu, huno vha zwi tendela nga *hafha*, na murahu. Oo, ndi tshifhinga-de tshe ra vha natsho! Fhedzi, ni a divha, Sathane ndi mulwi wa zwi re zwone tshifhinga tshothe. Itonu elelwa, tshifhinga tshothe ni kha ngoho malugana...

<sup>4</sup> Ndo vha ndi tshi khou mangala uri no vha ni ngafhi, Anthony. Ndi a vhona uri no ḫangana na khotsi añu. Huno ndo sedza u budekanya, nnđa kha vhathetshelesi. Vho ri no vha no dzula heneñfo. Ri a takala u vha na inwi na khotsi añu hafha na riñe, Mukomana Milano a bvaho New York. Ndi a fulufhela, ndi tshi ya seli ha lwanzhe nga tshino tshifhinga, ndi do wana vhuñwe vhuawelonyana, nnđa ha New York, henengei nnđa huñwe fhethu, arali Murena a tshi funa.

<sup>5</sup> Huno ngauralo ri takalela nga maanda muñwe na muñwe wa vhoiñwi. Zwi tou—zwi tou vha zwavhudī kha inwi u vha fhano.

<sup>6</sup> Huno ro vha na tshifhinga tshavhudī vhusiku ho fhiraho, kana zwiñkuñuku nñe ndo vha natsho. Ndo vha

na... [Tshivhidzo tshi ri, "Amene."—Mudz.] "Huno Yesaya thembeleni." Huno ngauralo inwi...

<sup>7</sup> Huno matsheloni ano, ri todou amba nga ha thoho, kana u funza, kha ndi ralo, arali ri tshi kona, "Ri tshi khou fhaṭa Thaberenakele i tshilaho; ri tshi khou fhaṭa—ri tshi khou fhaṭa Thaberenakele i tshilaho ya vhudzulo ha Mudzimu a tshilaho, Munna o fhelelaho; Thaberenakele i tshilaho ya Mudzimu a tshilaho, hune A dzula." Huno arali...

<sup>8</sup> Ndi pfesesa uri vha na huṇwe hu imba uhu havhuđi fhano. A thi swiki hune nda hu pfa. Huno madekwana a ḥamusi, ndi khou yo lingeda u tsela hafha. Mufumakadzi wanga o mmbudza nga ha Mukomana Ungren, ndi tenda uri dzina ḥawe lo vha li lenelo, a tshi bva fhasi kha la—kha la Tennessee. Zwino, o vha e fhano vhusiku ho fhiraho. A thi mu vhone matsheloni ano, fhedzi ndi zwi dzhia uri u hafha huṇwe fhethu. Huno ndi do takalela u mu pfa a tshi imba madekwana a ḥamusi, arali ndi tshi kona, uri, luṇwe lwadzo ndi *Fhasi U Bva Kha Vhugala Hawe*, kana *U Muhulwane Hani*. Ndi do takalela u lu pfa. Ndi vhangana vha no takalela u pfa Mukomana Ungren? [Tshivhidzo tshi ri, "Amene."—Mudz.] Oo, ndi—ndi takalela u imba havhuđi. Huno Meda o amba zwauri o vha e na luṇwe lushaka lwa bisi. Huno zwi nkumbudza Mukomana Baxter washu; ndi muimbi, na ene-vho, sa izwo rothe ri tshi divha. Huno *Fhasi U Bva Kha Vhugala Hawe*, kana *U Muhulwane Hani*. Ndi tenda uri ndo mu vhone uri u ngafhi zwino, kha... Izwo zwi do luga, Mukomana Ungren, madekwana a ḥamusi, arali ni tshi do ralo, arali ni tshi do sala? Ni khou yo dzula, kana u lingeda u sala ni tshi itela tshumelo ya vhusiku? Zwo ralo, ndi—ndi... Zwo ralo, ni songo... ndi a ni vhudza, mini nga ha izwi, arali ri... a thi ḥodi u ita uri muṇwe a vhe na u sa pfesesa. Fhedzi ndi ngani, zwenezwo, arali ri tshi do ralo, nga tshifhinga tsha *Mapfundo A Sumbe*, musi ayo ri tshi a rera, arali ni tshi do da. Ndi do takalela u lu theipha, ni a vhone, u lu wana, *U Muhulwane Hani*, hafhu, na, *Fhasi U Bva Kha Vhugala Hawe*, nga itsho tshifhinga.

<sup>9</sup> Oo, naa a zwi mangadzi u shumela Murena? [Tshivhidzo tshi ri, "Amene."—Mudz.] A thi divhi zwe nda vha ndi tshi do ita arali ndo vha ndi si Mukriste!...?... Zwi tou vha zwavhuđi nga maanđa u vha Mukriste. Ndi tou pfa unga ndi nga tou fhufhela n̄tha na fhasi nahone ndi tshi khou zhamba, ipfi langa lo fhelela. U vha Mukriste, zwi elekanyeni, zwe zwo gima kha Kristo!

<sup>10</sup> Ndi a divha uri ndi vhidza dzina la uyu munna nga ndila yo khakheaho tshifhinga tshiṇwe na tshiṇwe. Li nga kha di vha S.T. kana T.S., kana tshiṇwe tshithu tsha u ralo. Sumners, Mukomana Sumner. O... Ndi ḥodou mu livhuwa na mufumakadzi wawe muṭuku wa vhutħogwa. Ndi elekanya uri o fhedza miñwedzi, ye ya vhone unga, i ḥodou swika ya rathi, kha u thaipha izwi *Zwikhathi Zwa Sumbe Zwa Tshivhidzo*. Huno zwino ri nayo hafha murahu, yo thaiphiwa, yo lugela u vhalululwa, huno i

khou vha nga tshivhumbeo tsha bugu, *Zwikhathi Zwa Sumbe Zwa Tshividzo*. Khaladzi Sumner, huñwe na huñwe hune na vha hone, nga ngoho ni do ri tendela u ni holela kha hezwo. Iyo, iyo yo vha na mushumo muhulu nga maanda. Mulandu, i na vhudenza *vhungafha*. Yo vha i tshi do nnzhiela miñwedzi i no ḥodou swika ya rathi u i vhala yothe, ndi sa ambi u i bvisa kha theiphi, huno zwenezwo nda i rembulusa huno nda bvisa dzindovhololo, nahone nda i ita uri i vhe bugu. Ri do ita uri i luge huno ra i rumela kha khanqiso nga u ṭavhanya, ngauri ri elekanya uri ndi tshithu tshine vhathu vha tea u vha natsho zwino, nahone ni nga i guda. Huno Billy o vha a tshi kha di tou ntsumbedza, musi ndi tshi dzhena afho murahu, miniti i si gathi yo fhiraho, zwauri—zwauri—zwauri yo—yo no luga zwino uri i ye kha mugandisi. Ngauralo, khaladzi, thaberenakele i do ni holela kha hezwo. A thi lavheleli uri inwi ni ite hezwo nga fhedzi. Huno—huno kana riñe... Arali ra wana bugu huno ra tea u i ñea mutengo, kana tshiñwe tshithu, ri do vhea mutengo hune na wana tshiñwe tshithu musi vha tshi tshi rengisa, tshiñwe na tshiñwe tshine tshi nga vha tshone. Inwi ni tou amba na bodo, bodo ya u langa ndaka, kana vhañwe vhavho heneffo, huno vha do ni londotela tshone. Murena a ni fhañtshedze zwavhuñdi vhukuma.

<sup>11</sup> Mukomana wa kale muñku na Khaladzi Kidd vho dzula hafha, vha nga phasi ha ñana nyana, zwiñkunyana. Huno ndo tangana nae tshifhinganyana tsho fhiraho, huno o ri, “Ndi zwone, hu na khonadzeo ya uri itsi tshi do vha tshifhinga tsha u fhedzisela ndi tshi ni vhona, Khaladzi Billy.” A ri, “Ndi khou kegula nga maanda.”

<sup>12</sup> Nda ri, “Yawee, nnennen! A thi ḥodi u ni pfa ni tshi amba hezwo. Ni tou nga mme wa kale muñku na khotsi.” Ri funa Mukomana na Khaladzi Kidd. Riñe, muñwe na muñwe, u ralo. Huno hu tou...

<sup>13</sup> Zwi ita tshiñwe tshithu kha nne musi ndi tshi vha vhona vha tshi dzhena kerekeli, nahone tshivhili tshituku tsha kale nga u ralo. Huno edzonu elekanya, vho vha vha tshi khou rera Mafhungo-madifha phanđa ha musi ndi tshi bebwá. Huno ndi mukalaha. Naho zwo ralo, edzonu elekanya, vho vha vha tshi khou rera phanđa ha musi ndi tshi bebwá. Huno ndi hafha zwino, ndi swika hune nda elekanya uri ndi khou vha wa kale nga maanda. Ndi tsini na u elekanya nga ha u dilugisela u litsha. Ndi vhona Mukomana na Khaladzi Kidd vha tshi dzhena, “Vhugala kha Mudzimu! Haleluya!” Ndi ri, “Hai, ndi pfa ndo takala.” Ee, mune wanga. U vha vhona, nga ndila ine vha kona, nga ndila ine vhukuma vha ni ñea mafulufulu!

<sup>14</sup> Zwenezwo izwo ni a zwi ṭalukanya, vha tshi ḥodou lingana na nne nga vhukale, futhi, nahone zwenezwo vha vha tshi kha di bvela phanđa vhuponi ha mushumo. Vho da matsheloni ano huno vha humbela dzibugu, arali vho vha tshi nga

dzhia dzibugu huno vha dici rengisa. Vho t̄oda dzitheiphi, uri vha kone u ya nn̄da, vha wina mimuya nga u tamba idzi theiphi, kha miñwaha i no t̄odou swika ya dana nga vhukale. Zwino “phapha mbili” dzanu dici ngafhi dze ra vha ri tshi khou amba nga hadzo vhusiku ho fhiraho? Ee. Ndi thoma u elekanya nga ha, “Dzi ngafhi dzanga?” musi o amba izwo—izwo mulovha. Ni na miñwaha mingana, Khaladzi Kidd? [Khaladzi Kidd u ri, “Ndi na fumalonthihi.”—Mudz.] Fumalonthihi. Ni na miñwaha mingana, Mukomana Tom? [Mukomana Kidd u ri, “Fumalombili.”] Miñwaha ya fumalonthihi na fumalombili nga vhukale, huno vha tshi kha di shumisa phapha dzavho, kha muito, vha tshi kha di tshimbila.

<sup>15</sup> Tshiñwe na tshiñwe tshi no khakhea kha la Ohio, tshire Khaladzi Kidd a ñivha nga hatsho, founi i a lila hayani. Liñwe ñuvha, o founa, huno lushie luñuku, lushie luñuku lwa musidzana, ndi tenda uri lwo, lwo bebwā, huno mala e nga nn̄da halwo. [Khaladzi Kidd u ri, “Dundelo.”—Mudz.] Dundelo, nga nn̄da ha lushie. Huno dokotela ho ngo ñivha uri a nga itani ngalo, huno a ofha u ita muaro. Ra rabela. [“Lwo itwa muaro, Khaladzi Branham, huno la vhuyedzedzwa, ngauri, vho ri, ‘Lu nga si kone u tshila.’ Huno vho tou vhuyedzedza mala alwo.”] O vhuyedzedza mala alwo, nga muaro, huno a elekanya uri lwo vha lu si nga tshili. Huno lwo tshila. [“A hu na phasedzhi.”] Zwenezwo a hu na phasedzhi ya—ya...i bvaho kha lila gumo, u itela uri zwiliwa zwi fhire. Huno Khaladzi Kidd a dovha a founa. Ra dovha ra rabela, huno zwino lu na phasedzhi ya nomala. Huno ngoyu hafha, sa thanzi; dokotela, na ene-vho. Ni a vhona? Ndi thanzi ya uri Mureña Yesu, Musiki muhulwane! Ni a vhona zwe Sañhane a lingedza u ita? U tumula uvho vhutshilo ha lushie. Huno zwenezwo, ni a vhona, zwenezwo ndi tenda uri mufumakadzi u da kha Murena. [“O vhuyeleta kha Murena, heneffo nduni yanga.”] U vhuyeleta kha Murena. Khaladzi Kidd o mu khadela murahu kha Kristo, nga murahu ha u bvelela ha ili dembe lihulwane la lushie lwawe.

<sup>16</sup> Ndo wana lutingo lu bvaho California, mulovha, murathu muñuku a re mushumeli hangei nn̄da, we nda vha ndi nae musi ndo ya California lwa u thoma, miñwaha yo fhiraho. Muñuhulu wawe muñuku wa mutukana o bebwā e na—e na nna...valavu tharu dzo valeaho mbiluni yawe. Huno ndo mu vhudza nga ha iyo tsumbo. Ndo ri, “Mudzimu o konaho u sika hetshi tshiñwe nahone a tshi lugisa, zwa vhukuma a nga fhodza muduhulu wanu wa mutukana.” Itonu vhudza mutukana uri a khwañthe tshoñthe.

<sup>17</sup> Huno mutukana o vha e muñanganoni musi ndi California lwa u tou thoma, miñwaha i no t̄odou swika fumimalo yo fhiraho zwino, miñwaha ya fumirathi yo fhiraho, zwo itea. Huno ndo vha ndi California. Huno o...Muñangano wo tujuwedza uyo mutukana u swikela...Musi vho no wana lushie, huno lwa bebwā, huno vha vhona uri hu na tshiñwe tshithu tsho

khakheaho, lu bułuu, huno vha lingedza u bommba gesedungi ngomu halwo, na zwiñwe-vho. Huno lwo vha lu sa vhonali uri lu khou yo ponya, huno madokotela o mbo mu ḥaṭhuvha, huno vha wana uri valavu tharu dzo valea mbiluni yałwo. Ho vha hu si na buli na luthihi, ni a vhona, hu tshi tou—hu tshi tou vha na valavu nthihi i no khou bommba. Huno o vhidza khotsi alwo, huno a ri, “Khotsi, kha vha vhidze Mukomana Branham, nga u ḥavhanya. Kha vha mu vhudze uri dzothe... ‘Itonu humbela Kristo. U do zwi ita.’” Ndi zwenezwo. Yawee, nnenñe! Iyo ḥuthuwedzo, zwine vha zwi vhona, ni a vhona, ro amba nga hazwo, vhusiku ho fhiraho. Tshithu tshi re tshone nga tshifhinga tshi re tshone.

<sup>18</sup> Zwo ralo, ra bvela phanda na u amba, ri nga si dzhene kha ngudo na kathihi, a ri nga do ralo? Zwi tou fana na mulasi nga matsheloni a rotholaho, u tou vha mudenya u ya nga hune u nga vha ngaho, ni a divha, wothe wo momelela. Ro takala nga maanda u vha na vhułama ho ralo. Ee, muñe wanga.

<sup>19</sup> Ngauralo zwino kha ri dzike, zwino, huno ri dzhene kha ngudo zwino. Khamusi ri khou yo... A thi divhi arali izwo ni tshi nga zwi vhona kana hai, kha bodo ya u ḥwalela. Khamusi arali iyo nda i takulela ntha nga ndila iyo, nga zwifhinganyana zwi si gathi, mulandu, ri do kona, zwino, vhañwe vha vhoiñwi, u... [Mukomana Edgar “Doc” Branham u ri, “Vha ḥoda luvhone khayo?”—Mudz.] Ni ri mini? [“Vha ḥoda luvhone khayo?”] Hai, a thi elekanyi nga u ralo, zwa zwino, Doc. Khamusi zwitkunyana. [“Heneñha fhasi, ndi nga vhea luvhone khayo.”] Zwo ralo, ri do—ri do ita hezwo musi ndi tshi wana zwi si gathi... Ni na luvhone hafha? Zwo luga. Kha ri tou i rembulusela khalwo. Ni a kona u vhona murahu heneñho? Ni a kona? Arali ni tshi kona u vhona, imisani tshanda tshañu, arali ni tshi kona u vhona iyo bodo ya u ḥwalela, na vhala izwo zwi re heneñho. Hai. Zwo luga. Wanani luvhone. Zwino, musi vha tshi khou lugisela izwo...

<sup>20</sup> Ndi khou thoma ndo lenga matsheloni ano; kana, hai, hai, ndo ḥavhanya nga miniti i no ḥodou swika fumiñhanu. Huno ngauralo, zwenezwo, ri do tou digeda zwino, ngauri a ri ḥodi u ḥavhanyedza. Musi ni tshi ḥavhanyedza, ni mbo di tou tshinyadza zwithu zwe na vha ni tshi khou yo zwi amba. Zwino, ndo vha ndi tshi khou thetshelesa theiphi, linwe duvha, vhunga ndo ni vhudza, huno ndo swika he nda ḥishonela nga maanda; hu si zwe nda vha ndi tshi khou amba, fhedzi ndila ye nda vha ndi tshi khou zwi amba nga u ḥavhanyedzes, huno i tou vha khalo i re na mazhuluzhulu. Ndi pfa ndi tshi nga ndi nga lindela. Hu...

<sup>21</sup> Ndo—ndo sokou vhona linwe duvha he vha vha vha tshi khou yo fhaña zuu khulu, hafha vhukati ha Louisville. Huno Vho-Brown, ndi a tenda vho vha vhe vhona, henengei, vhe vha ḥekedza dolara dza milioni nthihi kha zuu. Zwo ralo, arali ndo vha ndi nayo, ndo vha ndi tshi do ḥodou vha nea yone uri vha vhofholole idzo phukha. A—a thi tendi kha u dzhenisa tshiñwe tshithu kha kheidzhi nga u ralo. Ndi tou... Ndi ya

zuuni huno nda vhona idzo phukha dza kale dici t̄ungufhadzaho, zwivhingwi, na dzindau, na zwithu, zwi tshi ya phanda na murahu, dzo valelwa dzhele lwa vhutshilo hothe, ni a vhona. Zwi a ni t̄ungufhadza. Nangwe two ralo, dici fashwa nga vhuṭali ha muthu o ṭalifhaho u dici fhira. Ni a vhona? Huno vha a dici fasha nahone vha dici dzhenisa vhuthubwani.

<sup>22</sup> Huno ndi a elekanya nga ha uri Diabolo u a zwi ita hezwo. U dzhia vhathu vha vhuṭhogwa vhane vha tea u buḍabuda masia mahulwane a Mudzimu, na midavhi, na—na zwithu two raloho, zwenezwo a mu vhea nduni ya dzhele ya iñwe dinomineisheni, kana iñwe ndaela, kana tshiñwe tshithu, huno a mu vhofha ngomu heneffho. Huno ndi tshithu tshi sa takadziho-de.

<sup>23</sup> Huno a thi funi dzizuu. Fhedzi ndi pfa tshiñwe tshithu u fana na iñwe ya idzo phukha, musi no valelwa tshoṭhe kha kheidzhi huno ni tshi khou lingedza u vhofholowa, ni a ḋivha, u—u bvela nnda u ita tshiñwe tshithu.

<sup>24</sup> Zwino, phanda ha musi ri tshi sendela kha Ipfi, kha ri sendele ha Muñwali wa Ipfi, musi ri tshi kotamisa zwifhaṭuwu zwashu zwino thabeloni.

<sup>25</sup> Khotsi ashu wa tshilidzi wa tadulu, ro kuvhangana hafhu matsheloni ano nga Dzina ḥa Murena Yesu, Murwa Wau wa vhuṭhogwa. Mudzimu, a re ḥamani, o da kha ḥifhasi, a tshi itela u pfumelela zwivhi zwashu, huno a fa, o Lugaho; uri riñe, nga u luga Hawe, ri vha songo lugaho ri kone u itwa vha sa solei Khae. Ri da ri tshi khou bula uri a ro ngo fanelwa, Murena. A hu na tshavhuđi nga ha riñe. Huno roṭhe ri nduni nthihi khulu ya dzhele. A hu londwi uri ri ima khudani ifhio, roṭhe ri kha ḫi vha dzhele. Muñwe o vha a si nga koni u thusa muñwe. Fhedzi, Mudzimu, nga khathutshelo Yawe i sa gumi, o tsa huno a vula mahothi a dzhele, u ri vhofholola. A ri tsha vha vho valelwaho kha kheidzhi zwino. A ri kha zuu ya shango, fhedzi zwino ro vhofholowa. Ri nnda.

<sup>26</sup> Oo, nga ndila ine ra Mu funa nahone ra Mu ḥonifha! Nga ndila ine ri nga tshimbila vhukati ha midavhi mihilwane ya pfulufhedziso Yawe, huno ra vhona i tshi vhonadzwa phanda hashu! Huno nga maṭo ashu, ra vhona Mudzimu muhilwane wa Vhutshilotshoṭhe a tshi ḋibvisela khagala phanda hashu, huno a ḋiita wa vhukuma, vhunga O ita kha vhaporofita vha kale. Ri tshi ḋivha hezwi, zwauri vha awela vhe na fhulufhedziso, ya uri liñwe ḋuyha ri do dovha ra vhuyedzedzwa murahu, nga murahu ha musi uvhu vhutshilo ho no fhela, huno mvuwo, i isaho kha Vhutshilo Vhu Sa Pheli vhune vhu sa do lovha na kathihi. Mivhili yashu i nga si aluwe. Huno ri nga si fe na kathihi. Huno ri nga si farwe nga ndala na kathihi. Huno a ri nga shayi na kathihi. Fhedzi ri do tshimbila Nae. Ri ḫodou Mu pfa a tshi ri, “Dzhenani madakaloni a Murena, e na lugiselwa one tshee shango ḥa tewa.” Kale phanda ha musi tshivhi tshi tshi dzhena, nga ndila ye A ita

ndugiselo, u fana na ye ya itelwa Adamu na Efa, uri a vha nga do lwala kana vha vha na khakhathi na kathihi. Huno zwino O ri lugisela yone, huno O zwi divha u rangani uri ro vha ri tshi khou da. Tshivhi tsho ita thivhelo khulwane, huno zwino tshivhi tsho no t̄uselwa kule, nga Malofha a Yesu. Zwino, ro livha kha Shango lo fulufhedziswaho, nga pfulufhedziso ya Mudzimu, ane a vha wa U Ya Nga Hu Sa Pheli.

<sup>27</sup> Ri fhaṭutshedze zwino, Khotsi, musi ri tshi guda Ipfi Lāu. Ri ḥodou divha uri ri fanela u vha vhatu vha lushaka-de, uri ri kone u vha Henengei. Ri farise n̄amusi kha itsi tshikolo, uri ri vhe na Mudededzi Makone muhūlwane, Muya Mukhethwa, a no do tsa nahone a Dīdzumbulula kha riñe, nga Ipfi Lāwe. Ngauri ri zwi humbelu nga Dzina Lāwe na u itela vhugala Hawe. Amene.

<sup>28</sup> Zwino, tsha u thoma, ndi do takalela ni tshi vula na nne kha Petro ya Vhuvhili, ndima ya 1. Ndi ḥodou vhalu tshipidā tsha ulu Luñwalo, Petro ya Vhuvhili, ndima ya 1. Huno zwino kha vhoiñwi ni re na penisela dzañu na bammbiri . . .

<sup>29</sup> Huno ndi tenda uri ndo vhudzwa matsheloni ano uri—uri tshiñwe tshifhinga, ndi tshi rembulusela ḥoho yanga kule na afho, zwi ita uri theiphi i si pfalese. Vhukuma a thi khou tou funa u ita hezwo. Huno ndi a tenda, nga tshiñwe tshifhinga, arali ri tshi do lavhelela u wana khudzaipfi ya we-webe, huno ro i nembeledza hafha kha silini. A hu londwi hune na do vha ni hone, ni do lugelwa. I do vha yo fhelelaho, u mona hothe fhedzi, khudzaipfi fhedzi nga n̄tha ha silini.

<sup>30</sup> Huno zwino, musi ndi tshi khou amba; huno arali inwi, nga murahu ha tshumelo, kana ni tshi ḥoda u ralo, ni nga vetaveta itsi tshikeletoni tshi re hafha. Zwenezwo ndi dovha nda vha natsho tsho thaiphowi hafha. Ndi do dzhia kubigiri huno nda ku vhea nga phanda hafha, arali ni tshi do takalela u zwi ita tshiñwe tshifhinga. Dzhenani nga u t̄avhanya zwiñku masiari ano, u itela uri ri pfectese.

<sup>31</sup> Zwino ri khou sendela *Mapfundo A Sumbe*. Ri kha di bvou fhedza *Zwikhathi Zwa Sumbe Zwa Tshividzo*. Huno uyu ndi Mulaedza wa pfunzo, une wa dzhenisa muthu nga ngomu, uyo a no khou yo rengululwa nga Malofha a Murena Yesu, nahone a no khou yo vha kha itsi tshikhathi tsha Tshividzo, itsi tshikhathi Tshi Sa Pheli tsha Tshividzo magumoni a Mapfundo. Zwino ri a zwi divha zwauri ri na Porompiña Dza Sumbe, Mabulayo A Sumbe, Madzhomela, na zwiñwe-vho, zwine ra dzhena khazwo, ri tshi khou bvela phanda. Fhedzi ro lindela lufhera lwo engedzeaho uri vhatu vha kone u dzula, zwino.

<sup>32</sup> Huno ndo elekanya uri hezwi zwi do dzheniswa he nda vha ndi tshi khou lavhelela. A tho ngo lavhelela u ola itsi tshikeletoni, fhedzi linwe duvha ndo vha ndi na dziñwe khonani dzanga dza vhuñhogwa, Coxes, ngei Kentucky. Nda tsela fhasi, nda elekanya uri khamusi ndi nga dzhena kha linwe duvha

lithihi la u zwima luṭura phanda ha musi khalañwaha i tshi vala. Huno ndo vha ndi n̄ha maṭakani na khonani yanga, Charlie, o ima heneffo, na Rodney, mukomana wawe. A tho ngo vhuya nda vhona na luṭura. Ndi elekanya uri ndo dzi shushedza dzothe dza ya kule, musi ndi tshi thoma u ṭavha mukosi heneffo maṭakani. Hezwi ndi zwine zwa da kha nne, vhatukana, na—na Khaladzi Nellie na Margie, huno musi ndi tshi ni vhudza ndo ri ndi do ni vhudza nga Swondaha musi ndo swika khazwo. Izwo ndi zwe zwa nndela, kha mulaedza we nda vha ndi tshi khou yo amba nga hawo. Huno nga ndila ye zwothe zwawo two salaho zwa dzhena khawo! Huno, oo, hezwo ndi a zwi takalela. Ndo vha na mu—muya vhukuma—vhukuma wa u ṭavha mukosi, n̄ha henengei maṭakani.

<sup>33</sup> Ngauralo zwino, kha ri vhale zwino, Petro Ya U Thoma, kana... Petro Ya Vhuvhili, kha ndi ri, ndima ya 1, tshipida Tshayo.

*Simoni Petro, mulanda na muapostola wa Yesu Kristo,  
kha avho vho wanaho lutendo lwa vhuthogwa lu fanaho  
na lwasu nga u luga ha Mudzimu na Mutshidzi washu  
Yesu Kristo:*

<sup>34</sup> Ndi takalela ndila ye zwa bulwa heneffo, ngauri ḥoho yanga yothe matsheloni ano yo tewa kha lutendo. Ni a vhona? Kha ndi dovhe ndi zwi vhale. Thetshelesani nga vhuronwane.

*Simoni Petro, mulanda na muapostola wa Yesu Kristo,  
kha avho vhane vha wana—vho wanaho lutendo lwa  
vhuthogwa lu fanaho...nga u luga ha Mudzimu...  
Mutshidzi washu na Yesu Kristo:*

<sup>35</sup> Dzhielani nzhele, U khou amba, uri, “Ndo wana holu lutendo, huno ndi khou amba hezwi ndo zwi livhisa kha avho vho wanaho lutendo lu fanaho.” Ndi ḥoda... A si zwa u ya kha shango la nn̄da. Hezwi zwi ya kha Tshivhidzo, ni a vhona, avho vha re kha Kristo.

*Tshilidzi na mulalo kha zwi ande kha inwi nga ndivho  
ya Mudzimu, na (nga) ya Yesu Kristo Murena washu,*

*U ya nga he maanda awe makhethwa a ri nea  
zwithu zwothe...maanda awe makhethwa zwino o ri  
nea zwithu zwothe two teaho vhutshilo...u fana na  
Mudzimu, nga ndivho ya uyo we a ri vhidzela kha  
vhugala na maanda:*

*Ngazwo rine ri nekedzwa kha...ri newa  
pfulufhedziso khulukhulu nahone dza vhuthogwa:  
uri nga hedzi (hedzi pfulufhedziso) ri vhe vha re na  
mukovhe kha kudzulele kukhethwa,...*

<sup>36</sup> Zwino i ri ni izwo zwi nwelele fhasi vhukuma zwino. A ri khou rera matsheloni ano; ri khou tou funza iyi ngudo.

“Kudzulele kukhethwa.” Kha ndi dovhe ndi vhale iyo ndimana ya 4 zwino, uri zwi sa ni pfuke. “Ngazwo ri newa . . .”

*Ngazwo ri newa pfulufhedziso khulukhulu nahone dza vhuþhogwa: uri nga hedzi (hedzi pfulufhedziso) ri vhe vha re na mukovhe kha kudzulele kukhethwa, ro ponya vhuada vhu re shangoni nga nyemulo.*

<sup>37</sup> Ni a vhona, “shango,” ilo ro no li ponya zwino. Hezwi u khou zwi amba o zwi livhis a kha Tshivhidzo. Ndi ngazwo ri hafha matsheloni ano, ndi u wanulusa uri ndila ndi ifhio, thodea ya Mudzimu ndi ifhio. A hu na muthu ngomu hafha, a no funa Mudzimu, nga nnda ha uyo a todaho u—a todaho u vha a no nga Kristo lwo engedzeaho. Zwino lo bviselwa khagala hafha nnda. Mukriste muñwe na muñwe! Ndi mudzia-tshenzhemo wa kale. Sedzani Mukomana na Khaladzi Kidd hafha, hu na khonadzeo ya uri ndi vhone vha kalesa tshifhaþtoni. Fhedzi arali ndo vha ndi tshi do vha vhudzisa, “Lutamo lwa mbilu yavho ndi lufhio?” Lwo vha lu tshi do vha, “U vha tsini-tsini na Mudzimu.” Musi ni tshi guda nga ha Kristo, hu na tshiñwe tshithu nga Hae tshi no sumbedza lufuno nga maanda, ni tou lingedza u dzhena ngomu Hawe.

<sup>38</sup> Pfarelo u shumisa ili liambele. Ndo vhudza mufumakadzi wanga, hafha hu si zwa kale-kale, a . . . vhuvhili hashu ri tshi khou vha vhaaluwa, huno nda amba nae, nda ri, “Ni a mpfuna u fana na zwe na vha ni tshi anzela u zwi ita?”

A ri, “Zwa vhukuma ndi ralo.”

<sup>39</sup> Huno nda ri, “Ni a divha, ndi ni funa nga maanda u swikela ndi tshi do takalela u ni dzhia huno nda ni kokodzela ngomu hanga, uri ri kone u tou vha, vhukuma, muthihi, futhi.”

<sup>40</sup> Zwino, hezwo, andisani hezwo nga milioni dza dana, huno zwenezwo ni do wanulusa uri mutendi, a no funa Kristo, u ðoda hani u dzhena Khae, ngauri ndi lufuno. Huno hafha U khou yo ri sumbedza uri, nga idzi pfulufhedziso, ri nga vha hani vha re na mukovhe kha kudzulele Kukhethwa kwa Kristo. Iyi, mivhili i faho, uri ri nga vha hani vha re na mukovhe.

<sup>41</sup> Ndi nga di amba tshiñwe tshithu hafha. Tshi no ita uri ndi tende. . . Zwino muñwe o mpfesesa nga ndila yo khakheaho, hafha hu si zwa kale-kale. Ndo wana luñwalo lu bvaho kha nyandano ya vhashumeli, lwe lwa amba uri ndi tenda uri ho vha hu na. . . “Ro vha vhathihi kha maya. Huno ri fanela u þutshela þama dzashu arali ri si vhathihi nadzo kha maya, u mala muñwe we ra vha muthihi nae kha maya.” Yawee, nnenñe!

<sup>42</sup> Nda ri, “A thi na mulandu wa pfunzo i sili yo raloho.” Ndo lwa nayo tshifhinga tshothe. A—a thi tendi khayo. Zwa vhukuma hai. Ndi tenda uri Mudzimu u ri nea khonani. Ndi ngoho. Huno zwenezwo muñwe washu u vha tshipida tsha muñwe. Ndi zwone. Huno phanda ha musi munna a tshi mala, u tea u elekanya nga ha hezwi zwithu, a zwi gude.

<sup>43</sup> Munna muswa o mmbudzisa liñwe duvha, a ri, “Vha elekanya uri ndi nga kona, ndo tea u mala, Mukomana Branham, musidzana *mukeneñene?*”

Nda ri, “Ni elekanya u gumafhi nga hae?”

A ri, “Yawee, nñenñe, ndi tou mu funa.”

Nda ri, “Zwo luga, arali ni sa khou yo tshila ni si nae, zwenezwo ndi khwine ni tshi mu mala. Fhedzi arali ni tshi nga tshila ni si nae, ndi khwine ni sa mu mali. Ngauralo, fhedzi arali zwi tshi khou yo ni vhulaha, ndi khwine ni tshi—ndi khwine ni tshi ya phanda na mala,” nda ralo. Huno ngauralo le nda vha ndi tshi khou lingedza u li swikisa khae, ndi heli, la uri, arali ni tshi mu funa nga maanda.

<sup>44</sup> Zwino, zwa zwino, phanda ha musi ni tshi mala, tshiñwe na tshiñwe ndi tshavhuđi nahone tshavhuđi-vhudji. Fhedzi nga murahu ha musi no no mala, zwenezwo mat̄hupho na milingo ya vhutshilo zwi a dzhena. Uyo ndi wone musi une na tea u vha lufunoni lune na pfesesana. Musi o ni shonisa, inwi no mu shonisa, ni di pfesesana.

<sup>45</sup> Iyo ndi ndila ine zwa vha ngayo kha Kristo. Ni a vhona? Ri tea u vha vha Mu funaho, u swikela musi ri tshi humbelia tshiñwe tshithu, huno A sa ri ñei tshone, izwo zwa si ri dzinginyise na zwiñkuñku. Ni a vhona? Ni a vhona? Mulandu? Huno ndila i yothe ine ni nga zwi ita, ndi u vha vha re na mukovhe kha kudzulele Kwawe Kukhethwa, zwenezwo ni do pfesesa uri ndi ngani A sa koni u ni ñea tshone. “Vha re na mukovhe kha kudzulele Kwawe Kukhethwa.”

<sup>46</sup> Huno vhonani hafha, “Ro ponya vhuada vhu re shangoni nga nyemulo.” Ro vhu ponya! Ni a vhona ane la ya khae? Li ya kha Tshihidzo, avho vha re kha Kristo, vho no huliswaho nt̄ha ha hezwi zwithu. A si ene muñe o ñihulisaho, fhedzi Kristo o mu isa nt̄ha.

<sup>47</sup> Kha vharathu na khaladzi dzanga dza makhaladi dzi re hone matsheloni ano, A thi ambi izwi uri ndi ni vhaise. Fhedzi, ndo vha ndi muñanganoni nga tshiñwe tshifhinga tsho fhiraho, a thi ñihvi arali ndo vhuya nda zwi amba thaberenakeleni. Ndo no zwi amba kha masia manzhi. Ho vha na khaladzi wa mukhaladi we a ri, “Ndi nga vha na vhutanzi, kana nda ñanziela?”

“Zwa vhukuma, khaladzi, bvelani phanda.”

<sup>48</sup> A ri, “Ndi ñodou ita uvhu vhutanzi u itela vhugala ha Mudzimu.” A ri, “Vha a ñihvi, a—a thi zwine nda tea u vha zwone,” nahone a ri, “a—a thi zwine nda ñodou vha zwone, fhedzi,” a ri, “tshithu tshithihi tsha ngoho, a thi zwe nda vha ndi tshi anzela u vha zwone.” Ni a vhona? O ña a tshi bva huñwe fhethu. O aluswa.

<sup>49</sup> Ndi nga ndila ine ra ñihvi uri ro bva kha lufu ra ya kha Vhutshilo. Ri lavhelesa murahu kha dindi he ra bvista hone.

Ni a vhona? A ri zwine ra t̄oda u vha zwone; a ri vhuyi ra vha zwine ra tea u vha zwone; fhedzi tshithu tshithihi tshine ra tshi livhuwa, a ri zwe ra vha ri tshi anzela u vha zwone. Ndi zwone. Ri kha ndila.

<sup>50</sup> “Huno ro ponya vhuāda ha shango.” No ponya hezwo, nyemulo na vhuāda ha shango, ni nga n̄tha ha hezwo. Zwino ulwo ndi—zwino ulwo ndi lushaka lwa muthu ane A khou amba nae, muthu o ponyaho hezwi zwithu, ni a vhona, vhuāda ha shango.

*Huno nga nn̄dani ha hezwi, ni tshi khou lusa nga nungo dzothe, engedzani nga maanda kha lutendo lwanu; huno kha maanda ndivho;*

*Huno kha ndivho u difara;...kha u difara u kondelela;...kha u kondelela u fana na Mudzimu;*

*Huno kha u fana na Mudzimu vhulenda kha vharathu; huno kha vhulenda kha vharathu lufuno.*

<sup>51</sup> Zwino O ri nea mvetamveto hafha ya zwine ra tea u ita, ra d̄ivha ndila ya u zwi ita. Zwino, sa izwo ndo amba, rothe ri khou lingedza u da tsini-tsini ha Mudzimu. Ndi ngazwo ndo nanga hoyu Mulaedza matsheloni ano, ndi tshi itela tshividzo, ndi tshi d̄ivha uri vhathu vha khou enda. Ngauri vhusiku ho fhiraho, ndo ri, “Ndi vhangana vha re hafha, vha bvaho nn̄da ha dorobo?” Vha t̄odou swika phesente dza fuṭahemalo dza vhathu, vha bvaho nn̄da ha dorobo. “Ndi vhangana vha re hafha vha bvaho maela dza dana?” Mulandu, yo fhira, ndi a humbulela, phesente dza fumalo. “Ndi vhangana vha re hafha vha bvaho maela dzi no fhira mađana mađanu?” Huno vhathu vha no t̄odou swika tsha—tsha raru vho vha vhe hafha vha tshi bva vhukule ha maela dzi no fhira dana, madana mađanu. Zwi elekanyeni, zwa vhathu vha no khou enda. Zwo ralo, avho vhathu a vha di kerekenei nga u ralo u tou ri vha vhonwe. A hu na...sa zwine shango la nn̄da la do vhona lunako luñwe-vho u mona na hafha fhethu. Vhothe ndi vhathu zwavho, vha shayaho, vho ambaraho sa misi. A hu na nyimbo dza lushaka khulwane dzi bvaho kha inwe khwairi yo diitaho ya Vharuñwa, ogani dzi re na mbila, na mañwe mafasit̄ere a ngilasi yo dondodzwaho. Ni na tshifhinga tshi kondāho tsha u wana vhudzulo kha bannga huno na ima u mona na luvhondo. A vha deli zwi fanaho na hezwo. Fhedzi vha da ngauri ngomu havho hu na tshiñwe tshithu tshi no vhona lunako lune iṭo la mupo li sa lu vhone. Iṭo la muya ndi lone li no fasha lunako lwa Kristo. Ndi ngazwo vha tshi da.

<sup>52</sup> Ngauralo, hu tshi kha di vha na mađuvha phanda ha musi ri tshi vha na tshumelo, ndi rabela ndi sa neti. Ndi ya mađakanī, tshikwamani nda dzhenisa... Ndi vhudza mufumakadzi, “Ndi a bva u yo zwima luṭura matsheloni ano.” Huno nda dzhenisa penisela na thabulete ya bambiri tshikwamani tshanga. Zwenezwo hu tshi vha na tshedza tsho edanaho u vhona, ndo

dzula ndo ditika nga muri huňwe fhethu, zwanda zwi nthā tuyani, nahone ndi tshi khou ri, “Murena, ndi nga ita mini ḥamusi? U do nneā mini u itela vhana Vhau?”

<sup>53</sup> Zwenezwo musi ndi tshi kwama tshiňwe tshithu tshi vhonala ho tshi tshi fhisa, hu da tshiňwe tshithu nga ndila heyi. Musi Vhuhone Hawe vhu tshi sendela, ndi thoma u pfa tshiňwe tshithu unga tshi kule-kule, tshiňwe tshithu tshi re kha nzudzanyo heyi. “Mbili ra andisa nga mbili ndi iña.” Tsini-tsini, “Mbili ra andisa nga mbili ndi iña. Mbili ra andisa nga mbili ndi iña. Mbili ra andisa nga mbili ndi iña.” [Mukomana Branham u amba ndovhololo iňwe na iňwe nga u ḥavhanya zwičuku.—Mudz.] U dovha, na u dovha, na u dovha, nga heyo ndila. Ndi Vhuhone Hawe vhu no khou dzhena.

<sup>54</sup> Dinekedzeni, huno nga murahu ha tshifhinganyana ni difhandekanye na inwi muňe. Bono ngelo li a da, “Iyani fhethu ḥukenerenene, na tshithu tshikenenene.” Ni a vhona? Zwi thoma, kha u isa ḥalukanyo yanu kha Mudzimu, nn̄da ha shango, kule ha shango, nn̄da sogani, kha inwi muňe.

<sup>55</sup> Huno Li thoma u da, “Thihi, thihi...” Ndi ri, nomboro iňwe na iňwe, kana tshiňwe-vho, tshiňwe tshithu fhedzi tshi thoma nga u ongolowa, tshi tshi khou dzhena tshi sa vphonalesi. Zwenezwo tshi da nga u ḥavhanya, nga u ḥavhanya. Ni dzula heneffo huno na imisa zwanda zwanu, na si bule na ipfi, na sokou farelela zwanda zwanu tuyani. Tsha u thoma tshire na divha, u vha muthu hanu hothe hu a ḥuwiswa. Zwenezwo ni vhona zwithu zwine A ḥoda ni tshi zwi divha, a tshi ni sumbedza zwithu zwine zwa do da.

<sup>56</sup> Nga tshiňwe tshifhinga tshi da fhethu, tshi swika huňwe fhethu, huno tsha mbo ima. A tshi džheni kha bono. Zwenezwo Maňwalo a sokou shululela fhethu huthihi. [Mukomana Branham u lidza munwe wawe luraru—Mudz.] Ndi zhuvhula penisela yanga, uri ndi songo zwi hangwa, huno nda zwi nwala phasi, nda zwi nwala phasi.

<sup>57</sup> Huno ndi da hayani huno nda zwi sedzulusa, nahone nda zwi guda. Huno nga tshiňwe tshifhinga a zwi vhuyi zwa vha na ḥavhutshedzo kha nne musi ndi tshi khou zwi sedzulusa. Huno zwenezwo, nga murahu ha tshifhinganyana, ngezwi hafha! Izwo zwi a bvelela, huno zwi dovha zwa ḥutshela kule. Zwenezwo ndi wana kubugwana ku no nga *hoku*, huno nda sokou thoma u vetaveta, nga maanda u ya nga hune nda kona, zwine A mmbudza. Nda elekanya, “Murena, ndi khou tsela thaberenakeleni huno nda vha vhudza. Nda... ‘Nda tsela phasi.’ Ndo vha farela tshiňwe tshithu.” Zwo ralo, iyo ndi ndila ine tsha da ngayo. Ndi zwone kokotolo. U swikela, tsha u thoma, A tshi nneā tshone, ndi nga si kone u tshi nekedza.

<sup>58</sup> Ngauralo, zwenezwo, kha izwi zwiketshe zwičuku zwine na mmbona ndi tshi sedza phasi khazwo. Huno itshi, tsha u thoma,

ndo thoma, a tho ngo wana itshi tshipida hafha u swikela ḫuvha lithihi kana mavhili o fhiraho, n̄tha maṭakani.

<sup>59</sup> Zwino, havha vhathu vha—vha . . . Petro u khou amba, hafha, uri ri fanela u vha vha re na mukovhe hani kha kudzulele Kwawe Kukhethwa. Zwino, muñwe na muñwe washu u khou lingedza u alutshela kha tshiimo tsha Mudzimu.

<sup>60</sup> Zwino, nga murahu ha musi ri tshi fhedza Mapfundo A Sumbe, zwenezwo, nga itsho tshifhinga tsha u lila ha Pfundo La Vhusumbe, kana u pfunululwa . . . A hu na zwiñwe, ri a ḫivha zwine pfundo la vha zwone, ndi u pfunulula mushumo, u pfunulula Mapfundo A Sumbe. Huno izwo ri do zwi vhona kha tshati. Ndi u pfunulula Mulaedza, tshiñwe tshithu tsho pfunelwaho.

<sup>61</sup> Vhusiku ha Swondaha yo fhiraho, ndo rera nga ha, “Khii.” Huno khii ndi lutendo. Lutendo lwo fara khii, huno khii ndi Luñwalo. Huno Kristo ndi Muñango. Ni a vhona? Ngauralo lutendo lu dzhia zwinikere zwiñuku zwa Luñwalo huno lwa khiñulula vhugala na vhudī ha Mudzimu, zwa ya nnnda kha vhathu Vhawe. Ni a vhona? Ngauralo, ndi, lutendo lwo faraho khii ine ya khiñululela Kristo kha vhathu; lu a zwi khiñulula, lu a zwi dzumbulula.

<sup>62</sup> Ngauralo, namusi, ri khou yo lingedza u dzhia yeneyo khii, u khiñulula ndila ya u vha Mukriste muvhuya kha tshiimo tsha Mudzimu, tshenetsho, huno a vha Thaberenakele i tshilaho ya uri Mudzimu a tshilaho a dzule ngomu.

<sup>63</sup> Elelwani, Mudzimu u Didzumbulula nga ndila tharu. Tshifhingani tsha u thoma, O Didzumbulula nga Khavhu ya Mulilo, uyo o vha a tshi vhidzwa Vhukhotsi. Zwenezwo onoyo Mudzimu, o vhonadzwaho kha Yesu Kristo, we A fhaṭa muvhili, a ita hoyu muvhili. Tsha vhuraru, nga lufu lwa uyo muvhili, A ita uri Tshivhidzo tshi vhe tshikhethwa uri A kone u dzula ngomu. Ho vha hu Mudzimu nga n̄tha hashu; Mudzimu e na riñe; Mudzimu ngomu hashu; onoyo Mudzimu.

<sup>64</sup> Ndi ngazwo o vhidzwa Khotsi, Murwa, Muya Mukhethwa. A si Midzimu miraru; zwidulo zwiraru zwa Mudzimu muthihi. Arali vho vha vho elekanya fhedzi nga ha izwo kha Khoro ya Nicea, ro vha ri tshi do vha ri songo vilinganywa tshoṭhe, ro vha ri tshi do vha ro ralo? Ndi zwone. A si midzimu miraru. Vhathu a vho ngo kona u pfectesa uri Yesu o amba hani na Khotsi, huno Ene na Khotsi vha Muthihi. Ndi zwone, heneffo tshithu tshoṭhe tshi hone. Ngoho, tshi tou ḫibvisela khagala. Zwa vhukuma. Ni a vhona? A si Midzimu miraru. Zwidulo zwiraru! Tharu mbo- . . .

<sup>65</sup> Ndi mini? Mudzimu a tshi khou dilinganyisa na tsiko Yawe. Mudzimu u ḫoda u luvhiwa. Ipfi *Mudzimu* li amba “tshithu tsha nduvho.” Huno ndi Mudzimu a no khou lingedza u nea vhathu Vhawe madzulele kwae, uri a kone u wana khavho zwe A vha sikela zwone. Na kathihi ho ngo ni ita u vha tshiñwe tshithu-

vho nga nnđani ha murwa na የwananyana wa Mudzimu. Arali no humpa izwo, zwa u vha murwa na የwananyana wa Mudzimu, no humpa tshiphuga.

<sup>66</sup> Huno “humpa,” ipfi *t-s-h-i-n-y-a* li amba “u humpa tshiphuga,” humpa tshiphuga. Zwenezwo, arali ndi tshi khou thuntsha kha gobane, ndi tshi khou ombela kubigiri kha dzharaṭa dza futhanu, huno nda thuntsha, huno nda ku humpa, intshi nna kana ḥanu, ho bvelelani? Tshigidi tshanga tshi ṭoda u lugiswa. Hu na tshiñwe tshithu tsho khakheaho. Huno arali nda humpa lutendo kha Mudzimu, arali nda humpa u vha Mukriste... Mudzimu o ni vhea hafha uri ni vhe Mukriste. Arali no bvela thungo nthihi, vhuyani huno ni lugiswe. Huno hu na tshithu tshithihi fhedzi tshine tshi nga ni lugisa, itsho ndi Luñwalo. Muya Mukhethwa kha Luñwalo, u a ni lugisa, wa ni disa na livhana na gobane hafhu. Ndi zwone.

<sup>67</sup> Zwino, ri khou yo guda Ipfi Ławe. Stefano o amba, kha Mishumo 7, huno nahone kha... Kha ri tou lu vhala ulwo. (Hu tshi khou ambiwa nga halwo, zwino, ri khou amba nga ha Thaberenakele ya Mudzimu.) Zwino, Stefano o amba... (I, i khou yo vha Thaberenakele i tshilaho ya Mudzimu a tshilaho.) Stefano o amba, kha Mishumo ndima ndi ya 7, huno ndi tenda uri ri... kha Mishumo 7, ri tshi thoma nga ndimana ya 44:

*Vhokhotsi ashu vho vha vhe na thaberenakele ya  
vhutanzi sogani, sa zwe ene a laedza, a tshi amba na  
Mušhe, uri u tea u i ita u ya nga tshivhumbeo tshe a tshi  
vhona.*

*Ye na vhokhotsi ashu vha vha vhe nayo, vhokhotsi  
ashu vha no dzhena nga murahu ha u dzeniswa... Yesu  
kha vhunę ha Vhannđa, vhe Mudzimu a vha khadela  
nnda phanda ha tshifhaṭuwo tsha vhokhotsi ashu, u  
swika kha ḫuvha ḫa Dafita;*

*We a wana u takalelwā nga Mudzimu, huno a tama u  
wanelā Mudzimu wa Yakobo thaberenakele.*

*Fhedzi Salomo o mu fhaṭela nnđu.*

*Hone Waṭaduluṭadulu ha dzuli thembeleni dzo itwaho  
nga zwandā; sa zwine muporofita a amba,*

*tadulu ndi khulunoni yanga, huno lifhasi ndi  
vhukando ha nayo dzanga: ni do mphatela nnđu-de?  
Murena u ralo: kana fhethu ha vhuawelo hanga ndi  
hufhio?*

<sup>68</sup> Zwino ngomu ha... Zwino, “thaberenakele,” a hu na zwiñwe, ndi, fhethu hune ra ya u awela, zwino, wanani vhuswa, na zwiñwe-vho, vhunga u awela nga u edela, kana zwiñwe-vho. Zwino, Vhaheberu 10, na ndimana ya 5, Paulo u a i dzenisisa.

*Ndi zwe musi a tshi da shangoni, a ri, Tshiṭhavhelo . . .  
 (Itsho ndi Kristo) . . . Tshiṭhavhelo na nduw̥ho iwe a u  
 zwi ṭodi, fhedzi muvhili wo nnudugisela wone:*

<sup>69</sup> Thaberenakele ndi mini zwino? Muvhili, Mudzimu a no khou dzula kha Muvhili.

<sup>70</sup> Mudzimu we a vha, e nthā-nthā, musi A tshi tsela fhasi thavhani, naho arali mbo—mbohwana kana kholomo ya tsadzi yo kwama thavha, i tea u vhulawa. Mudzimu ndi mukhethwa.

<sup>71</sup> Madekwana o fhiraho, musi avho Vharuňwa vho tiba zwifhaṭuwo Zwavho. Vhaserafe vhakhethwa vhe na zwifhaṭuwo zwikhethwa, a vha vhuyi vha divha uri tshivhi tshi ambanī, huno Vha tea u tiba tshifhaṭuwo Tshavho, Vhuhoneni ha Mudzimu; vha tiba milenzhe Yavho, nga u diṭukufhadza.

<sup>72</sup> Zwino, Mudzimu mukhethwa ho ngo kona u tendela tshivhi, ngauralo a hu na tshe tsha kona u kwama thavha he Mudzimu a vha e hone.

<sup>73</sup> Zwenezwo Mudzimu a itwa nama huno a dzula vhukati hashu, nga tshivhumbeo tsha Yesu Kristo, Murwa Wawe, tsiko Yawe. Zwenezwo uyo Murwa o nekedza vhutshilo Hawe, huno sele ya Malofha ya Mudzimu ya kwashea, uri Vhutshilo vhu bve kha Malofha, vhu de kha rine.

<sup>74</sup> Nga ayo Malofha ri a ḫanzwiwa. Huno zwino malofha ashu, vhutshilo hashu, ho daho nga u tshila nga lutamo lwa vhudzekani, o disa vhutshilo hashu shangoni. Malofha a Yesu Kristo a a ri ḫanzwa, a shandukisa kudzulele kwashu, nga u rumela Muya Mukhethwa kha rine; zwenezwo ri vha ngomu ha kudzulele Kukhethwa kwa Mudzimu, zwenezwo ri vha fhethu ha u dzula ha Mudzimu. Yesu o ri, “Nga ilo ḫuva ni do divha uri Nne ndi kha Khotsi, na Khotsi u kha Nne; Nne kha inwi, na inwi kha Nne.” Ni a vhona?

<sup>75</sup> Divhani uri Mudzimu u kha Tshivhidzo Tshawe hani. Tshivhidzo zwino tshi khou tea u dzhia fhethu ha Kristo, tshi tshi khou bvela phanda na mushumo Wawe. “Ane a tenda kha Nne, mishumo ine Nda ita na ene u do ita-vho. Hu tshee ho sala tshifhinganyana, huno shango a li tsha do Mmbona; naho zwo ralo inwi ni do Mmbona, ngauri Ndi do vha na inwi, nahone ngomu hanu, u swika vhufheloni ha shango.” Ni a vhona? Ngezwo, a tshi khou bvela phanda na mushumo Wawe.

<sup>76</sup> Zwino, Mudzimu, kana Bivhili yo amba hafha, hezwo. Stefano o amba nga ha Salomo a tshi khou fhaṭa thembele, “Huno Waṭaduluṭadulu ha dzuli thembeleni dzo itwaho nga zwanda. ‘Ngauri ṭadulu ndi Khuluṇoni Yanga, huno lifhasi ndi vhukando ha milenzhe Yanga. Huno ndi ngafhi fhethu ha vhuawelo Hanga?’ ‘Fhedzi Muvhili Iwe wo u lugisela Nne.’” Amene. Ngezwo.

<sup>77</sup> “Muvhili Iwe wo u lugisela Nne.” Mudzimu u dzula kha tshiimo tsha muthu, a tshi Divhonisa ngomu ha uyo Muthu. Nduvho yo fhelelaho! Mudzimu ngomu hashu, ri Thaberenakele Yawe, Mudzimu a tshi khou divhonadza. Oo, nga ndila ye ra vha ri tshi nga ṭwa kha hezwo u swikela ni tshi ḥodou fihiamelwa ngomu hafha, nga biso. Dzhielani nzhele, zwauri, Mudzimu tshifhinga tshoṭhe, misi yoṭhe, o Divhonisa ngomu ha muthu.

<sup>78</sup> Uyo o vha e Mudzimu kha Mushe. Mu sedzeni, o bebwa e murangaphanda; Kristo. Tshifhingani tshe a bebwa ho vha na mutovholo wa vhana, vha tshi khou lingedza u mu wana; zwo vha zwi zwithihi na zwa Kristo. Huno ene o—ene o phuluswa nga itsho tshifhinga; na Kristo zwo tou ralo. O vha e muvheli wa mulayo; na Kristo zwo tou ralo. Mushe o gonya, mađuvha a fuina, huno a wana dzindaela, huno a tsa. Kristo o ya sogani, mađuvha a fuina, huno a vhuya, a tshi khou ri, “No zwi pfa zwa avho vha tshifhingani tsha kale, ‘Ni songo ita vhupombwe.’ Fhedzi, Ndi ri kha inwi, ane a lavhelesa musadzi, lwa u mu emula, o no di ita vhupombwe nae.” Ni a vhona? Zwithi hezwi zwoṭhe zwo fhambanaho, izwo, Mudzimu a tshi khou Divhonisa.

<sup>79</sup> Vhonani Yosefa, o bebwa e mutukana wa muya vhukati ha tshi—tshigwada tsha vharathu. Vhoṭhe vho vha vhe vhanna vhavhudzi, vhokhotsi vhoṭhe. Fhedzi, musi Yosefa a tshi da, o vha e muñwe-vho. O vha a tshi kona u vhona bono, a ṭalutshedza muloro, huno a vhengwa nga vharathu vhawe nga n̄thani ha hezwo. Nga n̄thani ha wonoyo mushumo we Mudzimu a mu vhea kha lifhasi uri a u ite, vharathu vhawe vho mu vhengela wone. Ni a vhona? Huno zwo vha zwi tshi khou sumba tshoṭhe kha tshifhambano. Huno, vhonani, o rengiswa nga maseṭha a no ḥodou swika mahumi mararu, nga vharathu vhawe. A poselwa kha musele, uri a fe, nga vharathu vhawe. A bviswa kha uyo musele, huno a tuwa nahone a dzula kha tshanda tsha u la tsha Farao. Huno a hu na munna we a kona u da kha Farao, we a langa shango nga iļo duvha, a hu na na muthihi we a kona u da kha Farao, ndi nga Yosefa fhedzi. A hu na muthu ane a ngā da ha Mudzimu, ndi nga Kristo fhedzi. Huno musi Yosefa a tshi ṭutshela pfamo, a sa athu ṭuwa, ho vha na porompiṭa yo lidzwaho, huno vhagidimi vho gidima phanda hawe, vha huwelela, “Gona kha li gwadame! Yosefa u khou da!” A hu londwi uri no vha ni ngafhi, kana zwe na vha ni tshi khou ita, mushumo wanu wo vha u wa ndeme hani; no do tea u wa nga magona u swikela Yosefa a tshi swika henefho.

<sup>80</sup> Huno musi Porompiṭa i tshi lila, nga liñwe la haya mađuvha, gona liñwe na liñwe li do gwadama huno lulimi luñwe na luñwe lu do bula. Musi Kristo, Yosefa washu, a tshi do ṭutshela Vhugala huno a da, mushumo wanu u nga si vhe wa ndeme nga itsho tshifhinga. Gona liñwe na liñwe li do gwadama, huno A bulwa uri ndi Murwa wa Mudzimu. Ndi zwone.

<sup>81</sup> Oo, nga ndila ine ra Mu vhona e kha Dafita! Nga ndila ye Dafita, khosi yo landulwaho, a litsha khulunoni yawe, nga vharathu vhawe, murwa wawe, a dzula ntha ha Thavha ya Miolivi, musi a tshi gonya, ntha ha Thavha ya Miolivi, a lavhelesa murahu Yerusalem huno a lila; ngauri heneffo vhathu vha hawe, vhe a vha shumela nahone a vha funza zwa Mudzimu, huno vhathu vha hawe vha mu ḥanutshela nahone vha posela zwithu khae, vha mu pfela mare nahone vha tambo ngae, musi a tshi thoma u gonya muvhundu nahone a landulwa. Oo, nga ndila ine Murwa wa Mudzimu a vha o fhelelaho, nga murahu ha miñwaha ya madana mañanu na mararu; Khosi yo landulwaho, vhukati ha vhathu vha Ene Muñe, a dzula kha thavha huno a lilela Yerusalem, sa Khosi yo landulwaho.

<sup>82</sup> Ho vha hu mini? Mudzimu a tshi khou Divhonisa ngomu ha avho vhaporofita, a tshi khou vhonisa Kristo.

<sup>83</sup> Zwenezwo ha da Ene we a vha e o fhelelaho wa Mudzimu. Ho vha hu Mudzimu vhukati hashu.

<sup>84</sup> Huno u bva tshifhingani itsho, O no Divhonisa ngomu ha Tshivhidzo Tshawe, thungo iyi ya Khalivari. Ngauralo, ni a vhona, roþhe ri khou lingedza u da kha uvhu vhudzulo, Thaberenakele ya Mudzimu a tshilahó. Zwino hu na vhañwe vhathu... .

<sup>85</sup> Ri dzhieha nzhele hafha, O ri, "Tsha u thoma ri na lutendo, maanda, ndivho, u difara, u kondelela, vhuvhuya kana u fana na Mudzimu, na lufuno kha vharathu." Zwo luga. Vhulenda kha vharathu, huno zwenezwo engedzani nga lufuno. Kha ndi vhale hezwi, zweþhe, hafhu, uri ni vhe na ngoho ya uri ni a zwi pfectesa zwino. Zwino ri khou yo thoma kha ndimana ya 5.

*Huno nga nn̄dani ha hezwi, ni tshi khou lusa nga nungo dzoþhe, engedzani nga maanda kha lutendo lwañu; huno kha maanda ndivho;*

*Huno kha ndivho u difara; huno kha u difara u kondelela; huno kha u kondelela u fana na Mudzimu;*

*Huno kha u fana na Mudzimu vhulenda kha vharathu; huno kha vhulenda kha vharathu lufuno, lune lwa vha lufuno.*

*... arali izwi zwithu zwi kha inwi, nahone zwo anda, zwi ni ita uri ni si vhe a sa añwi kana a si na mutshelo kha ndivho ya Murena washu Yesu Kristo.*

<sup>86</sup> Zwino Petro u khou ri ñea mvetamveto ya tshiñwe tshithu hafha, ya uri ri nga swika hani heneffo.

<sup>87</sup> Zwino ndi ḥodou amba hezwi, zwauri, hu na vhañwe vhathu vha re na tshipida tsha aya maanda, ndivho, vhutali, u kondelela, na zwiñwe-vho, vhane vha sa vhuye vha diita vha Tshikriste. Zwino ri tou...ri khou funza tshikolo tsha Swondaha. Huno izwo ndi ngoho. Hu na vhathu vha re na

tshipida tsha hezwi, vhane vha sa vhuye vha diita u nga ri ndi vha Tshikriste. Fhedzi izwo a zwi... Izwo zwi nga si zwi ite. Zwi fana na tshinoni tshitswu tshi no khou lingedza u toma mithenga ya phikhokhonduna kha phapha dzatsho, u tshi ita phikhokhonduna. Tshi tou dishonisisa fhedzi. Ndi khwine u dzula tshi tshinoni tshitswu. Ni a vhona? Musi a tshi lingedza u ita izwi zwithu nga nnnda ha u vha Mukriste, u tou vha tshothe kha vhuimo vhu si hone.

<sup>88</sup> Zwi fana na muhuyulukuse u tshi khou lingedza u maga maapula. A wo ngo kona u zwi ita, ni a vhona, naho u muri. Fhedzi u nga si mage maapula.

<sup>89</sup> Zwi fana na meila i tshi khou lingedza u maga wulu, i tshi khou lingedza u vha nngu ngeno i me—i meila. Ni a vhona, i nga si mage wulu. I nga si zwi ite. Wulu ndi tshifhiwa kha nngu, hu si kha meila. I nga di lingedza u ita sa nngu, fhedzi i kha di vha meila. Ni a vhona? Ngauralo, i ri, “Ndi zwone, ndi nga la u fana na nngu. Ndi nga ita *hetshi* u fana na nngu.” Huno a hu londwi zwine ni nga ita, ni tea u vha nngu uri ni vhe na wulu.

<sup>90</sup> Huno kha ndi ime hafha lwa tshifhinganyana. Nngu a i magi wulu. I na wulu ngauri ndi yone nngu. Vhathu vhanzhi vha khou lingedza u ri, “Ndi zwone, ndi do lingedza u vha wavhudzi. Ndi do lingedza u ita *hetshi*.” Ni songo maga tshithu. Hai, ni nga si zwi ite. Nngu a i, a i humbelwi, a i lavhelelwi u maga wulu. I anwa wulu, huno i a zwi ita ngauri ndi nngu.

<sup>91</sup> Huno musi ni Mukriste, ni tou anwa mutshelo wa Muya. A ni—a ni u magi. A ni lingedzi u u ita. Ni lingedza... Ni songo diita tshinwe tshithu tshire ni sa vhe tshone. Itonu vha tshire na tea u vha tshone, huno zwenezwo hone huñe hu a qilondota. No no pfa vhathu vha tshi ri, “Zwo ralo, ndi a ni vhudza. Nñe ndi... ndo dzhoina tshivhidzo. Vhukuma ndi—ndi tea u litsha u zwifha uhu”? Ni khou lingedza u maga tshinwe tshithu hafhu, zwino. Ni nga si zwi ite, ngauralo a hu na thodea ya u lingedza u zwi ita, samusi zwi sa—zwi sa—konadzei uri meila i nga diita uri i vhe na wulu. I nga si zwi ite.

<sup>92</sup> Kana, lianga li tshi khou lingedza u la na liivha, lianga li tshi khou lingedza—lianga li tshi khou lingedza u vha liivha. No vha ni tshi nga humbulela linoni benefho nnnda, li tshi ri, “Ni a divha, nñe ndi liivha,” huno la dzheniswa mithenga i si gathi ngomu halo, la ri, “Ni a vhona, ndi tou nga...” Ni a vhona? Li do tou bva tshothe kha tshivhumbeo. Uyo ndi mu—munna a no diita tshinwe tshithu ngeno a si tshone. Ni a vhona, ni nga si zwi ite.

<sup>93</sup> Inwi ni nga si ri, “Zwino vhonani, nñe ndi tea u vha na maanda, ngauralo ndi do vha na maanda. Nñe ndi tea u tshila u fana na Mudzimu, ngauralo ndi do tou vha naho.” Mulandu, ni khou lingedza fhedzi u toma mithenga. Naho ni tshi nga i swikelela, fhedzi ni nga si dzheniswa mithenga kha tshinoni tshi si tshone. Ni a vhona? Zwi nga si tou shuma. Huno zwi sumbedza

fhedzi uri itsho tshinoni ndi muhoi-de. Ni a vhona? No vha ni tshi nga humbulela linoni la kale li tshi khou lingedza u vha na mithenga i si gathi ya liivha, li tshi ri, "Sedzani hafha, ni a vhona, ndi liivha"? Ni a vhona? Mulandu, rothe ri a zwi divha uri ndi lone linoni. Ni a vhona? Ni a vhona? Ndi zwenezwo fhedzi. Ri nga amba uri ndi lone linoni.

<sup>94</sup> Ndi zwone, zwino iyo ndi ndila ine zwa vha ngayo, hu tshi khou lingedzwa u—u maga Vhukriste. Ni nga si zwi ite. Tshithu tsha u thoma tshine na tea u ita, ndi u bebwa hafhu. Ni tea u shandukiswa. Ni a vhona? Huno musi no shandukiswa, ni vha tsiko ntswa. Zwino ni khou luga, zwino. Ni a vhona? Zwino a ni tei u whilaela nga ha mithenga, i do dilondota yone inę, musi—musi no bebwa hafhu. Ee, muñe wanga.

<sup>95</sup> Vhunga ndo no amba tshifhinga tshołhe. Ni dzhia ngunguluvhe, na i hwaya huno na vhea suthu ya mualavhi khayo, kana suthu i re na badzhi ya tshiswiłulo, kha ndi ralo, khayo, huno na i bvisela afho nnnda; i tou livha kha mulindi wa thophe huno ya vhumbuluwa. Ngauri, ni a vhona, a zwi nga farisi tshithu lini. Ndi nguluvhe. Ndi kudzulele kwayo. U vhumbuluwa ndi kudzulele kwayo. Ni tea u shandukisa kudzulele kwayo, huno (yone) zwiñwe zwe salaho zwi do dilondota.

<sup>96</sup> Zwino dzhielani nzhele. Ni fanela u bebwa hafhu, uho ndi, u shanduka. Hu tea u vha na tshanduko.

<sup>97</sup> Inwi ni ri, "Ho luga, Mukomana Branham, ndi divha uyu muñwe musadzi hangeno, mulandu, na kathihi ho ngo ita tshiñwe-vho tsho khakheaho. Ndi musadzi wavhuđi. Kana, uyu munna *mukeneñene*, ndi munna wavhuđi. Na kathihi ha iti tshiñwe-vho. Ni a divha uri ha vhaisi muñwe muthu." Hezwo a zwi ambi na tshithu. A nga di vha muhura wavhuđi, fhedzi a si Mukriste u swikela a tshi bebwa hafhu.

<sup>98</sup> Yesu o ri, "Nga nnnda ha musi munna a tshi bebwa hafhu," Yohane Mukhethwā 3, zwauri, "a nga si vhuye a vhona Muvhuso." Zwino, iło li amba, *vhona*, li amba u "pfesesa."

<sup>99</sup> Inwi ni sedza tshiñwe-vho, na ri, "A thi khou tou tshi vhona." Ni amba uri a ni tshi pfesesi.

<sup>100</sup> Muthu ha pfesesi uri ndi ngani vhathu vha tshi ḥavha mukosi. Muthu ha pfesesi uri ndi ngani luambo lwa muthu lu tshi shanduka huno a amba nga ndimi. Muthu wa ńama ha koni u vhona ndila ine vhugala ha Mudzimu ha da kha mađo a muthu, huno a vhona bono nahone a vhudza muthu nga ha zwiñwe zwithu, na zwine zwa tea u itwa; a vha vhudza zwithu zwi no khou ḥodou bvelela, huno a vhekanya zwithu zwi no do khunyelela, vhunga zwe Murena a ri itela zwone hafha vhusiku ho fhiraho, naho. Ni a vhona? Ni a vhona? tha—thalukanyo ya nama i lingedza u humbula. "Zwo ralo, o itani? Kana, u khou shumisa muswaswo wa lushaka lufhio? U na vhukwila-de?" U vhona munna a tshi amba nga dzindimi, vha do ri...huno

muňwe a ḥalutshedza nahone a tou vhudza kokotolo muňwe murado wa Muvhili zve vha ita, na zwine vha sa tee u zwi ita. Ni a vhona? Ni a vhona? Vha elekanya uri ndi luňwe lushaka lwa muswaswo. “Hu na tshinwe tsho vhekanywaho vhukati havho.”

<sup>101</sup> Vha nga si zwi pfecte u swikela uyo munna a tshi bebwa hafhu. Zwenezwo musi o no bebwa hafhu, zwenezwo u ndilani ya vhutama, ngauri u tsiko ntswa. Iyo mvumbo ya kale i humbulelaho, i timatimaho ye a vha e yone, yo fa. Zwino, u tsiko ntswa. Ngauralo, ni a vhona, ha tei u engedza tshiňwe-vho kha zwawe, zwino, ngauri zwi do engedzwa hu si na na vhuleme.

<sup>102</sup> Dzhielani nzhele, ni fanela u bebwa hafhu. Huno musi no bebwa hafhu, ni nga si bebwe hafhu ni si na lutendo. Ndi zwone. Ngauralo, ni a vhona, kha tshati yanga hafha, ndi na mutheo wone-wone, lutendo ndi mutheo wazwo zwothe. “Ngauri nga nn̄da ha lutendo a zwi konadzei u takadza Mudzimu. Uyo a no da kha Mudzimu u fanela u tenda uri U hone, nahone ndi muñezi wa malamba wa avho vhane vha Mu ḥoda vho difunga.” Ni a vhona? U fanela u ralo. Huno musi ni mudzia-u-timatima wa Bivhili, musi ni mudzia-u-timatima wa Ipfi uri ndi lone, ndi khwine ni tshi humela murahu u swikela ni tshi thoma na li tenda.

<sup>103</sup> Tshivhi ndi mini? U sa tenda. Hu na zwivhumbi zwivhili zwi no langa muthu. Izwo zwi nga di vha thimothimo kana lutendo, tshithihi kana tshiňwe. Ni dzhiwa nga tshithihi tshire tsha langa vhutshilo hanu. Zwi tou ya na nga uri ni na lutendo lungafhani, ni nga ya n̄tha nga ndila ifhio.

<sup>104</sup> Fhedzi, tsha u thoma, hu tea u vha lutendo. Kha ndi ḥwe kha uyo mutheo lwa tshifhinganyana. Zwino, lutendo ndi zwine na fanela u tenda. Lutendo ndi zwine . . . “Lutendo ndi u vha na ngoho ya zwithu zwo fulufhelwaho.” Ndi, no no di vha nayo musi ni na lutendo, ngauri i dzumbululwa nga lutendo. “Lutendo ndi u vha na ngoho ya zwithu zwo fulufhelwaho,” Vhaheberu 11, ni a vhona, “vhutanzi.” Ndi mini? Ndi vhutanzi ha lushaka-de? Vhutanzi vhukhethwa.

<sup>105</sup> Ngauralo, musi ni tshi ri, “Mukomana Branham, ndi a tenda uri Mudzimu ndi mufhodzi.” Zwo luga, arali izwo ni tshi zwi tenda, huno zwenezwo na Mu ḥanganedza sa mufhodzi wanu, nahone ni sa khou zwifha, fhedzi vhukuma ni tshi tenda uri nga ntho Dzawe no fholo, a hu na tshithu tshire tsha do ni ita uri ni zwi furalele. Ndi tshithu tsho dzudzanyeaho. Zwino ni nga di vha na fulufhelo, na sokou dzulela u shavhela kha hetshi na u shavhela kha hetsho. Fhedzi musi ni na lutendo, ni a zwi di vha, ngauri ndi vhutanzi. No no di tshi wana. Ndo vha . . .

<sup>106</sup> Ndi vhangana, nnyi na nnyi, we a vhuya a pfa Oral Roberts matsheloni ano, musi o vha a tshi khou rera matsheloni ano, Oral Roberts? Ndo—ndo mu pfa a tshi amba tshiňwe tshithu kana tshiňwe nga ha uri ho vha hu na lutendo, ulwo lwa phuluso, hu tshi khou rabelwa thabelo ya lutendo, ya phuluso. O ri, “Itani

khwamano yanu nga u kwama radio, itani khwamano yanu nga u kwama tshiñwe tshithu, uri...” Uyo munna o vha a tshi khou ita hezwo, uri zwi née vhathu tshiñwe tshithu tshe vha vha vha tshi do vhea zwanda zwavho khatsho. Tshiñwe tshithu, inwi ni ri, “Ndo tshi wana zwino, ngauri o mmbudza uri ndi kwame radio yanga. Ndo tshi wana.” Ni a vhona? Zwino, izwo zwo luga. Fhedzi, zwino, lutendo lwa vhukumakuma a lu tei u kwama tshiñwe tsha izwo zwithu. Zwino, a thi khou sañhula Mukomana Oral, na luthihi. U khou ita mushumo muhulwane, nahone ndi munna a ofhaho Mudzimu, huno ndi—ndi na ngoho uri ndi elekanya zwinzhi nga ha Oral Roberts. Zwo vhifhesa ngauri a ri na vhunzhi havho.

<sup>107</sup> Fhedzi zwine nda khou lingeda u zwi amba, ndi zwauri—zwauri, lutendo a lu ḥodi tshiñwe-who. Ni a vhona? Lutendo lu tenda Ipfi la Mudzimu. Ngauri lutendo lu da nga “u kwama”? Hai. “Lutendo lu da nga u pfa, nahone u pfa Ipfi la Mudzimu.” Ilo li a tshi gima. Tshi heneffo. Ni a vhona? Nahone lutendo, sa izwo lo amba, a lu na tshikhala khalwo. Lutendo ndi zwa zwino. Lutendo lu hafha. Zwino vhunga arali hu na muñwe muthu...

<sup>108</sup> Ulwo lushie luñuku, línwe duvha. Uyo mme we Khaladzi Kidd na vhañwe vha amba nga hae, we a vha e na ulwo lushie luñuku lu re na mala o bvelaho nn̄da, lu si na buli kha l̄ilagumo, la u fhirisa zwiliwa. Zwino, hoyu mufumakadzi, a tshi pfa Khaladzi Kidd na vhañwe vha tshi ḥanziela, a tenda uri arali a tshi nga dzhena kha khwamano, huno nne nda rabelela ulwo lushie. Zwino, ni a vhona, Mudzimu u ñea riñe vhathu...

<sup>109</sup> Vhañwe vhashu ri na tshenzhemo na Mudzimu, vhukuma lune—lune Mudzimu a vha u tou nga u bva hafha, u fana, na u amba na Murathu Neville kana muñwe muthu ane na divhana nae. Huno riñe nga tshiñwe tshifhinga ri humbela avho vhathu uri vha ri rabelele. Izwo ndi zwine ra tea u zwi ita. Zwenezwo arali ri na lutendo uri uyo munna kana musadzi, muñwe na muñwe a no khou ri rabelela, u khou amba na Mudzimu, zwenezwo lutendo lwashu lwo farwa. Lwo putiwa. Lwo dzudzanye.

<sup>110</sup> Hafha. Muroma o bva a yo ḥangana na Yesu. Huno o ri, “Nñe—nne a tho ngo fanela uri Iwe u de fhasi ha ḥanga yanga. Nñe a tho ngo fanela. Nñe—nne a tho ngo fanela. Huno a—a tho ngo... a—a thi didzhii nga ndila heyo. Fhedzi,” a ri, “murwa wanga u khou lwala nga maanda. Huno Iwe itou amba Ipfi, u a vhona, huno murwa wanga u do tshila.”

<sup>111</sup> Ho vha hu mini? Tshikhala a tsho ngo ita phambano. Ni a vhona? Ngauri, Mudzimu u hoñhe-hoñhe. Mudzimu u na maanda oñhe. Huno hoñhe-hoñhe hune Mudzimu a vha hone, u vha na maanda oñhe hu heneffo. Huno Mudzimu, e hoñhe-hoñhe, uho hu ita Mudzimu hoñhe-hoñhe, ngafhi na ngafhi. Ni a vhona? Mudzimu u tou vha muhulwane kha la Germany, kha la

Switzerland, na fhasi kha la Afrika, zwino nga tshino tshifhinga, vhunga E zwone henefha. Oo! Ngezwo.

<sup>112</sup> Ngauralo zwino a ri, “Nne a tho ngo fanela uri Iwe u de kha ḥanga yanga. Itou amba Ipfi.” Ho vha hu mini? Ho vha hu lutendo lwa Muroma. O zwi tenda.

Huno Yesu o ri, “Tshimbila zwau. Murwa wau u a tshila.”

<sup>113</sup> Huno a bva, lwendo lwa maduvha mavhili. Huno ḫuvha li tevhelaho, a sa athu swika hayani, a ṭangana na vhañwe vhalanda vhawe vha tshi khou ḫa. Huno vha ri, “Murwa wau u a tshila.”

<sup>114</sup> Huno Muroma a nyanyulea nga maanda, u swikela a tshi ri, “O thoma u vha khwine nga tshifhinga-đe ḫsha ḫuvha? Tshipida-de tsha ḫuvha?”

A ri, “I tshi ḫodou rwa awara ya fuminthihi, a thoma u shanduka.”

<sup>115</sup> Huno Muroma o ḫivha uri ho vha hu tshenetsho tshifhinga tshe Yesu a ri, “Murwa wau u a tshila,” huno o vha o tenda. Amene.

<sup>116</sup> A re na maanda othe, a re hothe-hothe, a no ḫivha zweothe, a si na magumo, uyo ndi Mudzimu. Zwe ralo, musi vha tshi founa huno vha ri, “Rabelani!” Iyo khwamano! Huno lutendo lwanu lu ḫisa Mudzimu. Ndi tshithu tshi no ḫisa thabelo na Mudzimu, fhethu huthihi, kha vhupo. Thabelo! Lutendo lu a shandukisa u bva hafha u swika hafha. Lu zwi ḫisa fhethu huthihi.

<sup>117</sup> “Ambe Ipfi. Zweothe zwine nda toda U tshi zwi ita ndi u amba Ipfi, huno tshinwe na tshinwe tsho lugha.” Ni a vhona, ho vha hu si na uri U tea u vha henefho. “Itou amba Ipfi.” Mulandu? Mudzimu u hothe-hothe. U na maanda othe. U tou vha na maanda fhasi ha shango vhunga E nao ntha ha shango, kana kha linwe sia. Ndi ene Mudzimu. “Huno tshithu fhedzi tshine Wa tea u ita ndi u tou amba Ipfi,” a ralo.

<sup>118</sup> Huno, zwino, lutendo lu ita zweothe zwe salaho. Lutendo lu ita zwe salaho. Ngauralo ni fanela u vha na lutendo sa mutheo. Vhukriste hothe, zweothe zwine na vha zwone, zweothe zwine na do vhuya na vha zwone, zwe tewa kha lutendo kha Ipfi. Ndi ngazwo ndi tshi tenda Ipfi. Ni a vhona?

<sup>119</sup> Ndi nga si vhee lutendo lwanga kha tshinwe tshithu-vho. Arali ndo vha ndi tshi khou yo lu vhea kha tshivhidzo, ndi tshivhidzo tshifhio tshe nda vha ndi tshi do lu vhea khatsho: Katolika, Lutere, Methodisi, Baphuthisi, Vhapentekostala? Ndo vha ndi tshi do lu vhea ngafhi? A thi ḫivhi. Vhōthe vha a timatima na tshinwe na tshinwe-vho, vha songa mitaladzi, na tshinwe na tshinwe-vho.

<sup>120</sup> Fhedzi musi ndi tshi vhea lutendo lwanga kha Ipfi Lawe, lwo gimiwa. A hu na a no Li ḫalutshedza. Li hafha, MURENA U RALO. Zwenezwo Ilō ndi a li tenda. Theo ngeyo.

<sup>121</sup> Dokotela mułuku wavydu fhasi hafha doroboni, khonani yanga, Dokotela Sam Adair. Ro aluwa rothe sa vhatukana. Nothe ni a mu divha Sam. Huno o amba na nne, a ri, “Bill...” Ngā murahu ha hezwo bono la da, nda mu vhudza hune a do fhata fhethu hawe, uri hu do vhonala hu hani. Zwino iyani ngomu heneffo, mu vhudziseni nga tshiñwe tshifhinga arali izwo zwi si ngoho. Miñwaha mivhili kana miraru zwi sa athu bvelela, ndo mu vhudza hune ha do vha hone. Ndo ri, “U do dzhia kałukułuku iyo buloko ya dorobo.” Huno a hu na tshiñwe nga nn̄da ha tshithu tshithihi vhukati hawe na tshenetsho, huno itsho ndi afho fhethu ha mbuedzedzo. Dokotela Adair u na hothe ho salaho, na khemisi. Ndi zwenezwo fhedzi. Dokotela Adair o tou khunyeledza ilo bono, kokotolo. He, fhethu he a ri, “Hu nga si vhuye ha kwamiwa lwa miñwaha ya fumbiliłhanu. Li khothoni.”

<sup>122</sup> Nda ri, “Dokotela, Murena u a u nea hone, nga nthani ha u diłukufhadza hau.”

A ri, “A tho ngo luga.”

<sup>123</sup> Nda ri, “U tshibode. U na khumba nga nn̄da, goko line wa do sedza khonani dzau ngalo nn̄da hafha, fhedzi nga ngomu u muthu wa vhukuma. Ibva kha iyo khumba.” Nda ri, “Mudzimu u u nea hone.”

<sup>124</sup> A ri, “Na kathihi a tho ngo ni timatima, Billy, fhedzi izwo ndi do tea u zwi timatima.”

Nda ri, “Edzou ya ofisini yau.” Huno ngauralo a bvela nn̄da.

<sup>125</sup> Nga matsheloni a tevhelaho, a mmbidza, a ri, “Ndi khou xwatuwa lu isaho lufuni.”

<sup>126</sup> Nda ri, “Thaidzo ndi mini?” Ho vha hu Fulwana. Nda ri, “Thaidzo ndi mini, Doc?”

<sup>127</sup> A ri, “Ndo no di renga afho fhethu, Billy. Vho fara mułangano vhusiku ho fhiraho Boston, huno ndo no di renga afho fhethu matsheloni ano.”

Nda ri, “Ndo u vhudza.”

<sup>128</sup> Ndo vha ndi henengei liñwe duvha, ndi tshi khou amba nae, musi tshigidi tshi tshi thuthuba khofheni hanga. A ri, “Ndi a humbulela uri izwo ndo zwi vhudza vhatu vha tshigidi vha no da ngomu hafha, nga u ralo.” Ndi mini? Zwino, musi Mudzimu a tshi amba tshiñwe-vho, tshi tea u bvelela.

<sup>129</sup> Ho da dziñwe khonani madekwana o fhiraho. Vho vha vho no pfa ilo bono lo ambahlo nga ha kharibou ye ya vha i na lunanga lwa intshi dza fuinambili, na tshivhingwi tshihulwane tsha muronzhe tshi re na thodzi tseña. A thi divhi uri ndi vhatu vhangana vho no daho nduni yanga, vha no todou zwi vhone. Nda ri, “Thepho ngeyi. Namela lunanga.” O zwi pfa zwi tshi ambiwa zwi sa athu bvelela. Ni a vhone? Mulandu? Musi Mudzimu a tshi amba tshiñwe-vho, tshi tea u bvelela. Ndi ngazwo, tsho tewa.

<sup>130</sup> Zwino, pulane ya tshidzo i *hafha*. Huno zwenezwo arali bono Lawe lo bvelela nga ndila yo fhelelaho, nga ndila ine vha ri vha a ita kokotolo, huno itshi tshivhidzo hafha tshi a divha uri izwo ndi zwone, zwenezwo mini-ha nga Ipfi Lawe. Ni a vhona? Ilo ndi la ngoho u fhira bono. Arali bono li songo amba khathihi na Ipfi, zwenezwo bono ilo lo khakhea. Fhedzi ndi Ipfi, u thoma, ngauri Ipfi ndi Mudzimu. Ni a vhona? Ngauralo, U hothe-hothe. Hezwo O zwi amba hafha, huno a ita uri zwi bvelele Canada. Amene. Ni a vhona, U hothe-hothe. Zwo luga.

<sup>131</sup> Tsha u thoma, ni fanela u bebwa hafhu. Huno-ha musi no no bebwa hafhu, ni na lutendo; ni tenda Ipfi. U swikela ni tshi bebwa hafhu, ni do Li ɯat̄isa. Arali no tou tshingamela siani la vhurereli, huno—huno ni na n̄di—n̄di—n̄divho ɯukhu ya muthu ya uri ni tea u ita zwi re zwone, ni nga si kone u angana na Ipfi la Mudzimu na kathihi. Ni nga si kone u zwi ita na kathihi. Ni tea u bebwa hafhu. Huno, mbebo hafhu, i bveledza lutendo. Zwo luga. Zwenezwo, nga murahu ha musi no no wana lutendo, holu *hafha*, l-u-t-e-n-d-o, lutendo, zwenezwo ni tou vha kha vhuimo ha u aluwa.

<sup>132</sup> Zwino, vhunzhi ha vhatu vha ya kha alīari, huno vha rabela, huno vha ri, "Murena, nkhangwele." Huno tshenzhemo khulwane ya vhukhethwa i da khavho, na zwithu. Zwenezwo ni na tshifhinga tshavhuđi, na takuwa na ya kha alīari, ni tshi khou ɯavha mukosi. Ni humela murahu, na ri, "Fhaťutshedzani Mudzimu, ndo u wana." Hai, ni kha di bva u thoma u ya fhethu hune ni nga aluwa. A ni athu ita tshithu. Ni a vhona? Tshithu fhedzi tshe na ita ho tou vha u fhaća mutheo.

<sup>133</sup> Zwino ni khou yo fhaća nn̄du, huno ni shela mutheo, na ri, "Mutukana, ndo mu wana." Ni a vhona? Ni na mutheo une na do fhaća nn̄du yanu khawo. Zwino ni tea u fhaća nn̄du.

<sup>134</sup> Zwino heneffo ndi hune tshithu tsha dzhena hone, matsheloni ano, ri khou yo amba nga hatsho zwino. Zwo luga. Nndu, uyu mutheo ndi wa u thoma. Ndi mini mutheo wa Vhukriste? Lutendo kha Ipfi la Mudzimu. Uyo ndi mutheo wanu. Zwenezwo ni thoma u aluwa. Zwenezwo ni a thoma, ni thoma u engedza kha uyu mutheo.

<sup>135</sup> Zwino, ni tshi fhaća nn̄du, ni vhea phuphu dzańu na tshińwe na tshińwe-vho. Mukomana Woods, na vhańwe vha avha vhavhadji na vhakontiraka hafha vho vha vha tshi nga ri vhudza uri ni fhaća hani nn̄du yanu. Ni a vhona? Fhedzi ndi khou yo ni vhudza uri ni fhaća hani nn̄du yanu ya maya, hune Mudzimu a nga dzula. U ḥoda u dzula ngomu hanu. U ḥoda u ni ita vhunga Ene muñe. U ḥoda inwi ni tshi vhoniswa, ni tshi vhonisa, kha ndi ri, U vha Hawe.

<sup>136</sup> Ni a divha, tshifhingani tsha kale musi vho vha vha tshi anzela u ita musuku, vha sa athu vha na n̄ando ya u u fhissa, vho vha vha tshi anzela u kanda musuku, vha kanda uri hu bve

lurofhe, tsimbi na tsimbitswuku na zwithu, zwa bva, huno vha dzulela u zwi kanda, huno vha zwi rembulusa, nahone vha tshi zwi kanda. Vhaindia vha a zwi ita hezwo zwino, vha tshi khou kanda musuku, huno vha u kanda. Ni a divha uri vho vha vha tshi kona hani u vhona uri tsimbi yothe yo bva khawo, na tshikha yothe na zwithu, na thukhwii ya vha yo bva khawo? Musi uyo we a vha a tshi khou kanda o kona u vhona u vhoniswa hawe, vhunga tshivhoni, ngomu hawo. Wo vha wo kuna nahone u tshi vhonadza lwo edanaho u swikela u tshi vhonisa mukanđi.

<sup>137</sup> Iyo ndi ndila ine Mudzimu a ita. U dzhia musuku we A u wana ngomu ha lifhasi, huno A u kanda, nga Muya Mukhethwa, a u rembulusa, huno a dovha, huno a dovha, nahone a tshi khou u kanda u swikela (A tshi ḥanganedza) A tshi kona u vhona u vhoniswa Hawe. [Mukomana Branham o vhanda zwanda zwawe lu re na tshivhalo a tshi khou amba ili fhungo—Mudz.]

<sup>138</sup> Huno izwo ndi zwine ra tea u ita, u vhonisa Murwa wa Mudzimu. Huno zwino ri tea u ita mushumo Wawe. O ri, “A no Ntenda . . .” Yohane Mukhethwa 14:7, “A no Ntenda, mishumo ine Nda ita na ene u do i ita-vho.” Ni khou thoma u vhonisa mishumo ya Kristo.

<sup>139</sup> Fhedzi vhunzhi hashu ri lingedza u ita mishumo ya Kristo hu sa athu vha na u vhoniswa ha Kristo ngomu hashu. Zwino khakhathi ngeyo. Ri wana izwo zwithu zwi tshi khou byeleta. Ni a zwi divha. Ndi a zwi divha. Ri vhona izwi, zwikhukhuliso ndilani. Ri wana thulwi ya zwikirepe ya vhashumeli, ya Vhakriste, yo thuphwa thungo ha ndila, ngauri vha songo dzhena khayo nga ndila yone.

<sup>140</sup> Huno ndi ngazwo ndi hafha matsheloni ano, ndi u lingedza u funza itsi tshivhidzo tshitiku, na nne muñe, uri ri nga vha hani vhudzulo ha Mudzimu a tshilaho. Ndi vhangana vha no takalela u vha uvho? [Tshivhidzo tshi ri, “Amene.”—Mudz.] Vhudzulo ha Mudzimu a tshilaho!

<sup>141</sup> Zwino ngezwi zwine ra ita. Ndi mini tshithu tsha u thoma? Ivhani na lutendo, huno ni bebwe hafhu. Uho ndi u fhaña mutheo.

<sup>142</sup> Zwenezwo, nga murahu ha u fhaña mutheo, tsha vhuvhili ni engedza kha mutheo wanu. “Engedzani kha lutendo lwañu,” Petro o amba hafha. Engedzani kha lwañu . . . Tsha u thoma ni na lutendo, zwenezwo ni engedza nga maanda kha lutendo lwañu. Uyu ndi muingekano u tevhelaho. Tsha u thoma, shelani mutheo wanu, lutendo. Zwenezwo, kha lutendo lwañu, engedzani nga maanda.

<sup>143</sup> Zwino, heneffo hu thuthwa vhunzhi hashu. Ee, muñe wangga. Ee. “Engedzani nga maanda kha lutendo lwañu.” Izwo a zwi ambi fhedzi u tshila vhutshilo hone-hone vhu songo kwamiwaho, ni a divha, vhunga musadzi kana munna, na vhañwe-vho. Izwo a zwi na mushumo na hezwo.

<sup>144</sup> Bivhili yo amba, ro vhala nga hangeno kha Bugu ya Luka, he Ya ri, “Maanda o bva Khae.” Ndi zwone? [Tshivhidzo tshi ri, “Amene.”—Mudz.] Arali ri tshi khou yo fana Nae, zwenezwo, ri fanela u vha na maanda. Ri fanela u vha nao, u fana Nae. Ndi luimbo lwa u thoma lwe nda vhuya nda lu funa, kha—kha nyimbo, luñwe lwa khulwanesa, lwo vha lu, *UFana Na Yesu*. Zwo ralo, arali ndi tshi khou yo fana na Yesu, ndi tea u vha na maanda, na phara uri a kone u fhirela phanda a tshi bva kha nne a ya kha vhathu. Ngauri, “Maanda o bva Khae a ya kha vhathu.” Maanda! Huno ni sa athu ita uri a bve, ni tea u thoma na vha nao. Ni si nao, a nga si bve. Ha na tshithu tshire a do bva khatsho.

<sup>145</sup> Mini-ha arali muñwe muthu o lingedza u bvisa maanda kha riñe, huno tsheke ya vhuya i tshi ri “tshelede a yo ngo edana”? Ni a vhona? Hai, hai, a hu na tshire tshi nga bviswa heneffho, tsheke yo bammiba. Muñwe muthu o ni sedza sa Mukriste, huno matshelo a ni vhona hafha nnnda ni tshi khou bvela phanda sa muitazwivhi, a si maanda manzhi ane a nga bviswa kha hoyo. Ni a vhona? Ndi zwone?

<sup>146</sup> Maanda a fanela u vha ngomu hashu. Huno u swikela ri tshi wana maanda... Zwenezwo musi ri tshi wana maanda a vhukuma, ri nga a engedza kha lutendo lwashu. Ulwo ndi luvhondo lu tevhelaho lwa mutheo. Zwino, tsha u thoma ni fanela u vha na lutendo. Lutendo lu lwoñhe lu nga si zwi ite. Ni tea... Petro o ri, “Zwenezwo engedzani nga maanda kha lutendo lwañu.” Ni fanela u vha na maanda, uri ni a engedze kha lutendo lwañu.

<sup>147</sup> Zwino, zwenezwo, tshi nga ñi vha, tshi tshiitisi tsha u sa vha hanu nao, ngauri zwivhidzo zwinzhi zwa ñamusi zwi funza uri a ni tei u vha nao, kana mađuvha ao o fhira. “A vha tei u vha nao. Tshithu fhedzi tshire na tea u ita ndi u dzhoina fhedzi tshivhidzo. Iina, mađuvha o fhira.”

<sup>148</sup> Maanda, muthu muñwe-who u a ñivha zwine ipfi maanda la amba, ni a vhona, huno ri fanela u vha nao. Arali maanda o bva Khae, u yo fhodza musadzi we a vha a tshi lwala, U khou lavhelela maanda o raloho kha Tshivhidzo Tshawe, ngauri O vha e tsumbo yashu. Huno arali O vha e na maanda a u ñea vhathu, U lavhelela riñe u vha na maanda a u ñea vhathu. Huno maanda ndi mini? Maanda ndi nungo, maanda.

<sup>149</sup> Vhañwe vhavho a vha vhuyi vha tenda kha maanda a Mudzimu. Vha ri, “Hayo—hayo—hayo o fhira. Tshithu fhedzi tshire na tea u ita tshi tou vha u ñwalisa dzina ñanu kha bugu, huno na shashiwa, kana na shululelwa, kana na lovhedzwa, kana zwiñwe-who zwinzhi. Huno ndi zwenezwo fhedzi zwine na tea u ita.”

<sup>150</sup> Fhedzi Petro o amba hafha, “Engedzani nga maanda.” Zwino, Petro u khou amba nga ha u fhañta Ndù ya Mudzimu, ni a vhona, Thembele ya Mudzimu, a tshi khou i vhea fhethu.

Huno nga murahu ha musi no no vha na maanda, ni fanela u vha na . . . Nga murahu ha musi no no vha na lutendo, ni fanela u vha na maanda khathihi nalwo. Ndi zwone. Ivhani na maanda u itela shango lothe.

<sup>151</sup> Ndo rera therero miñwaha i no ḥodou swika ya mahumi mavhili yo fhiraho, ndi a humbulela, nga ha Vhaf. Vho-Volenga. Volenga, mufunzi. Ndo i dzhia kha liñwalwa he Yesu a ri, “Sedzani mavolenga, ha shumi kana a hoṭa. Naho zwo ralo ndi ri kha inwi, Salomo kha vhugala hawé hoṭhe ho ngo ambadzwa sa liñwe lāo.”

<sup>152</sup> Sedzani volenga. Li bva fhasi-fhasi kha mupfudze. Huno muniti muñwe na muñwe wa ḫuvha li tea u vha li tshi khou nwa zwi bvaho kha lifhasi. Ni a vhona? Huno li ita mini nga haya maanda ane la a nwa? Li a a nekedzela nnnda. Li ita bono lo nakaho kha mutami. Li a ḫivula li tshi itela mutoli, li tshi itela ḫotshi uri i de huno i wane tshipida tshayo. Ni songo vhilaela. I kha di bva u u wana, u nekedzela nnnda. Mini-ha arali ḫotshi i tshi dzhena afho; tshelede a yo ngo edana, a hu na mutoli? Iyo ḫotshi ḫukhu i do kweta ḫoho yayo huno ya ri, “Ndi volenga la lushaka-de ilo?”

<sup>153</sup> Arali munna a no khou da, a tshi khou lingeda u wana tshidzo, a ya kha tshivhidzo tshi no tenda uri mađuvha a mađembe o fhira?

<sup>154</sup> Vhunga Jack Coe o amba tshiñwe tshifhinga. O dzhena vhûeloni, huno a vha na menu muhulu; a thoma u tsa nawo a tshi u vhala, zwiṭeki zwa shambo li no nga T na zwithu. A ri, “Ndi ḫo dzhia shambo li no nga T.”

“Zwo ralo, ilo lo vha la ḫuvha lo fhiraho. A ri naļo.”

<sup>155</sup> Ndi khwine u vhea menu fhasi huno na bva, ni a vhona, ndi zwone, ngauri a vha na tshi no liwa, naho zwo ralo. Ngauralo ndi khwine ni tshi ya hune vhuļelo ha vha na tshiñwe tshithu tshi no liwa.

<sup>156</sup> Huno muthu wa myua, a tshi khou aluwa, u ḫoda tshiñwe tshithu tsha u la. Itsho ndi Ipfi la Mudzimu. Ndi tenda Ipfi liñwe na liñwe Lalo.

Mudzimu u na ḫafula lo adzwaho hune  
vhakhethwa vha Mudzimu vha fushwa,

U ramba vhatu Vhaweho nangiwaho, “Iđani  
nahone ni le dina.”

U fusha nga mana Awe, U disedza thodea iñwe  
na iñwe yashu,

Oo, zwi a qifha u lalela na Yesu tshifhinga  
tshoṭhe.

<sup>157</sup> Ndi zwone. Ee, muñe wanga. U Nalo. Tshivhidzo tshi Naļo, Tshivhidzo tsha Mudzimu a tshilaho, tsho fhaṭelwaho ngomu ha

uyu munna o fhelelaho, wa ndivho ya Kristo. Zwino, zwino ni fanela u vha na maanda.

<sup>158</sup> Zwenezwo ndo ri, tshithu tsha u thoma ni a divha, hu na muňwe muthu a no funa u vha na munukhelela. Ha na tseda. U na munukhelela. A sa athu nea munukhelela, u tea u vha nawo. A sa athu kona u nea mutoli, u tea u vha nawo. A sa athu kona u nea lunako, u tea u vha nalwo.

<sup>159</sup> Ni sa athu kona u nea maanda, ni tea u vha nao. Ngauralo, kha lutendo lwaňu engedzani nga, maanda. Amene. Ni a pfectesa? Ro vha ri tshi nga dzula kha hezwo tshifhinga tshilapfu, fhedzi tshifhinga tshashu tsho vha tshi tshi do ri sia. Ni tshi khou engedza nga maanda kha lutendo lwaňu. Zwino, tsha u thoma ndi lutendo, ha da maanda.

<sup>160</sup> Huno-ha, tsha vhuraru, ni engedza nga ndivho. Ndivho, zwino, izwo a zwi ambi ndivho ya shango, ngauri iyo ndi vhutsilu kha Mudzimu; fhedzi ndivho ya u hačula, u hačula (mini?) tshi re tshone na tsho khakheaho. Ni zwi hačula, hani-ha, arali ni na ndivho ya Tshikriste na maanda aňu na lutendo? Ni hačula uri kana Ipfi ndi lone kana lo khakhea. Huno arali ni tshi nga vhetshela thungo ndaela dzaňu dzoňe, na u sa tenda haňu hoňe, tshiňwe na tshiňwe tshine na ri no tshi ita, zwenezwo ni na ndivho ya u tenda uri Mudzimu a nga si kone u zwifha. “Ipfi liňwe na liňwe la muthu nga li vhe mazwifhi, fhedzi Langa li vhe ngoho.” Ni a vhona? Zwino ni khou wana ndivho. Iyo ndi ndivho khulwane. A ni tei u vha na digirii nna kha inwe kholidzhi, kana tshiňwe tshithu tsho raloho, uri ni vhe nayo, ngauri izwi zwivhuya zweňe zwi newa inwi nga Mudzimu, uri ni zwi vhee kha mutheo wa lutendô lwaňu, uri ni kone u da kha tshiimo tsho khunyelelaho tsha muthu wa vhukuma, a tshilaho wa Mudzimu. Ee, muňe wanga.

<sup>161</sup> Engedzani, engedzani nga ndivho, ngauri, ndivho ya Ipfi Lawe. Ni fanela u li tenda nga heyi ndila. Vhunga, ni tea u tenda namusi uri... nahone na zwi tanganedza, zwauri mađuvha a madembe ho ngo fhira. Ndivho ya uri zwe Mudzimu a amba, Mudzimu u a kona u ita.

<sup>162</sup> Abrahamu o zwi tenda izwo. Huno musi o vha e na miňwaha ya ñana nga vhukale, ho ngo timatima pfulufhedziso ya Mudzimu nga u sa tenda. Vhonani uri ilo Ipfi lo vhonala li sa pfali hani. Munna ngoyu, u na miňwaha ya ñana nga vhukale, u khou ţoda lushie lu no do bebelwa hayani hawe, nga musadzi wa miňwaha ya fuňahe nga vhukale. Ni a vhona? O ţodou fhira miňwaha ya fuňhanu ya mbebo, o dzula nae a tshee mu—musidzana muswa, kana khomba. Huno ngoyu hafha, mulambwana wawe wa vhutshilo wo no fa. Na mbumbelo ya Sarah yo vha yo no fa. Huno mafulufhelo oňhe o vha a si tsheeho, malugana na mafulufhelo. Fhedzi, naho zwe ralo, hu si na na fulufhelo, a tenda kha fulufhelo, nge a vha o no vha na ndivho

ya uri Mudzimu o vha a tshi kona u vhulunga tshiñwe na tshiñwe tshe A fulufhedzisa.

<sup>163</sup> Zwino, musi no i wana nga u ralo, zwenezwo engedzani ngayo kha lutendo lwañu. Musi no wana maanda a vhukuma, engedzani ngao kha lutendo lwañu. Musi ni tshi kona u tshimbila hafha nnda tshiñarañani, tshilanî sa Mukriste, itani sa Mukriste, ivhani Mukriste, izwo engedzani ngazwo iyo kha lutendo lwañu. Musi ni na ndivho . . .

<sup>164</sup> Inwi ni ri, “Zwo ralo, a thi ñivhi arali *ulu* Luñwalo lu lwone. Zwino ngeyi Mishumo 2:38, a thi ñivhi uri ndi nga i shumisa hani na Mishumo 28:19. A thi ñivhi.” Zwo luga. A ni—a ni engedzi tshithu, ngauri a ni athu u U wana. Ni a vhona? Ni khou yo ita mini? Ngauri, a ni na ndivho yo edanaho u ñivha nga ha Mudzimu, u swikela zwino, uri Bivhili a i Dihanedzi. I litsheni i yothe. Ni songo tsha amba nga hayo. Ni a vhona? I litsheni i yothe.

<sup>165</sup> Fhedzi musi ni tshi kona u vhona uri Luñwalo a lu dihanedzi, uri ni nga kona u amba hezwo; huno na kona u vhona, zwauri, nga nzumbululo ya Mudzimu, Ipfi loþhe lo ñwalwa nga zwiphiri, nahone ndivho ya Mudzimu fhedzi i nga Li dzumbulula; zwenezwo musi ni tshi wana na amba, na andana na Ipfi liñwe na liñwe la Mudzimu nga “amene,” zwenezwo izwo na engedza ngazwo kha lutendo lwañu.

<sup>166</sup> Oo, ni khou thoma u vha munna wavhuði nga maanda zwino. Ni a vhona? Ni khou ða nthia, ni a vhona. Nga mini? Nga lutendo, na nga maanda, na ndivho. Ni a vhona uri zwi khou fhaña uyu munna hani? Ni nga kona u vhona zwauri a hu na—a hu na ndila ya u zwi ponya. Heyi ndi ndila ya u vha kha tshiimo tsho khunyelelaho tsha Kristo. Ee, muñe wanga.

<sup>167</sup> U hañula, hañulaní zwone. Hañulaní arali zwi zwone kana zwo khakhea, u tenda Ipfi la Mudzimu. Hañulaní arali zwi zwone kana zwo khakhea, arali ndi tshi tea u shumela ndaela kana u shumela Mudzimu. Hañulaní arali zwi zwone kana zwo khakhea, uri ndi tea u bebwa hafhu kana u dzhoina tshivhidzo. Zwenezwo ni mathomoni. Hañulaní zwone, musi mureri a tshi ri, “Maðuvha a madembe o fhira.” Bivhili yo ri, “Yesu Kristo a sa shanduki mulovha, ñamusi, na lini na lini.” Zwino ni khou yo tenda zwifhio?

<sup>168</sup> Musi ni tshi ri, “Ndi ðo dzhia Mudzimu.” Zwino, a ni ambi izwo u sokou ri, “Ndi zwone, ndi—ndi a zwi dzhia,” zwi tshi tou bva mbiluni yañu. Fhedzi, tshiñwe tshithu ngomu hanu, lutendo lwañu lu sukumedzela heneffo nnda. Ngezwo. Lutendo lwañu lu ri, “Ndi a ñivha uri Ene ha shanduki. Amene. Ndo Mu ðanziélela zwenezwo zwithihi. A hu na tshire tshi nga nnzhiela lwone. Ndi a ñivha uri U a tshila.” Amene. Zwenezwo engedzani nga hezwo kha lutendo lwañu. Zwi vheeni phasi kha mutheo. Ni khou ða

n̄tha zwino, ni khou da n̄tha u yela Muvhusoni. No swika fhethu zwino. Zwo luga.

<sup>169</sup> Zwino, tshithu tshi tevhelaho, mureri u do ni vhudza, huno vhathe vhanzhi vha ri, “He . . . Hezwi zwithu zwine na zwi vhalala kha Bivhili, zwo vha zwi zwa linwe duvha. Zwino, ndi do ni vhudza uri ndi ngani. Ngauri, namusi a ri ḥodi izwo zwithu. A ri zwi ḥodi. Ni a vhona? A ri tei. A ri tei u diqowedza u ita izwo zwithu, phodzo ya Muya. A ri diqowedzi u amba nga dzindimi, tshivhidzoni, u—u ita uri tshivhidzo tshashu tshi dzule tsho lulama. Nahone a ri zwi iti *hezwi*.”

<sup>170</sup> Ri do da kha hezwo. Ndi na Luñwalo lwo ñwalwaho fhasi hangeno nga ha hezwo, ni a vhona, arali ri tshi tea u zwi ita musi uno kana hai, zwino.

<sup>171</sup> Fhedzi hafha o ri, “A thi diyvi. A ro ngo tea u ita hezwo namusi. Tshithu fhedzi tshire nda elekanya uri ri tea u tshi ita, ri tea u guda u amba zwavhuđi phanda ha mavhuthu. Ri tea u ya huno ra tendela nanga ya muhumbulo u ḥola ḥhalukanyo yashu, u vhona arali ri tshi kona u kona u disumbedza riñe vhañe, arali IQ yashu i n̄tha lwo edanaho u zwi ita, na—na zwiñwe-vho nga u ralo. Ndi elekanya . . . Huno ri fara zvihidzo zvihulwanesa. Ri fhaña dzangano ḥashu.”

<sup>172</sup> Rine a ri khou fhaña dzangano. A thi hafha matsheloni ano u fhaña dzangano. Kristo ho ngo nthuma u fhaña dzangano na kathihi. Kristo o nthuma u fhaña vhatheuri vha vhe kha tshiimo tsha Yesu Kristo, uri vha vhe vhathe vha nungo khulu na vhudzulo ha Muya, nga Ipfi Lawe. Nga Ipfi Lawe, ni a vhona, fhatani muthu u swika afho fhethu. Hu si u fhaña dzangano uri li vhe dinomineisheni khulwane, fhedzi fhatani muthu uri a vhe vharwa na vhananyana vha Mudzimu. Uyo ndi wone muhumbulo. Ni a vhona? Engedzani kha lutendo lwanu, nga maända; kha maända anu, engedzani nga ndivho. Zwo ralo, zwino ni khou da fhethu.

<sup>173</sup> Zwino musi vha tshi thoma u ri, “Zwo ralo, a ri tei u ḥanganedza hezwo ñamusi.” Ni tea u ralo. Zwi fanela u ralo.

<sup>174</sup> Mañwalo a nga si kone u zwifha. “Huno a si a ḥalutshedzo ya tshidzumbe,” Bivhili yo ralo. Inwi itonu I tenda nga ndila ye Ya ñwalwa Heneffo. Ni a vhona? Ni tea u vha na hezwi zwithu. Huno ndila fhedzi ine na do vhuya na kona u vha nazwo, ndi u vha na ndivho yo bebwaho ḥadulu. Huno ndivho yo bebwaho ḥadulu i do khwañisedza Ipfi. Ni a vhona?

<sup>175</sup> Ni tea u tenda, hu si u zwi tenda lwa muhoyo. A hu na na tshithihi tsha izwi tshi re tsha muhoyo, ni a vhona, arali ni tshi lingedza u ri, “Ndo tshi wana.” Ni songo vha tshiñoni tshitswu ni tshi khou ḥoma mithenga ya phikhokhonduna ngomu hanu, ni a vhona, ngauri i do bva ya wa. A yo ngo alutshela ngomu heneffo nga ndila ya mupo. Yo tou ḥonwa.

<sup>176</sup> Ndi elekanya nga ha he Dafita a amba heneffo, Phisalema 1, “U ḋo nga muri wo ṭavhiwaho tsini na milambo ya madi.” Ni a ḋivha, hu na phambano vhukati ha u ṭavhiwa na u simulwa, u bvela nn̄da. Vhunga muouku wa kale, wo no ṭavhiwa, u tshi tsela fhasi huno wa farelela zwavhudi. Lutanda lwa kale lwo ṭokwaho ngomu heneffo, a ni ḋivhi uri ḫu khou ḋo bvelela mini khalwo. A lu na midzi. A lu na mutheo. Ni a vhona?

<sup>177</sup> Izwo zwi fana na vhañwe vhathu vha no khou bva seminari kana tshiñwe tshithu, ni a vhona. A vha na... “Ndi zwone, Dokotela *Mukenenene* o nnta mushumoni.” A zwi iti phambano zwe izwo zwa vha zwi zwone.

<sup>178</sup> Kristo o ni bebelia ngomu hawo, ni a vhona, ni a vhona, nga lutendo lwañu. Ni a vhona? No ḋewa vhutshilo vhuswa nahone no bebelia ngomu hawo. Huno zwenezwo no no bebelia ngomu hawo, hezwi ndi zwithu zwine A ni lavhelela uri ni engedze ngazwo. Itonu dzulela u engedza ngazwo. Zwino ri khou tsela fhasi ha mutalo.

<sup>179</sup> Zwino hu ḋo vha na tshiñwe tshithu kha iyi ndivho, ine ri nga amba nga hayo, ndivho ya Mudzimu. Ni a vhona? “Naa ḋamusi Bivhili yo xedza ṭhaluso Yayo?” Ni a vhona, vhone, vhathu vhanzhi vha ni vhudza zwauri, zwauri Bivhili a i ambi hezwo kokotolo. Arali Mudzimu a tshi ndondota, huno a nkakhulula tshivhini tshanga, nahone arali ndi murwa wa Mudzimu, hezwo U a zwi ita. U ni ita nga heyo ndila, vharwa na [Tshikhala kha theiphi—Mudz.] vhananyana. Musi ni tshi ita tshiñwe-vho nga ndila yo khakheaho, U a ni khakhulula. Zwenezwo arali Mudzimu a tshi ni humbulela, zwine A ni londota nahone a ni khakhulula, ndi zwingafhani zwinzhi zwe A itela Ipfi Lawe, line la vha tsumbo yanu, line la vha Ene muñe!

*U rangani Ipfi o vha e hone, huno Ipfi o vha e na  
Mudzimu, huno Ipfi o vha e Mudzimu.*

*Huno... a itwa ḋama, huno a dzula vhukati hashu,...*

<sup>180</sup> Ipfi ndi nzumbululo ya Yesu Kristo, Bivhili yo ralo, Kristo u khou dzumbululwa kha Ḥipfi Lawe. Huno arali O ni londota musi ni tshi pfuka iyi milayo, U a ni sañhula nga n̄thani hazwo, ndi zwingafhani zwo engedzeaho zwe A londota mulayo Wawe u no ni sañhula! Amene.

<sup>181</sup> Isani phanda, mutukana, ni songo mmbudza izwo zwithu!

<sup>182</sup> Ndi tenda kha ndivho vhukumakuma, ya Muya Mukhethwa. Ndivho ya Muya Mukhethwa i ḋo andana na Ipfi nga “amene” tshifhinga tshothe. Musi ni tshi wana izwi zwithu zwi no vhonala zwi tshi dihanedza zwone zwinę, kha Bivhili, ni dzula fhasi huno na zwi guda, nahone ni tshi khou rabelia nga u ralo. Huno tshithu tsha u thoma ni a ḋivha, Muya Mukhethwa u thoma u dzhena. Ngavhuyanyana ni vhona zwi tshi kwakwana, huno heneffo no i wana. Ni a vhona? Iyo ndi ndivho.

<sup>183</sup> Vhaňwe vhavho vha ri, “Zwo ralo, zwino, Bivhili yo ri Ene ha shanduki mulovha, ñamusi na lini na lini.”

<sup>184</sup> Huno tshivhidzo tshi ri, “Nga iňwe thavhutshedzo, Ene ha shanduki.” Huh-uh! Huh-uh! No no vunda thevhekano, heneffho. Ni a vhona? Ee, muňe wanga. Hai, muňe wanga. Ene ha shanduki. Ee, muňe wanga.

<sup>185</sup> “Yesu Kristo a sa shanduki mulovha, ñamusi, na lini na lini.” A hu na phambano Khae, na luthihi. U tshila ngomu ha Tshivhidzo Tshawe, a tshi khou ita zwenezwo zwithihi. “Ngavhuyanyana,” sa zwe nda redza tshifhinganyana tsho fhiraho, “ngavhuyanyana huno shango a li tsha do Mmbona, hone inwi ni do Mmbona. Ngauri,” O ri, “Ndi do vha na inwi, na ngomu haňu, u swika vhufheloni ha shango.” Hafhu, O ri, “Mishumo ine Nda ita na inwi ni do ita-vho.” Hafhu, O ri, “Ndi do vha Mułokola. Inwi ni do vha matavhi.” Huno davhi li tshila fhedzi nga Vhutshilo ha Mułokola. Tshiňwe na tshiňwe tshi re kha Mułokola tshi bvela nnđa nga davhi. Vhugala! Zwenezwo, “Kristo a sa shanduki mulovha, ñamusi, na lini na lini.” Li bveledza Vhutshilo ha Murena Yesu Kristo. Amene.

<sup>186</sup> Nđivho; hu si ya shango (i a ñaña). Lushaka luňwe-vho lwa nđivho ya shango lu a ñaña. Ni a vhona? Fhedzi lutendo a lu na mañaña. Mudzimu a tshi ni dzumbululela uri tshithu *tshikenenene* tshi khou yo bvelela, musaintsi muňwe na muňwe shangoni o vha a tshi do ni vhudza, “A zwi elani. Tshi nga si bvelele.” Inwi zwi tendeni, naho zwo ralo. Ni a vhona? Ee, muňe wanga. A lu ñani. Bivhili yo ri, “Ri wisela mañaña fhasi.” A ni ñani na lutendo. Lutendo a lu na mañaña. Lutendo lu ñivha hune lwa vha hone. Lutendo lu a ita. Lutendo lu a farelela. A lu koni u sudzuluwa. A hu na tshine tshi nga lu sudzulusa. A thi londi zwiňwe na zwiňwe zwine *itshi*, *itsho*, *tshiňwe* tsha amba. A lu sudzuluwi, na zwiňkuťuku. Lu dzula heneffho, lwa lindela, lwa lindela, lwa lindela. A zwi iti phambano iňwe-vho. Lu dzula heneffho.

<sup>187</sup> Mudzimu o vhudza Noaxe uri izwi zwithu zwi khou yo bvelela. O zwi tenda. Ni a vhona? Mudzimu o vhudza Mushe uri izwi zwithu zwi khou yo bvelela. O zwi tenda. Mudzimu o vhudza vhafunziwa uri zwiňwe zwithu zwi khou yo bvelela, “Gonyani ngei Pentekoste huno ni lindele.” Vho dzula henengei. Ee, muňe wanga. Zwo luga.

<sup>188</sup> Zwino, nđivho, zwino, hu si nđivho ya shango, fhedzi ndi nđivho ya tađulu. Huno nđivho ya tađulu, ngeno Mudzimu e tshisima tsha nđivho yothe, huno Mudzimu ndi Ipfi. Zwenezwo, arali ni na nđivho ya Tađulu, ni tenda Ipfi, huno ni ñaňisa tshiňwe-vho nga Ipfi.

<sup>189</sup> Huno uyu mulandu wa muthelo we tshivhidzo tsha vha tshi khawo, kana we nda vha ndi khawo. Muňwe wa vhanna nga tshiňwe tshifhinga, kha tsengo ūhukhu, o mmbudza. O ri nnę

ndo ri . . . “A vho ngo wana tsho khakheaho.” Huno ngauralo vha thoma u . . .

<sup>190</sup> Nda ri, “Zwo ralo, zwenezwo, arali hu si na tsho khakheaho, ndi ngani ni sa ṭuwi murahu hanga?” Ni a vhona? Ni a vhona? Huno nda bvela phanda, ndi tshi mu vhudza nga ha mañwe Mañwalo.

<sup>191</sup> A amba, muthu muhuluhulu e na sigarete tshandani tshawe, a ri, “Vho-Branham, ndi mutshudeni wa Bivhili.”

Nda ri, “Ndi takalela u pfa hezwo.”

<sup>192</sup> A ri, “Zwino ndi ṭodou ḋivha zwine uvhu vhutendadambi, vhone vha a badelisa izwi zwisagaduku zwine vha zwi rumela nnnda, uvho vhutendadambi vhuṭuku ha u rabelela zwisagaduku nahone vha zwi rumela nnnda, izwo ‘zwiambaro zwo ḋoliswaho,’ vha zwi vhidza, ‘sila.’” A ri, “Zwenezwo izwo vha a zwi badelisa.”

Nda ri, “Hai, muñe wanga. A hu na mbadelo khazwo.”

Huno a ri, “Zwo ralo, kha uvhu vhutendadambi.”

<sup>193</sup> Nda ri, “Ni zwi vhidza vhutendadambi, muñe wanga. No mmbudza miniti i si gathi yo fhiraho uri ni mutshudeni wa Bivhili.”

A ri, “Ndi ene.”

<sup>194</sup> Nda ri, “Nthedzeleni Mishumo 19:11.” Ndivho! A ḋifashisa ene mune heneffo ngomu hayo, a lingedza u shandukisa ṭhoho. Nda ri, “Zwenezwo nthedzeleni Yohane 5:14.” Ho ngo kona u zwi ita. Nda ri, “Zwenezwo Yakobo 5:14.” A si kone u zwi ita. Nda ri, “Ni a ḋivha Yohane 3:16?” Ni a vhona? Ndivho, u thanya, shango! Fhedzi musi . . .

<sup>195</sup> A ri, “Fhedzi, Vho-Branham, vha khou lingedza u senga mulandu uyu nga Bivhili. Riñe ri khou u senga nga milayo ya shango.”

<sup>196</sup> Nda ri, “Mune wanga, naa milayo ya shango a yo ngo tewa kha Bivhili? Zwenezwo ndi khaṭhulo kwayo.” Amene! Ngoho.

<sup>197</sup> Ndivho; hu si ya shango. Ndivho ya zwa maya ya Ipfi, ni tshi ḋivha zwe Mudzimu a amba, na ita zwe Mudzimu a amba, ndi zwone. Zwenezwo arali ni na hezwo huno na kona u tenda izwi zwithu zwoṭhe, zwauri Ene ndi a sa shanduki kha izwi zwithu zwoṭhe zwine Ipfi la ri ndi ngoho, na andana na tshiñwe na tshiñwe nga “amene.” Zwo luga. Engedzani nga izwo kha lutendo lwanu. Izwo zwo luga. Ee.

<sup>198</sup> Arali muñwe muthu a tshi lingedza u ni vhudza, uri, “Bivhili yo xedza maanda ayo. A hu na tshithu tsho raloho tshi no nga ndovhedzo ya Muya Mukhethwa.” Huh-uh. Izwo ni songo engedza ngazwo. A zwi nga shumi. Zwi do wa. Vhunga u vhea yumba kha tombo, li nga si nambatele. Li ḋo kwashekana.

<sup>199</sup> Zwenezwo vhathu vha a ni vhudza, “Bivhili i nga si fulufhelwe ḥamusi. Ni ṭhogomele zwino. Ni songo ṭuwa ni tshi tenda hezwo. Zwi nga si vhe ngoho.” Izwo no no zwi pfa tshifhinga tshothe. Liambele l̄ituku, “Ni nga si fulufhele Bivhili.” Ho luga, arali—arali ni na ḥezwo ṭhalukanyoni yaṇu, a ni—ni songo lingedza u engedza ngazwo, ngauri a zwi nga shumi. Tshifhaṭo tshothe tshi do wela heneffo fhasi.

<sup>200</sup> Tshi tea u pulasitelwa nga Muya Mukhethwa. Ndi amba u nambatelana, pulasitele ine ya tshi shatela. Huno tshenetsho tshithu tshi no tshi shatela . . . Ni a ḫivha ndila . . .

<sup>201</sup> Tshupu yo khwaṭhiswaho i a lalama u fhira tshinamo zwatsho tsha kale tsho nambatedzwaho. Mufhiso muṭuku u a hanganea kha tshinamo tsha kale tshi re kha thaela, tshithu tsha u thoma ni a ḫivha, itani uri iļo thaela li fhise zwiṭukuṭuku, li gidime nga u ḫavhanyedza zwiṭuku, huno tshi do ḥoka. Ee, muṇe wanga. Ni a vhona?

<sup>202</sup> Huno iyo ndi yone thaidzo kha vhathu vhanzhi ḥamusi. Vha lingedza u nambatedza ndivho yavho kha ndivho ya shango, nga guluu ḫukhu ya kale ya ḫifasi, huno, musi milingo i tshi da, “Zwo ralo, khamusi ndo vha ndo khakha.” Ni a vhona? Huno maya u a bva, ni a xa nga miniti i si gathi. U ḫavha mukosi hanu hoṭhe na u fhufhela n̄ha na fhasi a ho ngo ni fara zwavhuđi. Vhathu vha ni vhona no vhuyeleta kha ḥeneļo gakha hafhu. Ni a vhona? Ndi zwone.

<sup>203</sup> Fhedzi arali ni tshi dzula heneffo ni na mufhiso wo eđanaho wa Muya Mukhethwa, u swikela u tshi ita inwi na tshupu tshithu tshithihi. Ndi zwenezwo. Inwi na tshupu ni vha tshithu tshithihi. Musi ni tshi do dzula heneffo u swikela inwi na pfulufhedziso iñwe na iñwe ya Mudzimu ni tshi vha tshithu tshithihi, zwenezwo engedzani nga izwo kha lutendo lwaṇu. Arali ni sa iti, ni songo engedza ngazwo na luthihi.

Inwi ni ri, “Ipfi li nga si fulufhelwe.” Ni songo lingedza u engedza nga hezwo.

<sup>204</sup> Inwi ni ri, “Pfulufhedziso dzi re ngomu hafha, dza ndovhedzo ya Muya Mukhethwa, dzo ambelwa vhaapostola vha fumi na vhavhili fhedzi,” vhunga zwiñwe zwivhidzo zwi tshi amba ḥamusi, ni songo lingedza u engedza nga hezwo. Afho ndi hune mutheo wavho wa vha hone, wo kwashukanaho tshothe. Ni a vhona? Vhunga zwe Usia a vha e zwone, vhusiku ho fhiraho, musi o no vhona mutheo wa uyu munna we a mu fulufhela, wo kwashekana tshothe, wo rwiwa nga mapele, zwo vha zwi si zwavhuđi. Zwino, “U tou itela fhedzi vhaapostola vha fumi na vhavhili, vhaapostola vha fumi na vhavhili fhedzi.”

<sup>205</sup> Ndo vha ndi ngei ha Mukomana Wright . . . Ndi elekanya uri vho vhuyeleta heneffo huňwe fhethu. Vhuňwe vhusiku, ho vha hu na mushumeli heneffo, ndi tshi khou amba, hu na vhareri vhaṇa kana vhaṭanu. Uyu mureri a takuwa huno a ri, “Zwino,

ndi Ძòdou ni vhudza tshiñwe tshithu inwi vhatu vha funwaho. Oo, ndi elekanya uri ni vhatu vhavhudì.”

<sup>206</sup> Nda ri, ndo vhudza muñwe muthu, nda ri, “Ndi—ndi uyo o dzulaho heneffo. Sedzani.”

<sup>207</sup> Ngauralo, Junior Jackson, heneffo murahu, o vha a tshi kha di bva u fhedza u amba. Huno o ri... o vha a tshi khou rera nga ha tshilidzi tsha Mudzimu. Yawee, nnenñē!

<sup>208</sup> O vha a tshi khou swa, o lindela. A swika heneffo n̄tha huno o vha a tshi khou lingedza u pfesesa. “Zwino, ndi Ძòdou ámba uri hafha Vho-Branham, ndi a vha vhudza, ndi muvhangisakristo.” Huno o thoma nga u ralo, vhusiku hothe.

<sup>209</sup> Vhanwe vha vhareri vha thoma...nda ri, “Imani lwa tshifhinganyana. Zwino, ni songo amba tshithu, vharathu. Ndi ene fhedzi na tshigwada tshashu.” Nda ri, “Itonu mu litsha e eþhe zwino. O wana nne mulandu.” Ndo zwi Ძòda, nne muné, nga maanda, a tho ngo ðivha zwe nda vha ndi tshi nga ita. Ni a vhona?

<sup>210</sup> Ngauralo, a ri, “Vho-Branham ndi muvhangisakristo,” nahone a bvela phanda a tshi khou amba tshiñwe na tshiñwe ni a ðivha, nga hazwo. Á ri, “O amba hangei, ‘Ndovhedzo ya Muya Mukhethwa.’” Ha pfi, “Bivhili yo ri vho wanaho ndovhedzo ya Muya Mukhethwa vho vha vhe fumi na vhavhili fhedzi.” A tshi amba nga ha phodzo ya Muya, “Vhaapostola vha fumi na vhavhili ndi vhone fhedzi vhe vha vha vhe na phodzo ya Muya.” A ri, “Ri amba hune Bivhili ya amba, huno ra fhumula hune Bivhili ya fhumula.” Ndo lindela u swikela a tshi fhedza u lila sa tshele heneffo lu no Ძòdou swika hafu ya awara.

<sup>211</sup> Nda ri, “Imani lwa tshifhinganyana. Ndo ñwala nnzhi nga maanda hafha,” nda ri, “nneeni tshikhala tsha u fhindula zwiñwe.” Huno musi ndo no takuwa, nda ri, “Muné wanga, o amba zwauri o ‘amba he Bivhili ya amba,’ tshiyhidzo tshawe tsho ralo, ‘huno tsho fhumula he Ya vha yo fhumula.’ Vhoinwi noþhe ni dzithanzi. ‘Ee.’” Nda ri, “Zwino, o ri, ‘Vho tanganedzaho Muya Mukhethwa vho vha vhe fumi na vhavhili fhedzi.’ Bivhili yanga yo ri ho vha hu na ñana na mahumi mavhili, mubvumo wa u thoma wa tshigidi.” Amene! Poselani ulwo lushaka lwa nðivho nn̄da, ni a vhona, ya uri o vha a tshi khou lingedza.

<sup>212</sup> Nda ri, “Zwenezwo ndi a humbulela uri Paulo ho ngo tanganedza Muya Mukhethwa musi o amba uri o ralo.” Ni a vhona?

<sup>213</sup> Nda ri, “Ngei kha la... Musi Filipo o tsela fhasi huno a rerela Vhasamaria. Vho vha vho no lovhedzwa nga Dzina la Yesu. Fhedzi, Muya Mukhethwa wo vha u sa athu ña khavho. Huno vho ruma huno vha wana Petro na Yohane, vha ña huno vha vhea zwanda khavho, huno Muya Mukhethwa wa ña khavho. Ndi a humbulela uri avho vho vha vhe fumi na vhavhili fhedzi?”

<sup>214</sup> Nda ri, “Kha Mishumo 10:49, musi Petro e kha thanga ya nn̄du, nahone o no di vhona bono la uri vha khou ya ha Koronelio. Musi Petro a tshi kha di amba aya maipfi, Muya Mukhethwa wa wela kha avho vho pfaho Ipfi.” Nda ri, “Bivhili i kha di amba. Tshivhidzo tshanu tshi ngafhi?” Tshi murahu kha zwine zwa do vha hone. Ndi zwone. Ni a vhona?

<sup>215</sup> Nda ri, “Phodzo ya Muya, no ri, ‘Vhaapostola vha fumi na vhavhili ndi vhone fhedzi vhe vha vha vhe na phodzo ya Muya.’ Bivhili yo ri Stefano o tsela Samaria huno a pandela vhodiabolo nahone a fhodza vhalwadze, huno ho vha na dakalo lihulwane mudini. Huno o vha e si muñwe wa vha fumi na vhavhili. O vha e si muapostola. O vha e mudikoni.” Amene. Amene.

<sup>216</sup> Nda ri, “Huno Paulo o vha e si muñwe wa vha fumi na vhavhili vhe vha vha vhe lufherani lwa nt̄ha, huno o vha e na tshifhiwa tsha phodzo.”

<sup>217</sup> Nda ri, “Edzonu vhona zwifhiwa zwa phodzo! Huno thwii, nga murahu ha miñwaha ya mahumi mararu, o vha a tshi kha di vha Korinte, a tshi khou ta tshifhiwa tsha phodzo kha Muvhili wa Kristo.” Yawee, nñenñe!

<sup>218</sup> Zwino, ulwo lushaka lwa ndivho ine na i guda kha iñwe bugu, ndi khwine ni tshi i posela nn̄da kha gani ya mashika. Idani kha iyi ndivho. Musi Mudzimu o ri, “Ha shanduki mulovha, ñamusi, na lini na lini,” i ri ni, “Amene.” Ee, mune wanga. Ee, mune wanga. A si kha vha fumi na vhavhili; ndi zwa vhothe. Musi ni tshi wana ulwo lushaka lwa lu—lutendo, musi lutendo lwanu lu tshi andana nalo, lothe, nga “amene,” zwenezwo na ri, “Zwo luga,” engedzani nga zwenezwo khalwo.

<sup>219</sup> Tsha vhuna. Ri do tea u ḥavhanya, ngauri ndi tou... Zwi tou pfala zwi zwavhuđi nga maanda u ima hafha huno nda amba nga hazwo. Amene. [Mukomana u ri, “Ri khou diphina ngazwo.”—Mudz.] Iina. Tsha vhuna... Ndi a ni livhuwa.

<sup>220</sup> Engedzani nga “u difara.” Yawee, nñenñe! Ro da kha u difara. Zwino, no no vha na lutendo, tsha u thoma; ni tea u vha nalwo, u thoma ngalwo. Zwenezwo ni engedza nga maanda kha lutendo lwanu, arali lu lushaka lu re lwone lwa maanda. Zwenezwo ni engedza nga ndivho, arali lu lushaka lu re lwone lwa ndivho. Zwino ni khou yo engedza nga u difara.

<sup>221</sup> U difara a hu ambi, “litshani u nwa tshikambi,” hafha, lini. Hai, hai. U difara a hu ambi dzilafho la alikoholi, hu si kha iyi nzulele. Hohu ndi u difara ha Bivhili, u difara ha Muya Mukhethwa. Iyo i tou vha iñwe ya nyemulo dza ñama, fhedzi ri khou amba nga ha u difara ha Muya Mukhethwa. Uho hu amba, ndila ya u langa lulimi lwanu, na si vhe mudzia-zwitshole; ndila ya u langa mbilwana yanu, hu si u dinalea tshifhinga tshothe muñwe muthu a tshi amba o ni sinyutshela. Yawee, nñenñe!

<sup>222</sup> Mutukana, vhanzhi vhashu ri khou yo wa ri sa athu thoma, a ri khou yo ralo? Ni a vhona? Zwenezwo ri a mangala uri ndi ngani

Mudzimu a siho Tshivhidzoni Tshawe, a tshi khou ita madembe na zwithu zwe vha vha vha tshi anzela u zwi ita. Ee, muñwe wanga. Ni a vhona?

<sup>223</sup> Engedzani nga hezwi zwithu. Engedzani nga u difara khalwo. Oo, u difara, ndila ya u fhindula nga vhulenda musi ni tshi halifhelwa. Muñwe muthu u ri, “Inwi tshigwada tsha vhavhumbuluwi vhakhethwa afho phasi!” Ni songo fhufha huno na finya zwanda zwanu zwino. Ni a vhona? Hu si hezwo. Fhedzi ambanu ni na lufuno lwa Mudzimu, u difara, vhulenda. Naa iyo ndi yone ndila ine na ḥodou vha yone? [Tshivhidzo tshi ri, “Amene.”—Mudz.] Musi ni tshi ḫungiwa, ni songo ḫunga. Ene kha a vhe vhutala hanu.

<sup>224</sup> Musi vho ri, “Arali Iwe u Murwa wa Mudzimu, shandukisa haya matombo a vhe tshinnkwa,” O vha a tshi do vha o zwi ita, huno a sumbedza uri O vha e Mudzimu. Fhedzi O vha e na u difara. Musi vho Mu vhidza, “Belesebulu,” O ri, “Ndi do ni hangwela zwone.” Ndi zwone? Vho kokodza ndebvu dzo dadzaho tshanda kha tshifhaṭuwo Tshawe, huno vha pfela tshifhaṭuwo Tshawe nga mare, huno vha ri, “Itsa kha tshifhambano!”

<sup>225</sup> A ri, “Khotsi, vha hangwele. A vha ḫivhi na zwine vha khou ita.”

<sup>226</sup> Musi, O vha e na tshifhiwa, O ḫivha zwithu zwe the, ngauri Khae u khunyeleta u vha Mudzimu hoṭhe ho fhaṭela khae lwa tshivhili. Vho Mu vhona a tshi ita madembe, nga u vhudza vhatu zwe zwa vha zwe khakhea khavho, na zwiñwe-vho nga u ralo. Vha pomba ḫohoho Yawe nga dzadza nga u ralo, na kha maṭo Awe, huno vha Mu rwa kha ḫohoho nga thanda, huno vha ri, “Porofita, ri vhudze we a U rwa. Ḫi do U tenda.” Ni a vhona? O vha e na u difara.

<sup>227</sup> Zwino, arali ni nahonu nga u ralo, engedzani ngaho kha lutendo lwanu. Arali ni tshi kha di kwata na u nyadza, na u ṭaṭa, na u vhilaela, nahone na bvela phanda, huh-uh, a ni na... Ni nga si kone u engedza nga hezwo, ngauri zwi nga si engedzwe ngazwo. Ni a vhona? Zwi nga si khwaṭhe. No vha ni si nga dzhii tshipida tsha raba, ni a ḫivha, huno na tshi khwaṭhiswa nga tshipida tsha tsimbi. Zwi nga si tou shuma. Hai, i tea u tepa, u tou fana na rabara. Ni a vhona? Huno musi lutendo lwanu na u difara haṇu hu tshi vha lushaka lu fanaho na u difara ha Muya Mukhethwa he A vha e nahonu, zwenezwo zwi do khwaṭhisana Nae. Ni engedzwa khaho.

Musi maanda anu a tshi nga maanda Awe, zwenezwo a do engedzwa ngao khalwo.

<sup>228</sup> Musi ndivho yanu i tshi nga ndivho Yawe, “Ndi da u ita lufuno Lwau, Oo Mudzimu.” Ni a vhona? Nga Ipfi la Khotsi, O kunda diabolo muñwe na muñwe. Maṭadulu na lifhasi zwi do lovha, fhedzi Ipfi li nga si lovhe. Ni a vhona? Musi ni na ulwo lushaka lwa ndivho, lu do khwaṭhisana na lutendo lwanu.

<sup>229</sup> Musi ni na lushaka lu re lwone lwa u difara, vhunga lwe A vha e nalwo, lu do khwatha. Arali ni si na, hu tshi tou vha vhukati ho itwaho nga muthu, lutendo lwo kambiwaho, kana u difara, “Oo, ndi tea u mu bamudza, fhedzi—fhedzi khamusi ndi khwine ndi sa iti, ngauri vha nga di nwala dzina langa kha bammbiri nga nthani hazwo.” Ulwo a si lwone lushaka lwa u difara lune A khou amba nga halwo. Ni songo lingedza u engedza nga hezwo. A zwi nga shumi. Fhedzi musi ni tshi nga kona u hangwela vhukuma, ni na mudifho u bvaho mbiluni yanu, muthu muñwe na muñwe, na fhumula, na zwi tendela zwi tshi tuwa, ni a vhona, zwenezwo zwi do khwatha. Ni nga engedza nga izwo kha lutendo lwanu. Whew!

<sup>230</sup> A zwi mangadzi tshivhidzo tsho pfufhifhala ngaurali. Naa izwo a si zwone? A zwi mangadzi. Ndo vha ndi tshi do ri, “Shandukani huno ni lovchedzwe, Bivhili yo ralo, nga Dzina la Yesu Kristo.” Huno Mudzia-u-tenda-vhuraruthihi a re na vhutevheleli ha zwi tendi hezwo, u ri, “Uyo muvhangisakristo wa kale. Ndi ene wa Dzina la Yesu. Ndi ene wa Yesu Fhedzi.” thogomelani, mutukana, a thi divhi nga ha u difara hanu zwino. Ni a vhona? Mulandu ni sa di, na ri, “Kha ri rovhedzane hezwi, Mukomana Branham. Ndi do takalela u pfa Ili li tshi talutshedzwa”? Ni a vhona? Zwenezwo tselani fhasi huno ni Li thetshelese. Huno zwenezwo Li vhewa phanda hanu, na mbo tuwa; ri do—ri do da khazwo nga miniti i si gathi fhedzi, kha “u fana na Mudzimu,” ni a vhona. Fhedzi musi ni—musi ni tshi dinalea, ni tshi toda u swika kha magumo manwe na manwe, huh-uh, uho a si—uh a si hone. Ni a vhona? A ni athu vha na u difara ha Bivhili musi ni tshi ita hezwo; nga ndila ine na fhindula. Zwenezwo arali ni na hohu hothe, ni nga engedza ngaho kha lutendo lwanu.

<sup>231</sup> Zwenezwo, nga murahu ha hezwo, tsha vhuna, ni toda u engedza nga u kondelela kha lutendo lwanu. Arali ni na lutendo, “lu bveledza u kondelela,” Bivhili yo ralo. Ni a vhona? Ngauralo, hohu ndi u kondelela. Zwino, itsho ndi tshone tshithu tshi tevhelaho tshi no khou yo fhaña itshi tshiimo. Ni a divha, Mudzimu u na matheriala vhukuma Tshifhañoni Tshawe.

<sup>232</sup> Ni a vhona uri ri khou tahelelwa hani, mukomana, khaladzi? Ni a vhona? Ni a vhona uri ndi ngani, ri hune ra vha hone? Ee, munye wanga. Ni a vhona? Ri na vhugala, ri na mikosi na zwithu, ngauri ri na lutendo. Fhedzi musi ri tshi tsela fhasi kha izwi zwithu *hafha*, Mudzimu a nga si ri fhañe kha itsho tshiimo. Ni a vhona? A nga si kone. A nga si ri ite u swika fhethe ha ulwo lushaka. Ri na hezwi zwinwe zwithu zweithe. Ri a wa, ri a redzemewa ngazwo. Ni a vhona? A nga si fhañe Tshivhidzo Tshawe.

<sup>233</sup> U kondelela kha mini? Lushaka-de lwa u kondelela? Tshithu tsha u thoma, ivhani a kondelalaho kha Mudzimu. Arali ni na lutendo vhukuma, lwa vhukumakuma, ni do vha na u kondelela

vhukuma ha vhukumakuma, ngauri lutendo lu bveledza u kondelela. Musi Mudzimu a tshi amba tshinwe tshithu, ni tshi tende. Ndi zwenezwo fhedzi. Ni na u kondelela.

<sup>234</sup> Hu pfi, “Ndi zwone, ndo Mu humbela vhusiku ho fhiraho uri a mphodze, huno ndi kha di tou lwala matsheloni ano.” Yawee, nnenne! U kondelela-de?

<sup>235</sup> Mudzimu o vhudza Abrahamu, huno nga murahu ha miñwaha ya mahumi mavhili na miñanu ho vha hu si na na tshiga na tshithihi. O vha a tshi kha di tenda. O vha na u kondelela kha Mudzimu. Uh-huh.

<sup>236</sup> Mu vheeni phanda hanu tshifhinga tshothe. Mu tendeleni a vhe tshithu tshi no pfukwa tshi tevhelaho. Ni nga si Mu pfuke, ngauralo itonu dzula no Mu vhea phanda hanu. “O amba ngauralo, huno zwi khou yo bvelela.” Ni a vhona? Mu vheeni phanda hanu. Ndi zwone.

<sup>237</sup> Noaxe o vha e na u kondelela. Iina. Noaxe o vha e na u kondelela vhukuma, ha Mudzimu. Mudzimu o ri, “Ndi khou yo tshinyadza ili shango nga mvula,” huno Noaxe o rera lwa miñwaha ya dana na mahumi mavhili, fhedzi. U kondelela ho dalaho. Na nwando a wo ngo vhuya wa wa u tshi bva taqulu. Ho vha hu si na tshithu. Ho vha hu tshi tou vha na buse sa zwe ha vha hu zwone, lwa miñwaha ya dana na mahumi mavhili, fhedzi o vha a tshi kondelela.

Zwenezwo, Mudzimu u linga u kondelela hanu. Ndi zwone. Mudzimu u a vha linga.

<sup>238</sup> Ngavhuya O vhudza Noaxe, zwino O ri, “Noaxe, Ndi toda u tshi bvela phanda huno wa dzhena gungwani. Ndi khou yo dzenisa dziphukha ngomu henefho, huno Ndi—Ndi toda iwe u tshi dzhena nga ngomu. Gonya apositizi, zwino, uri u kone u sedza nnnda, fasitere la nthia. Zwino, Ndi toda u tshi dzhena ngomu henefho. Ndi toda u tshi vhudza havha vhathu, ‘Matshelo, tshe nda vha ndi tshi khou tshi rera lwa miñwaha ya dana na mahumi mavhili, tshi khou yo itea.’ Zwo luga, iwe i ya henengei huno u vha vhudze.”

<sup>239</sup> Tshiga tsha u thoma tsho vha tshi tshini? Noaxe o dzhena gungwani. Ha sa vhe na mvula. Noaxe o dilugisa, huno a ambara dzhasi la mvula, na zwe the, uri a kone u sedza mnnda, luthihi nga murahu ha tshifhinganyana. O dilugisa. Fhedzi duvha li tevhelaho...

<sup>240</sup> Ndi tenda uri a nga di vha o vhudza muña wawe, na nwanyana wawe wa malofha na avho whothe, a ri, “Yawee, nnenne! Matshelo ni khou yo vhona tshinwe tshithu ni sa athu vhuya na tshi vhona na kathihi. Ngauri, hothe kha thombo, hu khou do vha hutswu. Huno mubvumo na lupenyo zwi khou do itea. Banga lihulu la Mudzimu li khou yo zipa kha lutombo. U khou yo sañhula izwi zwigwada zwa vhaftazwivhi zwo ri

tanutshelaho, lwa iyi miñwaha ya qana na mahumi mavhili. Inwi itonu sedza huno ni vhone.” Ni a vhone?

<sup>241</sup> Vhañwe vha vhatendi vha re vhukati, ni a divha, vha no mona-mona nahone vha sa vhuye vha dzhena nga ngomu, ni a divha. Ni—ni kha ði vha navho, ni a divha. Ngauralo vha—vha a ða, vha ri, “Ndi zwone, mukalaha a nga ði vha o vha a tshi khou ita zwone, ngauralo ri ðo gonya huno ra lindela maduvha a si gathi, kana ra lindela awara dzi si gathi nga matsheloni, huno ra vhone.”

<sup>242</sup> Duvha li tevhelaho, vhudzuloni ha gole litswu, duvha ngeli li a ða u tou fana na zwe la ita tshifhinga tshoþhe. Noaxe a sedza nnða. Ha pfi, “Hei, a hu na na gole.”

<sup>243</sup> Uyo munna a ða, a ri, “Ah, ndo ðivha uri wo vha u muñwe wavho. U a vhone, u khou mona-mona hafha nñha.”

<sup>244</sup> “Zwo ralo, mpfareleni, muñe wanga. Ha-ha. Khamusi ndo—ndo—ndo tou, ni a ðivha, ndo tou vha na vhusweeli, ni a ðivha. Ndo tou nga, ni a vhone. Ha-ha-ha.”

<sup>245</sup> Fhedzi, Noaxe, o vha e na u kondelela. Ha pfi, “Arali i songo ða ñamusi, i ðo vha fhano matshelo.” Mulandu? Mudzimu o amba ngauralo.

“O ni vhudza lini izwo, Noaxe?”

<sup>246</sup> “Miñwaha ya qana na mahumi mavhili yo fhiraho. Ndo ða u swika hafha, ngauralo ndi khou tou lindela hafha zwino.” Ni a zwi vhone izwo? Nga murahu ha tshifhinganyana . . .

<sup>247</sup> Ri wana uri, Mudzimu u ða u swika hafha, o lindela Tshivhidzo, na tshone-vho, fhedzi Tshi ðo vha hone. Ni songo vhilaela. O Tshi fulufhedzisa.

<sup>248</sup> Ho lindelwa mvuwo tshifhinga itshi tshoþhe. I ðo vha hone. Ni songo vhilaela. Mudzimu o i fulufhedzisa. Itonu lindela ni na u kondelela. Ni farwa nga khofhe, izwo zwi nga si . . . Ni nga ði farwa nga khofhe zwiþuku zwi sa athu bvelela, fhedzi ni ðo vuwa nga itsho tshifhinga. O zwi fulufhedzisa, ni a vhone. Khofhenyana, ni a vhone, tshire ra tshi vhidza khofhenyana dza lufu, ni a divha. Tshire ra tshi vhidza lufu, tshi tou vha khofhe thukhu, kana u edela kha Kristo. A hu na tshitihu tshi no nga u ða kha Kristo. Vhutshilo na lufu a zwi tshili fhethu huthihi. Ni a vhone? Ri tou farwa nga khofhe zwiþuku, khofhenyana dzine khonani dzashu dza sa kone u ri vhidza hune ra vha hone. Ndi Ene fhedzi ane a nga vhidza. “U ðo vhidza, huno ndi ðo Mu fhindula,” o ralo Yobo. Yobo o vha o edela zwino lwa miñwaha ya zwigidi zwiñä. Ni songo vhilaela. U ðo—u ðo vuwa. Ni songo vhilaela. U kha ði vha o lindela.

<sup>249</sup> Noaxe o lindela. Duvha la vhuña la fhira. Mvula i siho. Izwo zwo luga. Zwi khou ðo bvelela.

<sup>250</sup> Ndi a pfa Vho-Mme Noaxe vha tshi ða huno vha ri, “Khotsi, naa vho ma— . . . ?”

“Ni songo amba nga u ralo.”

<sup>251</sup> O vha e na u kondelela, ngauri o vha e na lutendo. Ee, muñe wanga. O vha e na maañda. O vha e na ndivho ya uri Mudzimu u kha ngoho. O vha e na ñdifara. Ho ngo dinalea, ha pfi, “Zwo ralo, a thi divhi uri zwi malugana na mini tshoþhe. U takalelwa hanga hoþhe afho nn̄da ho ngalangala” Hai, hai. “Vhatu a vha tsha ndondota. Ndi ñ do ya afho nn̄da huno nda thoma nga huswa, huswa hafhu.” Hai, hai. O vha e na u kondelela. Mudzimu o fulufhedzisa. Mudzimu u ñ do zwi ita. Mudzimu u ñ do zwi ita, ngauri Mudzimu o amba ngauralo.

<sup>252</sup> Huno ndi vhona murwa wawe a tshi ña, ha pfi, “Khotsi, vha a ñivha . . .” A phuphuledza mmvi dzawe ndapfu nga tshanda tshawe, ni a ñivha. Huno o vha e na miñwaha ya madana nga vhukale, ni a ñivha, o dzula heneffo. Ha pfi, “Ndi a ñivha uri vha vho-khotsi vha kale. Ndi-ndi a vha funa, khotsi. Fhedzi zwi nga vha zwo konadzea uri vhone vha nga vha vho khakha zwiñukuþku?”

“Oo, hai. Hai.”

“Mulandu?”

“Mudzimu o amba ngauralo!”

<sup>253</sup> “A zwi þanganedzei, khotsi, haya ndi maðuvha maþanu na lithihi ro dzula hafha nþha. Ro dzula hafha gungwani lihulu, la kale, lo omaho ro ñi dzula heneffha. Huno lo namiwa nga phula, nga ngomu na nga nn̄da. Huno ro vha ri tshi khou li fhaþa iyi miñwaha yoþhe. Huno vho ima afho nn̄da huno vha rera, u swikela vha tshi bva mmvi na phanda. Huno ngewha hafha nþha zwino, vha tshi khou lingedza u amba tshithu *tshikenenene*. Huno vhatu vha khou sea, nahone vha khou posela maþamatisi o sinaho na zwithu nga thungo halo. Kha vha sedze hangei zwine vha khou ita. Mulandu, vha a ñivha . . .”

“Kondelelani, murwa.”

“Vha na ngoho?”

“I ñ do na!”

Nwananyana wavho wa malofhani a ri, “Khotsi, vha a ñivha . . .”

“I ñ do na!”

<sup>254</sup> “Fhedzi ro fhedza iyi miñwaha yoþhe, ro lindela. Ro vha ri tshi khou lugisa. Huno vhone vho ri vhudza uri i khou yo na, vhege yo fhiraho. Huno ri ngomu hafha, huno miñango yoþhe yo valwa, huno ri hafha ri khou tshimbila-tshimbila ngomu hafha, nahone duvha li kha ñi tou gotsha fhasi u fana na zwe la vha li zwone.”

“Fhedzi i ñ do na!”

“Vha zwi ñivha hani?”

“Mudzimu o amba ngauralo!”

<sup>255</sup> Zwino ri vha nga ndila heyo, ra engedza ngayo. Fhedzi arali ni songo zwi wana nga iyo ndila, ni songo—ni songo lingedza u engedza ngazwo. A zwi nga shumi. A zwi nga shumi kha phodzo. A zwi nga shumi kha tshiñwe tshithu-vho. Ni a vhona? Tshi tea u tangana na matheriala eneo e tsha khwañhiswa ngao. Ndi zwone. Ni tea u engedza ngazwo. U kondelela hu na pfulufhedziso ya Mudzimu. Ee, muñe wanga. Noaxe o zwi tenda. Huno o vha na u kondelela kha Mudzimu, miñwaha ya ñana na mahumi mavhili.

<sup>256</sup> Mushe, o vha na u kondelela kha Mudzimu. Ee, muñe wanga. “Mushe, Ndo pfa tshililo tsha vhathu Vhanga. Ndo vhona mathupho avho. Ndi khou tsela fhasi u vha phulusa. Ndi khou yo u rumela fhasi.”

<sup>257</sup> Huno phambano ñukhu heneñho vhukati hawe na Mudzimu, huno Mudzimu a mu sumbedza vhugala Hawe. Ha pfi, “Khezwi ndi a ñuwa.” Musi o no vhona vhugala ha Mudzimu luthihi, ni a vhona, o vha e na lutendo.

Ha pfi, “Ndi mini tshi re tshandani tshau, Mushe?”

A ri, “Lubada.”

A ri, “Lu pose fhasi.”

Lwa shanduka lwa vha ñowa. A ri, “Yawee, nnenñe!” A thoma . . .

<sup>258</sup> Ha pfi, “Lu dobe, Mushe. Arali Ndi tshi kona u lu shandukisa lwa vha ñowa, Ndi nga lu shandukisela murahu hafhu.”

<sup>259</sup> Ah! [Mukomana Branham u vhanda zwanda zwawe kararu—Mudz.] Amene! Arali Mudzimu a tshi kona u mpha vhutshilo ha mupo, A nga kona u mpha Vhutshilo ha maya! Arali Mudzimu o kona u mpha mbebo ya u thoma, O vha a tshi nga kona u mpha Mbebo ya vhuvhili! Amene! Arali Mudzimu a tshi nga fhodza *hoyu*, nga phodzo ya Muya, A nga u vusa hafhu u itela vhugala Hawe, nga ñuvha la u fhedzisela. Ndi zwone.

<sup>260</sup> “Ndi nga posa ulu lubada fhasi huno nda lu shandukisa lwa vha ñowa. Ndi nga i shandukisa ya dovha ya vha lubada. Ndi i doba nga mutshila.”

<sup>261</sup> Mushe a kotama huno a i doba. Lwa vha lu heneñho, lubada. U thoma u engedza nga ndivho-ha. Ni a vhona?

“Thaidzo ndi mini kha tshanda tshau, zwino, Mushe?”

“A hu na.”

“Tshi dzenise gopwani lau.”

<sup>262</sup> “Zwo luga. Mini-ha nga ha . . .” Tsho tshena nga mapele. “Oo Murena, sedza tshanda tshanga!”

“Tshi vhuyedzedze gopwani lau, Mushe.”

<sup>263</sup> A tshi vhuyedzedza nga ndila *heyo*, tsha shanduka u tou fana na . . . A sokou thoma u engedza ngazwo nga ndila *heyi*, zwenezwo, ni a vhona. Ee, muñe wanga.

<sup>264</sup> A tsela henengei. Huno phambano ya u thoma . . . A tsela henengei. A bva heneffho huno a ri, “Murena Mudzimu o ri, ‘Litshani vhathu Vhangha vha ṭuwe.’ Farao, ndi ṭoda iwe u tshi divha hezwi. Ndo da sa muimeli wa Mudzimu. U fanela u nthetshelesa.”

<sup>265</sup> Farao a ri, “U thetshelesa? U a ḋivha ane nda vha ene? Ndi Farao. U thetshelesa iwe, phuli?”

<sup>266</sup> Ha pfi, “U ḍo nthetshelesa, kana wa lovha. U ḍo ita tshiñwe tsha zwine wa ṭoda u ita.” Malandu? O ḋivha zwe a vha a tshi khou amba nga hazwo. O vha e na ndaela. O vha e henengei. O amba na Mudzimu. O vha e na lutendo. O ḋivha he a vha e hone.

“U ṭoda nñe ndi tshi u thetshelesa? Ibva hafha!”

“Ndi ḍo u sumbedza.”

“Ntsumbedze tshiga.”

A posa lubada fhasi; lwa shanduka lwa vha ḥnowa.

<sup>267</sup> “Malandu,” a ri, “uvho vhukwila ho tshipaho ha mudzi-manditi! Idani hafha lwa tshifhinganyana. Idani hafha, Yannesi, inwi na Yamburesi, posani mbađa dzađu fhasi.” Vha dzi posa fhasi, huno dza shanduka dza vha ḥnowa.

<sup>268</sup> Ha pfi, “Zwino, iwe tshithu tsho tshipaho, ida hafha kha nñe, Muegipita, farao wa Egipita. Huno u da hafha na vhuñwe ha vhukwila hau ho tshipaho ha mudzi-manditi, muñwe wa miswaswo yau,” u a ḋivha, u vhala muhumbulo. Ni a ḋivha zwine nda khou amba. Ndi a fulufhela uri ni khou vhala nga hazwo. “Vhudavhidzani na muhumbulo kana tshiñwe tshithu, ni a vhona, iina, u da hafha na zwiñwe zwa hezwo.” Ha pfi, “Zwo ralo, ri nga ita zwithihi na zwine wa ita.”

<sup>269</sup> Mushe o vha e mini? Ho ngo ri, “Oo, Vho-Farao, ndo-ndo khakha, muñe wanga. Ndi ḍo vha phuli yavho.” Hai, muñe wanga.

<sup>270</sup> A ima a sa tsukunyei. Amene. Dzulani heneffho. Mudzimu o ri, hu songo vha na thimothimo mbiluni yawe, “Fhumula. Ndi ḍo u sumbedza tshiñwe tshithu.” Musi no no ita zwe A ri ni ite kokotolo, zwi vhonala zwi tshi nga zwo tshimbila nga ndila yo khakheaho; imani ni sa tsukunyei, ni kondelele.

<sup>271</sup> Mushe a ri, “U a ḋivha, musi ndi tshi vhea kha uyo mutheo, ho vha na u kondelela ho vhewaho heneffho ntha, ngauralo ndi ḍo tou lindela huno nda vhona zwine Mudzimu a ḍo ita.”

<sup>272</sup> Heneffho ḥnowa dza kale dzo vha dzi tshi, khou swenda u mona hoṭhe, dzi tshi vhudzula, dzi tshi khou swiswidzelana. Tshithu tsha u thoma ni a ḋivha, ḥnowa ya Mushe yo ṭuwa, “Mila, mila, mila,” huno ya dzi mila dzothé. O vha e na u kondelela.

Avho vhane vha lindela Murena, vha ḋo wana  
 maanda avho maswa,  
 Vha ḋo fhufha nga dziphapha vhunga goni.

Naa ndi zwone? [Tshivhidzo tshi ri, “Amene.”—Mudz.] Ni a vhona? Ee.

Vha ḋo gidima huno vha si nete, vha tshimbila  
 huno vha si noke.

Ni a vhona, itonu lindela kha Murena. Ivhani na u kondelela.  
 Ni a vhona? Ee, muṇe wanga.

<sup>273</sup> Zwenezwo Israele yo vha i tshi khou yo bviselwa nnda.  
 Phambano khulwane dzo ḋa, huno Mushe a lindela.

<sup>274</sup> Zwenezwo a dzhena sogani. I tou vha fhedzi lwendo lwa  
 maduvhva a no ṭodou swika mararu kana maṇa. Ndi maela  
 dza mahumi maṇa fhedzi u bva he a pfuka hone, henefho u  
 budekanya he vha dovha vha pfuka. Fhedzi, Mushe, sogani, o  
 lindela miñwaha ya mahumi maṇa. U kondelela. [Mukomana  
 Branham u a sea—Mudz.] Amene. Ndi zwone. O lindela miñwaha  
 ya mahumi maṇa. Yawee! Ee, muṇe wanga.

<sup>275</sup> Huno ri tea u kondelelana nga tshashu, na riñe-vho. Ni  
 a vhona? Nga tshiñwe tshifhinga... Ri vha—ri vha vha u sa  
 kondelelana nga maanda nga tshashu. Ri elekanya uri ri tea u  
 fana na Mushe. Mushe o kondelela vhatu. Vhonani, izwo ndi  
 zwe zwa itisa uri vha si ye seli. Ni a vhona? Arali ni tshi khou  
 lingedza u ita tshiñwe tshithu...

<sup>276</sup> Vhunga, ndo lingedza u ḋisa uyu Mulaedza kha  
 thaberanakele, u vhona uri murado muñwe na muñwe wa  
 thaberanakele u vha *Hetshi*. Zwi a kondé u ita. Ndo lingedza  
 u vha na u kondélela; iyi ndi miñwaha ya mahumi mararu na  
 miraru. Ni a vhona? Ivhani na u kondelela. Vhasadzi vha kha di  
 luka mavhudzi avho, zwi kha di tou fana. Fhedzi itonu vha na u  
 kondelela. Ni a vhona? Itonu vha na u kondelela. Lindelani. Ni  
 tea u ralo. Arali ni si naho, ni songo lingedza u fhaṭa kha holu  
*hafha* fhasi. Ivhani na u kondelela.

<sup>277</sup> Nahone nga tshiñwe tshifhinga, musi itsho tshigwada tsha  
 vhatu vha mvutshelano vho vha vhe na u sa kondélela ho  
 raloho, vho itisa Mushe tshiñwe tshithu tsho khakheahō. Fhedzi,  
 naho zwo ralo, musi zwi tshi da kha makhaulatsheli, Mudzimu  
 a thoma u lwadzwa nga muito wavho. A ri, “Disendedze kule,  
 Mushe. Ndi ḋo vhulaha tshigwada tshavho tshoṭhe, huno nda  
 thoma nga huswa.”

<sup>278</sup> A vha pilelē, huno a ri, “Mudzimu, u songo zwi ita.” Mini?  
 O kondélela vhatu vhe vha vha tshi khou mu vutshela.

<sup>279</sup> Ndi a mangala uri ro vha ri tshi ḋo ita izwo naa? Arali ni  
 sa koni, ni songo lingedza u fhaṭa kha *hetshi*, ngauri a tshi—  
 a tshi shanduki, ni a ḋivha. Iyo ndi ḋnila ye tsha u thoma tsha  
 khwaṭhiswa ngomu ha *hetshi*, huno iyo ndi ḋnila ine muñwe na

muñwe wavho a tea u khwathiswa. Arali ni sa iti, a ni ði kha itsho tshiimo tsha vhudzulo hā Mudzimu a tshilaho, arali ni si na u konðelela, u konðelela, nga tshanu. Zwo luga.

<sup>280</sup> Vhana vha Vhaheberu vho vha na u konðelela. Ngoho, vho ita. Mudzimu o vha fulufhedzisa, o vha vhudza, “Ni songo gwadamela na tshifanyiso na tshithihi.” Fhedzi vho vha na u konðelela. Ha pfi, “Mudzimu washu u a kona. Fhedzi, naho zwo ralo, a ri khou yo gwadamela tshifanyiso tshau.” U konðelela, a tshi ðivha hezwi, zwauri Mudzimu u ðo mu vusa hafhu maðuvhani a u fhedzisela.

<sup>281</sup> Uvhу vhutshilo a vhu tou amba zwinzhi nga maanda, nangwe. Ni a vhona? Mudzimu u ðo vhu vusa hafhu maðuvhani a u fhedzisela. Fhedzi zwi tshi da kha u gwadamela tshifanyiso, a ri nga ðo zwi ita. Zwino, Khisara ri do mu nea zwa Khisara, fhedzi, musi zwi tshi da kha u dzhenelela ha Khisara kha zwa ha Mudzimu, Mudzimu ndi wa u thoma.

<sup>282</sup> “Mudzimu o ri, ‘U songo gwadamela itsho tshifanyiso’ huno a thi nga ðo zwi ita. Mudzimu washu u a kona u ri phulusa. Arali A sa iti, a thi nga ðo gwadamela tshifanyiso.”

Ha pfi, “Zwo luga, nando ngeyo.”

<sup>283</sup> “Ndi zwone,” a ralo, “oo, ndi a humbulela, i ðo na nga maanda madekwana a ñamusi huno ya i dzima tshothe.” Fhedzi a yo ngo zwi ita. U kha ði konðelela.

<sup>284</sup> Nga matsheloni a tevhelaho, musi vho bviselwa nnða phanda ha dzikhothe, Nebukadanetsara o dzula heneffo. A ri, “Zwo luga, vhatukana, no ðilugisela u nnyevelwa sa khosi yanu?”

“Zwa vhukuma. Lalama lini na lini, Oo khosi.”

“Zwino gwadamelani tshifanyiso tshanga.”

“Oo, hai.”

<sup>285</sup> “Zwo ralo, ni khou yo swa. Ni vhanna vho ðalifhaho. No thanya. No vha thuso khulwane kha riñe. No vha phaðhutshedzo kha muvhuso washu. A ni koni u pfesesa uri a thi ðodi u ita izwi? Fhedzi ndo ita ndivhadzo hafha, huno i tea u itwa. A thi ðodi u ni posela ngomu hangei. Oo, vhanna, thaidzo ndi mini nga ha inwi?”

<sup>286</sup> “Ndi a ðivha uri izwo zwi pfala zwo luga. Fhedzi, Mudzimu washu u a kona u ri phulusa. Fhedzi naho zwo ralo . . .” Vho vha na u konðelela.

<sup>287</sup> Vha thoma u tshimbila kha rempe. Muñwe a sedza muñwe. “Yo luga. Zwo luga.” Vha konðelela. Vha dzhia ligi lithihi, Mudzimu o vha a siho. Maga mavhili, O vha a siho. Maga mararu, maga maña, maga mañanu, vha sokou bvela phanda na u tshimbila, nangwe zwo ralo O vha a siho. Huno a dzhenenandoni ya mulilo. Vho vha na u konðelela. Fhedzi O vha e hone. Ni a vhona? Mulilo fhedzi wo edanaho u vha rwa, u fhisa thambo

dzavho kha zwanda zwavho na milenzhe. Huno zwenezwo musi a tshi rwa dasi ha dindi, O vha e hone. Ni a vhona? Vho vha na u kondelela.

<sup>288</sup> Daniele nga yeneyo ndila. Daniele o vha na u kondelela. Ngoho. O vha a sa khou yo dinekedza. Hai, muñe wanga. O ita mini? O vula mafasitere huno a rabela, naho zwo ralo. Yo vha i thodea ya Mudzimu. O vha na u kondelela. O lindela Mudzimu, a tshi divha uri Mudzimu u a kona u vhulunga Ipfi Lawe. Vha mu poseña bakoni la dzindau, vha ri, “Ri do litsha ndau dza u la.”

<sup>289</sup> A ri, “Izwo zwo luga.” O vha na u kondelela. Mulandu? “Ndi zwone, ndo lindela tshifhinga itshi tshothe, kha Mudzimu. Arali ndi tshi tea u lindela minwaha yo engedzeaho i si gathi, ndi do vuu hafhu nga duvha la u fhedzisela. Ngauralo, ni na u kondelela, lindelani.”

<sup>290</sup> Paulo o kondelela. Zwa vhukuma o ita. Vhonani zwe Paulo a do tea u zwi ita. Ambani nga ha u vha a kondelelaho!

<sup>291</sup> Vhatu vha pentekosta la vhone? Musi vho wana ndaela, “Lindelani u swikela,” ni a vhona, “lindelani u swikela ni tshi ambadzwa Maanda.” U swikela lini? A vho ngo vha na mbudziso, zwi do dzhia tshifhinga tshingafhani? Vho tou wana phindulo, “Lindelani u swikela.”

<sup>292</sup> Vho ya henengei nthia huno vha ri, “Zwo luga, vhatukana, khamusi miniti ya fumiñhanu u bva zwino Muya Mukhethwa u khou do vha kha riñe huno ri khou yo vha na mushumo washu.” Miniti ya fumiñhanu ya fhira, ha sa vhe na muthu. Duvha lithihi la fhira, hai; mavhili, mararu, mana, mañanu, mañanu na lithihi, mañanu na mavhili.

<sup>293</sup> Vhañwe vhavho vha nga di vha vho ri, “Hei, a ni elekanyi uri ro no di U wana?”

“Hai, hai, hai, hai.” Ndi zwenezwo. Hai. Ndi zwone.

<sup>294</sup> “Ndi khwine ni tshi bvela nn̄da, vhatukana.” Diabolo a ri, “Ni—ni—ni a divha uri no no di wana zwine na ḥoda. Bvelani phanda, thomani mushumo wañu.”

<sup>295</sup> “Hai, hai, hai. A ro ngo U wana, a ri athu. Ngauri, O ri, ‘Hu do ña, zwine zwa do itea mađuvhani a u fhedzisela: Nga milomo ya makakamela na dziñwe ndimi Ndi do amba na havha vhatu, huno uvhu ndi Vhuawelo he Nda amba,’ ni a vhona, Yesaya 28:19.” Ha pfi, “Hoyu ndi—hoyu ndi Wone, ni—ni do U wana musi . . . Mulandu, ri do divha musi U tshi da. Ri do divha musi U tshi da. Ri do zwi divha, ‘Pfulufhedziso ya Khotsi.’” Heneffo a lindela mađuvha a tahe. Huno zwenezwo nga duvha la vhufumi, “Ro vha ri heneffo.” Vho vha na u kondelela, u lindela.

<sup>296</sup> Zwino, arali ni na ulwo lushaka lwa u kondelela, nga murahu ha musi Mudzimu a tshi ni ñea pfulufhedziso huno na i vhona kha Bivhili, “Ndi yanga,” zwenezwo na lindela. Zwenezwo, arali ni na ulwo lushaka lwa u kondelela, engedzani ngalwo kha

lutendo lwanu. Huno ni a vhona uri ni ya hani nt̄ha zwino? Ni khou swika *hafha* nt̄ha zwino. Zwo luga. Tshanda tsha watshi tshi khou mona, na tshone-vho, a si zwone? Zwo luga. Zwo luga. Engedzani nga hezwi kha lutendo lwanu.

<sup>297</sup> Tshifhinga tshothe ni tshi Mu vhea phanda hañu, ni tshi khou elelwa, uri ho vha Ene we a fulufhedzisa. Ho vha hu si nñe, we a fulufhedzisa. Ho vha hu si mufunzi, we a fulufhedzisa, kana Murathu Neville. Ho vha hu si muñwe mushumeli, we a fulufhedzisa. Ho vha hu si muñwe tshifhe kana mupapa. Ho vha hu si munna wa ljhiasi. Ho vha Mudzimu we a ita pfulufhedziso, huno Mudzimu u a kona u vhulunga tshirwe na tshirwe tshe A fulufhedzisa. Zwo luga. Arali ni na ulwo lushaka lwa lutendo, u divha zwauri Mudzimu o zwi fulufhedzisa! Hu pfi, “Mukomana Branham, ndi a lwalla. Ndi ḥoda phodzo nga maandesesa.” I ḥanganedzeni. Ndi tshifhiwa tshe na ḥewa, ee, muñe wanga, arali ni tshi nga tenda. “Ndi zwone,” ni ralo, “Ndi a tenda.” Zwenezwo na zwi hangwa. Ndi zwenezwo fhedzi. Zwo fhela. Ni a vhona?

<sup>298</sup> Ivhani na u kondelela, arali ni na u kondelela. Arali ni songo ralo, ni khou kwashékana ni tshi bva kha itshi Tshifhañt̄o hafha, ni a vhona. Hu do thutha zwinwe zwothe zwo salaho, itsho tshithu tshithihi. Ni tea u vha na hetsho. Ni songo engedza ngatsho, ngauri, tshi do pwashékanya tshifhañt̄o tshanu arali ni si na u kondelela, arali ni si na maanda a ù engedza ngao kha lutendo lwanu lune na ri ni nalwo. Huno arali ni si na lutendo luñwe-vho, huno na lingedza u vhea maanda khalwo, a ño kwashékanya lutendo lwanu. Ni a vhona? Inwi ni ri, “Zwo ralo, zwino, imaninyana. Khamusi izwi zwothe ndi khakho, naho zwo ralo. Khamusi Mudzimu a si Mudzimu. Khamusi a hu na Mudzimu.” Ni a vhona, zwi ño vundekanya itsho tshithu tsha bva zwipida zwivhili. Ni a vhona?

<sup>299</sup> Fhedzi arali ni na lutendo lwa vhukumakuma, zwenezwo vheani maanda a vhukumakuma khalwo, ha tevhela ndivho ya vhukumakuma, ha tevhela u ñifara ha vhukumakuma, ha tevhela u kondelela ha vhukumakuma. Ni a vhona? Ni khou ya nt̄ha na mutualadzi. Zwo luga.

<sup>300</sup> Tsha vhuñanu, engedzani nga u fana na Mudzimu. Yawee, nnenñe! U fana na Mudzimu hu tea u engedzwa ngaho. Zwi ambanu u fana na Mudzimu? Ndo sedza kha dzithalusamaipfi nña kana thanu huno nda sa vhuye nda wana zwe la amba. Tsha u fhedzisela, musi ndi ngei ha Mukomana Jeffery, ra li wana kha-kha thalusamaipfi. *U fana na Mudzimu* zwi amba “u fana na Mudzimu.” Yawee, nnenñe! Nga murahu ha musi no wana lutendo, maanda, ndivho, u ñifara, u kondelela, zwenezwo fanani na Mudzimu. Whew!

<sup>301</sup> Inwi ni ri, “Izwo ndi nga si zwi ite, Mukomana Branham.” Oo, ee, ni nga kona.

<sup>302</sup> Kha ndi tou ni vhalela Mañwalo a si gathi hafha, lwa tshifhinganyana. Mateo 5:48. Ri ño dzhia holu huno ra vhona uri lu pfala sa mini, Mateo 5:48, huno ra vhona arali ni tshi tea u fana na Mudzimu. Ni a divha uri Bivhili i ri, “Ni midzimu.” Yesu o amba ngauralo. Mulandu? Maanda othe, zwithu zwi re kha Mudzimu zweþhe, zwi kha inwi. Mateo 5:48, “Ivhani...” Yesu a tshi khou amba, kha mashudu.

*Ivhani-ha vho f-h-e-l-e-l-a-h-o, (Ndi mini ilo?)  
fhelelaho, sa Khotsi anu... a re þadulu o fhelela.*

<sup>303</sup> No swika *hafha* nþha zwino, ni sa athu humbelwa u ita hezwo. Zwithu hezwi zweþhe zwi tea u thoma zwa engedzwa ngazwo. Zwenezwo musi ni tshi swika *hafha* nþha, O no ni humbelwa zwino u vha o fhelelaho, u fana na Mudzimu, vharwa na vhananyana vha Mudzimu. Ndi zwithu zwingana zwe nda vha ndi tshi nga zwi amba nga u ralo!

<sup>304</sup> Kha ri vule kha Vhaefesa 4, huno ri wanuluse nga hangeno zwine, kha Bugu ya Vhaefesa, lwa amba nga ha hetshi tshithu, na lwone-vho, nga ha ndila ine ra tea—ndila ine ra tea u ita. Vhaefesa, ndima ya 4, huno ri thome nga ndimana ya 12. Vhaefesa 4, huno ri thome nga ndimana ya 12. Zwo luga. Kha ri thome hafha nþha kha ndimana ya 11.

*Huno vhañwe o vha nea, uri vha vhe vhaapostola;  
huno vhañwe, uri vha vhe vhaporofita;...*

<sup>305</sup> Ni a elelwa vhusiku ho fhiraho? Ni songo lingedza u dzhia tshidulo tsha munwe munna. Ni a vhona?

*...huno vhañwe, uri vha vhe vhaevangeli; huno  
vhañwe, uri vha vhe vhafunzi...huno vhañwe, uri vha  
vhe vhadededzi;*

<sup>306</sup> “Uri Mudzimu a itwe o fhelelaho”? Naa i vhalea nga u ralo? [Tshivhidzo tshi ri, “Hai.”—Mudz.] U itwa ho fhelelaho ha mini? [“Vhakhethwa.”] Vhakhethwa ndi vhonnyi? Vho itwaho vhakhethwa. Amene. Vhe vha thoma *hafha* phasi.

*...vhakhethwa vha itwe vho fhelelaho, uri mushumo  
u kone u itwa (mushumo wa Yesu Kristo), u itela u  
fhaþiswa ha muvhili wa Kristo (u itela u fhaþiswa, u U  
fhaþa, u fhaþiswa): u swikela...*

*U swikela roþhe ri tshi dzhena kha vhuthihi ha  
lutendo, na...ndivho ya Murwa wa Mudzimu, na kha  
munna o fhelelaho, u swika kha vhutanzi ho khwathaho,  
(yawee, nnenñe), kha muelo wa tshiimo tsha tshivhino  
tsha Kristo:*

<sup>307</sup> “U fhelela,” zwi dzhia u fana na Mudzimu. Ni tea u engedza kha lutendo lwanu, nga u fana na Mudzimu. Ni a vhona, ni thoma *hafha* phasi, nga maanda. Zwenezwo na ya kha ndivho. Zwenezwo na ya kha u difara. Zwenezwo na ya kha u kondelela. Zwino ni kha u fana na Mudzimu. U fana na Mudzimu! Yawee,

nnennen! Tshifhinga tshashu tshi khou ḥuwa. Kha ri vhone. Fhedzi ni a zwi ḫivha uri u fana na Mudzimu two ambani. No no imba holu luimbo:

U fana na Yesu, u fana na Yesu,  
Kha ḫifhasi ndi ṭulutshela u fana Nae;  
Kha lwendo lwøthe lwa vhutshilo u bva kha  
    lifhasi u ya Vhugalani  
Ndi humbela fhedzi u fana Nae.

<sup>308</sup> Uho ndi u fana na Mudzimu. Musi O rwiwa kha luñwe luñaha, A nekedza luñwe. Musi O hambekanywa, A si ambe. Ho ngo tevhedza nga u ṭunga. Ni a vhone? A ofhaho Mudzimu, tshifhinga tshothe u ṭoda tshithu tshithihi, “Tshifhinga tshothe ndi ita itsho tshine tsha takadza Khotsi.” Ni a vhone? Ee, muñe wanga. Tshifhinga tshothe. Uho ndi u fana na Mudzimu. Ni a vhone?

<sup>309</sup> Nga murahu ha musi no no bva *hafha*, na ya *hafha*, na ya *hafha*, na ya *hafha*, na ya *hafha*, zwino ni khou dzhena kha tshiimo tsho vhinaho zwino tsha murwa wa Mudzimu. Fhedzi ni tea u vha na *hetshi*, na *hetshi* tshothe, huno ni nga si vhuye na thoma u swikela ni tshi wana *hetshi*.

<sup>310</sup> Zwino elelwani tshiñoni tshitswu tshi re na mithenga ya phikhokhonduna. Ni songo tshi hangwa. Ni a vhone? Ni songo lingedza u engedza ngazwo u swikela no no bebwah hafhu zwa vhukuma. Ngauri, inwi, zwi nga si shume, nahone inwi—inwi ni nga si kone u ita uri zwi shume. Zwi ḫo da kha *hetshi*, kana *hetshi* hafha, zwi ḫo kwashekana huñwe fhethu.

<sup>311</sup> Fhedzi musi ni tshi swika *hafha*, liivha ḫo bebwah hafhu zwa vhukumakuma, zwenezwo a ni tsha engedza nga tshithu. Tshi engedza kha inwi, ni a vhone, tshi a gonya, two luga, ni tshi vha o fhelelaho zwino. Two luga.

<sup>312</sup> Zwenezwo, tsha vhurathi, kha ri engedze, Bivhili yo amba hafha, ri tshi khou engedza nga u funa vharathu... vhulenda kha vharathu. Zwino, itsho ndi tshavhuđi, henefha, tsha vhurathi, sumbe. Two luga. Ri tshi khou engedza nga vhulenda kha vharathu. Two luga. Musi ri tshi ḫo kha hetsho, vhulenda kha vharathu, ḫivheeni fhethu hawe, kha ili fhungo. Zwino inwi ni ri...

<sup>313</sup> “Mukomana wanga o nkhakhela,” o ralo Petro. “Ndi mu hangwele,” a ralo, “kasumbe nga ḫuvha?”

A ri, “Fusumbe na andisa nga sumbe.” Ni a vhone?

<sup>314</sup> Vhulenda kha vharathu. Zwino, ni a vhone, arali mukomana o bva tshothe ndilani, ni songo mu fhelela mbilu. Ni a vhone? Hai. Ni a vhone? Ivhani wa vhulenda khae. Iyani, naho two ralo.

<sup>315</sup> Muñwe o amba, a si kale-kale, a ri, “Vha nga tenda hani izwi zwithu nga ndila ine vha ita, huno vha ḫi ya kha Khuvhangano dza Mudzimu, na Vhuthihi, na dzinwe dzothe?” Zwenezwo

vheani, ni a vhona, vhulenda kha vharathu. Ni a vhona? Ni a vhona? Ni tshi fulufhela, linwe duvha, ni a vhona; ni sa mu fheleli mbilu, ni a vhona; ni tshi difara, ni tshi kondelela nae; ndivho, u pefesa zwine a tenda, elelwani, zwi mbiluni yawe, izwo ndi zwine ya vha zwone; maanda, kha inwi munye, u a tendela u bva e na vhulenda, u vuda, khae; ni na lutendo lwa uri linwe duvha Mudzimu u do mu disa ngomu. Ni a vhona?

<sup>316</sup> Vhulenda kha vharathu, tshithu tsha vhusumbe. Nthihi, mbili, raru, ina, thanu, rathi, sumbe. [Mukomana Branham u khokhonya kha bodo ya u nwalela kasumbe—Mudz.] Ni a vhona, tshithu tsha vhusumbe. Zwenezwo, zwino, ni khou da.

<sup>317</sup> Tshithu tshi tevhelaho, zwenezwo, engedzani nga lufuno, tshine tsha vha lufuno. Ilo ndi tombo la u vhina. Linwe la haya mađuvha, tshivhidzoni . . .

<sup>318</sup> Zwino, nga khumbelo, kha zwi divhee kha theiphi, na huñwe-who hunzhi, a thi khou funza hoyu sa pfunzo, zwine nda khou yo amba zwino. Fhedzi ndi khou tou ḥoda u ni sumbedza uri, nga pfariso ya Mudzimu, zwine vhukuma zwa vha zwone, zwauri, Bivhili ya u thoma ye Mudzimu a vhuya a i nwala yo vha i Zodiaka lutomboni. I thoma nga musidzana a sa divhi munna. I guma nga ndau Leo. Huno musi ndi tshi dzhena kha ilo Pfundo la Vhurathi na la Vhusumbe, ni do wanulusa, musi ilo linwe Pfundo lo no pfunululwa, luswayo lwa Zodiaka lwa afho fhethu lwo vha lu pfuko, khovhe yo khorosiwaho. Huno itsho ndi tshikhathi tsha pfuko tshine ra khou tshila khatsho zwino, tsho dzumbululwaho. Huno tshithu tshi tevhelaho musi Pfundo lo no pfunululwa, Lo dzumbulula ndau Leo, U Aa ha Kristo lwa vhuvhili. U da, lwa u thoma, kha musidzana a sa divhi munna; U a da, lu tevhelaho, ndau Leo. Ndi do disa hezwi kha . . .

<sup>319</sup> Zwino, a thi divhi arali ndi tshi do vha na tshifhinga matsheloni ano. Ndi khou yo ita zwa khwinresa zwine nda kona, u ni sumbedza uri haya maga a ngomu ha dziphiramidi, o tou ralo kokotolo, Bivhili ya vhuvhili ye Mudzimu a nwala. Henoxe o a nwala, huno a a dzenisa ngomu ha phiramidi.

<sup>320</sup> Huno tsha vhuraru, tshifhinga tshothe Mudzimu u itwa o fhelelaho kha tsha vhuraru, zwenezwo A Diitela Ipfi Lawe.

<sup>321</sup> Hafha, zwino, elelwani, ngomu ha phiramidi . . . ndi a humbulela vhunzhi ha vhoiwi maswole na zwithu no vha ni Egipita. Phiramidi a i na khephe khayo. Na kathihi a yo ngo vhuya ya vha nayo. To—Tombo la Scone, na tshiñwe na tshiñwe-who tshine vha vha natsho, fhedzi nangwe zwe ralo . . .

<sup>322</sup> Arali ni na bili ya dolara tshikwamani tshanu, ni sedza kha bili ya dolara, huno ni do wanulusa uri, nga hangei tshungo ya tshanda tsha u la, i na goni na fulaga ya America. Huno yo ri, tshishata “tsha United States.” Nga thungo iñwe, i na phiramidi, i re na tombo lihuluhulu la u vhina na ijo la munna. Nga thungo heyi i ri, “Tshishata tshihulwane.” Ndi zwone, arali

ulu lu lushaka luhulwane, ndi ngani itsi tshishata tshihulwane tshi songo vha tshishata tshalwo tsha lushaka? Mudzimu u vha ita uri vha ḥanziela, hu sa londwi uri vha ya ngafhi.

<sup>323</sup> Ndo vha ndi tshi khou amba na dokotela nga tshiñwe tshifhinga, huno o vha a tshi khou sokou nkhalifhela, nga ha phodzo ya Muya. O vha o ima tshiṭaraṭani. A ri, “Vho-Branham, vhone vha khakhisa vhathu fhedzi.” Ha pfi, “A hu na phodzo, i hone nga mishonga fhedzi.”

<sup>324</sup> Ndo sokou rembuluwa, nda sedza tshiga tshawe kha goloi, tshe tsha vha tshi na nowa kha thanda. Nda ri, “Ndi khwine ni tshi bvissa itsho tshiga kha goloi yanu, zwenezwo, ngauri tshiga tshañu tshi ḥanziela uri Mudzimu ndi mufhodzi.”

<sup>325</sup> Dokotela wa vhukuma u a tenda hezwo. Avho ndi vhone vha no ambesa. Ee, muñe wanga. Nowa kha thanda! Mushe o imisela nowa n̄tha kha thanda. O ri, “Ndi Murena a no fhodza malwadze au ōthe.” Huno vho sedza kha iyo nowa, u itela phodzo ya Muya. Huno naho zwo ralo vha lwa nayo vha tshi ḥanziela; naho zwo ralo tshiga tshavho tshi ḥanziela tshi tshi lwa navho. Whew!

<sup>326</sup> Hafha, lushaka lwashu, vha tshi khou amba zwithu zwine vha vha zwone, nahone vha tshi tamba nga hezwi zwithu, na tshelede yavho, na mali yavho, lu ḥanziela uri tshishata tsha lifhasi lōthe ndi Mudzimu. Ni a vhona ilo īto li re fhaļa n̄tha nga n̄tha ha iyo, kha iyo bili ya dolara? Itsho ndi tshishata tshihulwane.

<sup>327</sup> Na kathihi a tsho ngo vhewa thodzini ya phiramidi. A vho ngo kona u pfectesa uri ndi ngani. Tombo la u vhina lo landulwa, thoho, Kristo. Fhedzi Li do da, linwe duvha.

<sup>328</sup> Zwino, kha u fhaṭa, maanda... Hu tshi fhaṭwa itsi tshieledzi, hu tshi fhaṭwa itsi tshiimo, ni a vhona, tshi thoma nga tombo la mutheo; lutendo, maanda, n̄dīvhō, u difara, u kondelela, u fana na Mudzimu, vhulenda kha vharathu. Zwino tshi itani? Zwenezwo zwo lindela Tombo la tshiuludza, line la vha lufuno, ngauri Mudzimu ndi lufuno. Huno U a langa, nahone U nungo dza tshiñwe na tshiñwe tsha hezwi zwithu. Ndi zwone. Ee, muñe wanga.

<sup>329</sup> Nga ngomu *hafha*, nga ngomu *hafha*, ni a vhona ndi na, ngomu vhukati, heyi mishumo yōthe nga ngomu hafha, huno aya magabelo matuku a a da hafha. Ndi mini itsho? Ndi Muya Mukhethwa u no khou tsela phasi, nga Kristo, ni a vhona. Muya Mukhethwa! Muya Mukhethwa u nga n̄tha ha *hezwi* zwōthe, u khou weledela hezwi fhethu huthihi, u tshi khou fhaṭa (mini?) Tshivhidzo tsho fhelelaho, u itela uri Tombo la u vhina li Tshi vhine.

<sup>330</sup> Ndi mini tsho itwaho hafhu? Tsho vhonadzwa kha Zwikhathi Zwa Sumbe Zwa Tshivhidzo, na vhađinda vha sumbe vha Tshivhidzo.

<sup>331</sup> Tsho thoma *hafha* murahu. Tshivhidzo tsho thonwa ngafhi u rangani? Tshivhidzo tsha pentekoste tsho thoňwa ngafhi u rangani? Nga Paulo Mukhethwa, ngei Efeso, ḥaledzi ya Tshikhathi Tsha Tshivhidzo Tsha Efeso, Efeso.

<sup>332</sup> Tshikhathi tsha vhuvhili tsha Tshivhidzo tsho vha Simirina. “Maanda.” Irenaeus, munna muhulwane we a tikedza Mafhungo-maqifha a Paulo.

<sup>333</sup> Tshikhathi tshi tevhelaho tsha Tshivhidzo tsho vha Peregamo, we a vha e Martin. Martin o vha munna muhulwane we a dzula. Paulo, Irenaeus, Martin.

<sup>334</sup> Zwenezwo kha Thiathira hu da Columba. Ni a elelwa? Ngetshi, tsho olwa *heneffo*. Columba. Nga murahu ha Columba... Zwikhathi Zwa U Shaea Ha Ndīvho zwi dzhena heneffo.

<sup>335</sup> Zwenezwo hu da Saradesi, zwine zwa amba uri tsho fa. Luther. Haleļuya! Mini-ha? Hu tevhelani nga murahu ha Saradesi, Luther?

<sup>336</sup> Zwenezwo hu da Filadelfia. “U fana na Mudzimu.” Wesley, vhukhethwa! “Vho lugaho vha tshila nga lutendo,” o ralo Luther. Vhukhethwa nga Wesley.

<sup>337</sup> Zwenezwo hu dzhena vhulenda kha vharathu, nga Laodikea. Huno ri tenda Mulaedza muhulwane wa u bvelela lwa vhuvhili ha Eliya, nga ḥuvha la u fhedzisela, u do swiela shango.

<sup>338</sup> Ngezwo, Zwikhathi Zwa Sumbe Zwa Tshivhidzo, maga a sumbe. Mudzimu a tshi khou fhaṭa Tshivhidzo Tshawe, zwi fana na muthu muthihi kha muthu, kha Ene muṇe. Vhugala, Maanda a Mudzimu, a tshi tsa nga *hetshi*, a tshi khou Tshi weledela fhethu huthihi. Ngauralo, vhathu vha Pentekoste vhe vha tendela Muluṭere u bva, vha tendela Vhawisili na zwithu u bva, a vha ḫivhi zwine vha khou amba nga hazwo. Ni a vhona, vho dzula ngomu ha *itshi* tshipiḍa tsha thembele. Iyo ndi ndila ine, vhaṇwe vhathu vha kona u gonya u swika ntha hungafha huno vha wa. Fhedzi hu na tshipiḍa tshatsho tsha vhukumakuma, tshi no dzulela u ita uri itsho tshifhaṭo tshi aluwe. “Ndi do vhuyedzedza,” u ralo Murena.

<sup>339</sup> Ni a elelwa *Muri Wa Muselwa*? Ni a elelwa therò nga ha *Muri Wa Muselwa*? Vha a U ḥa, fhedzi O u khwathela. Vha na matavhi a dinomineisheni; O a khwathela. Vha vusa tshiṇwe tshivhidzo, matavhi a dinomineisheni; A u khwathela. Fhedzi mbilu ya uyo Muri ya dzulela u aluwa. “Huno nga tshifhinga tsha nga madekwana hu do vha Tshedza.” Ni a vhona? Izwo ndi musi Kristo a tshi da, Muya Mukhethwa. Yesu u tsela fhasi huno zwenezwo a Didžulela kha thoho ya Tshivhidzo, huno U do vusa itshi Tshivhidzo, tshi Muvhili Wawe Ene muṇe. Ngomu *heneffo* hu na Muvhili.

<sup>340</sup> Huno ndila ine Mudzimu a lavhelela riñe u aluwa sa muthu, ndi ndila ye A ñisa Tshivhidzo Tshawe ngomu uri tshi aluwe. Tshikhathi tshiñwe na tshiñwe tsha Tshivhidzo, Tsho vha Tshivhidzo tshithihi tshihulu. Ni a vhona?

<sup>341</sup> *Havha* vhathu a vho ngo ḥoda zwine *havha* vhathu vha vha zwone. *Itshi* a tsho ngo ḥoda zwe *itshi* tsha vha tshi zwone. Ni a vhona? Fhedzi O alusa Tshivhidzo Tshawe nga ndila yeneyo. O alusa Tshivhidzo Tshawe—Tshawe nga ndila yeneyo ine A khou alusa vhathu Vhawé. Zwenezwo hafha Petro u ri, tsha u thoma, zwithu zwa sumbe: lutendo, maanda, (ni a vhona, zwi a ða), ndivho, u ðifara, u kondelela, u fana na Mudzimu, lufuno kha vharathu, engedzani nga vhulenda kha vharathu, huno zwenezwo na nga lufuno lwa Mudzimu. Muya Mukhethwa, Kristo nga muthu wa Muya Mukhethwa, huno ni na zwivhuya hezwi zweþe zwe shatelwa ngomu hanu. Zwenezwo, Mudzimu u dzula ngomu ha Thaberenakele, i no vhidzwa Tshifhaþo, Thaberenakele i tshilaho ya vhudzulo ha Mudzimu a tshilaho.

<sup>342</sup> Musi munna e na ulu lushaka lwa zwithu, zwenezwo Muya Mukhethwa u ða khae. A hu londwi, ni nga di amba nga dzindimi, ni nga di edzisela tshifhiwa tshiñwe-vho tshine Mudzimu a vha natsho. Ni nga di ita hezwo. Fhedzi u swikela hezwi zwivhuya zwi re *hafha* zwi tshi dzhena kha inwi, ni kha di vha kule na mutheo wa vhukuma, wa ngoho wa lutendo. Fhedzi musi izwi zwivhuya zwi tshi alutshela ngomu, huno no engedza nga itsho kha tshila, zwenezwo ni tshieledzi tshi tshilaho. Ni tshifanyisamudzimu tshi tshilaho, tshi tshimbilaho.

<sup>343</sup> Fhedzi, ni a ðivha, vha—vhahedeni, vha a gwadama phanda ha tshifanyisamudzimu, mudzimu wa khumbulelo. Huno nga ndila ya khumbulelo vha tenda uri uyo mudzimu wa khumbulelo u a vha fhindula. Uvho ndi vhuhedeni. Uvho ndi Vhuroma. Vha gwadama phanda ha lushaka lwoþe lwa vhakhethwa na tshiñwe na tshiñwe-vho. Huno vha na Cecelia Mukhethwa, mudzimu wa nndu, na zwithu zwinzhi nga maanda zwe fhambanaho nga u ralo. Vha a mu gwadamela, huno vhukuma uyo vha mu tenda nga ndila ya khumbulelo. Ndi tshifanyiso tshinzani—tshinzani tshine tsha vha tshone, tsha Mudzimu a tshilaho wa ngoho.

<sup>344</sup> Fhedzi musi riñe, hu si nga ndila ya khumbulelo, fhedzi ri tshi gwadama phanda ha Mudzimu a tshilaho, maanda a tshilaho, ndivho i tshilaho, u kondelela hu tshilaho, u fana na Mudzimu hu tshilaho, Maanda a tshilaho a bvaho kha Mudzimu a tshilaho, zwi ita munna a tshilaho tshifanyiso tshi tshilaho kha tshiimo tsha Mudzimu. U khou itani? Zwithu zwithihi zwe Yesu a ita; a tshi khou tshimbila nga ndila i fanaho na ye A tshimbila ngayo, a tshi khou ita zwithu zwithihi na zwe A ita. Ngauri, a si tshithu tsha khumbulelo. Hu na vhukuma vhune ha sumbedza.

<sup>345</sup> Ni a vhona zwine nda amba? Ni a vhona nga ndila ine izwi zwivhuya, aya matheriala a u fhaṭa, a fana na vhadinda vha Tshivhidzo, na zwikhathi zwa Tshivhidzo? Zwino, nga liñwe la haya maduvha, ri khou yo dzhia liñwe na liñwe la haya maipfi, huno ra a guda, huno ra sumbedža zwauri a a zwi sumbedza. Zwoṭhe zwi a tshimbilelana. Ngoho. Ni a vhona? Yawee, nnenne! Zwi mangadza hani izwo, ni a vhona, u vhona zwine tsha—zwine tsha ita.

<sup>346</sup> Zwino, iyo ndi Nndu ine Mudzimu a dzula ngomu hayo; hu si tshifhaṭo tshi re na ḥilogo nga nt̄ha hatsho, na thawa ndapfu. Ni a vhona? “Fhedzi Muvhili Iwe wo Nndugisela wone,” Muvhili une Mudzimu a nga dzula ngomu, Mudzimu a nga tshimbila ngomu, Mudzimu a nga vhona ngomu, Mudzimu a nga amba ngomu, Mudzimu a nga shuma ngomu. Amene! Tshishumiswa tshi tshilaho tsha Mudzimu, Mudzimu a tshi khou tshimbila nga milenzhe miyhilli, ngomu hanu. Vhugala! “Nayo dza o lugaho dzi endedzwa nga Mudzimu,” Mudzimu a tshi khou tshimbila ngomu hanu. “Ngauri ni maṇwalo, a vhalwaho nga vhatthu vhoṭhe.” Huno arali Vhutshilo vhu re ngomu ha Kristo vhu tshi vha ngomu hanu, ni do aṇwa Vhutshilo he Kristo a aṇwa.

<sup>347</sup> Vhunga tshifhinga tshoṭhe ndo amba. Bvisani sama kha muberegisi, huno arali no vha ni tshi nga i fhirisela, nga nusano, kha muapuļa, muapuļa wo vha u tshi do aṇwa maberegisi. Ngoho. Zwa vhukuma wo vha u tshi do ralo. A hu londwi uri matavhi a vhonala e hani, u na sama ya muapuļa ngomu hawo, ni a vhona, kana muri muñwe na muñwe une wa vha wone. Ni a vhona? U bvisa vhutshilo hawo kha muapuļa, wa vhu bvisa hoṭhe, huno wa u ḥea nu—nusano ya sama, na i elelisa u bva kha muberegisi ha iswa kha muapuļa. Hu bvelelani? U nga si tsha aṇwa maberegisi. Ni a vhona? Hai, muṇe wanga. U nga si tsha aṇwa. Arali vhutshilo ha muberegisi ha dzhena kha muapuļa, kha ndi ralo, a u tsha do aṇwa apuļa. U do aṇwa maberegisi, ni a vhona, ni a vhona, ngauri u na uvho vhutshilo ngomu hawo.

<sup>348</sup> Ho luga, ni dzhia riñe, itsho a si tshithu nga nnnda ha shanga la ḥaka, tshimela, ni a vhona, huno a hu na tshithu kha riñe, ngauri roṭhe ro fa tshivhini na milanduni. Roṭhe ri kha ulu lushaka lwa nyimele. Huno zwenezwo riñe, riñe vhañe, ri nga gwadama, ra ḥinekedza, u swikela Mudzimu a tshi dzhia tshupu Yawe ya nusano, Dzina la Yesu Kristo, ngauri, “A hu na liñwe Dzina fhasi ha ḥaqulu line muthu a nga tshidzwa ngalo,” huno la fhirisela Vhutshilo ha Kristo ngomu hashu. Zwenezwo ri na holu lushaka lwa lutendo, lutendo lwe Kristo a vha e nalwo. Huno lutendo lwa Kristo lwo vha lu songo tewa kha avho Vhafarisei, kana Vhasadukei, kana khalini dzavho, dzigedelani, na dzipanini, na u ḥanzwiwa hadzo. Lwo vha lwo tewa kha Ipfi la Mudzimu, amene, nga maanda, u swikela Kristo e Ipfi, Ipfi la itwa nama. Huno zwenezwo musi ri tshi nuswa nga maanda nga Maanda Awe, lune ra fa kha u elekanya hashu, huno

lutendo Iwashu lu tshi vha lutendo vhukumakuma, haleluya, zwenezwo Vhutshilo ha Kristo vhu nuselwa ngomu hashu. Ri vha zwivhumbwa zwi tshilaho zwa Mudzimu, vhudzulo hune Muya Mukhethwa u nga rumela phaṭhutshedzo Dzawo dza dakalo fhasi nga kha heneffho, huno ri kha tshiimo tsha Kristo.

<sup>349</sup> Yesu o ri, “Naa a two ngo ḥwalwa? No Ntsaṭhula, ndi tshi ri, ‘Ndi Murwa wa Mudzimu.’ A two ngo ḥwalwa, uri, ‘Ni midzimu.’ Naa mulayo wanu a u ambi izwo?” Vhunga Mushe, vhunga Eliya, vhunga avho vhaporofita vho tshilaho vhe tsini nga maanda na Mudzimu, u swikela Mudzimu a tshi tou Difhirisela ngomu havho. Huno vho amba, hu si vhone vhaṇe, fhedzi Mudzimu. “Ni songo vhilaela zwine na tea u amba, ngauri a si inwi a no amba. Ndi Khotsi a dzulaho ngomu hanu; ndi Ene a no khou amba.” Maipfi Awe a si awe, ngauri, vhutshilo hawe, ho fa.

<sup>350</sup> Arali ni tshi fa, ni bvisa malofha kha muthu, na mu ḫodza mushonga. Khakhathi yazwo ndi uri, vhunzhi havho a vho ngo ḫodzwa mushonga na kathihi. Na bvisa malofha kha muthu, o ṭuwa. Zwenezwo tshithu fhedzi tshine na ita ndi u dzhenisa maiwe malofha khae; u ḫo dovha a tshila. No bvisa malofha awe.

<sup>351</sup> Huno zwino ro dzhenisa Malofha a Yesu Kristo ngomu, ni a vhone, huno izwo zwi disa lutendo lwa Yesu Kristo, maanda a Yesu Kristo, ndivho ya Yesu Kristo, u difara ha Yesu Kristo, u kondelela ha Yesu Kristo, u fana na Mudzimu ha Yesu Kristo, vhulenda kha vharathu ha Yesu Kristo, na lufuno lwa Mudzimu, lune lwa vha Yesu Kristo. Ndi Ene ḫohoh nahone u a ni langa. Huno milenzhe yanu ndi mutheo, lutendo. Amene! U langwa nga ḫohoh, u dzhia . . . ? . . . Ngezwo. Ngoyo munna o fhelelaho wa Mudzimu, musi e na izwi zwivhuya.

<sup>352</sup> Zwenezwo, Mudzimu, o imela Tshivhidzo Tshawe sa Muselwa, musadzi. Mudzimu u imela Tshivhidzo Tshawe sa Muselwa. Huno ḫqila ine A disa muthu muṇwe na muṇwe uri a vhe murwa Wawe, uri a dzhene kha uyo Muselwa, O disa-vho na Muselwa kha izwi zwikhathi, [Mukomana Branham u khokhonya kha bodo yawe ya u ḫwalela kasumbe—Mudz.] u swikela A tshi disa itsi Tshivhidzo tshithihi tsho khunyelelaho ngomu ha *hetshi*.

<sup>353</sup> Milenzhe yanga i a sudzuluwa. Mulandu? Ngauri ḫohoh yanga i ralo. Zwino, i nga si sudzuluwe vhunga tshanda tshanga, ngauri ndi milenzhe yanga. Luther a nga si ite zwithu zwe ra ita, na Vhamethodisi vha nga si kone, ngauri vho vha vhe tshiṇwe tshithu-vho. Ni a vhone? Milenzhe i a sudzuluwa ngauri ḫohoh i ralo. Huno na kathihi ḫohoh a i ri, “Zwino, milenzhe, inwi ni vha tshanda. Ndevhe, inwi ni vha maṭo.” Ni a vhone?

<sup>354</sup> Fhedzi, tshikhathi tshiṇwe na tshiṇwe, Mudzimu o vhea izwi zwithu ngomu ha Tshivhidzo Tshawe, huno a tshi nea paṭeroni nga u sumbedza uri muthu muṇwe na muṇwe u na hezwi, u na izwi zwivhuya. Huno *Itshi*, tshithu musi tsho no khunyeledzwa,

ndi Tshivhidzo tsha Mudzimu tshi no khou ya kha U Takulelwa ḥadulu. Huno *itshi* tshithu, nahone tsho no khunyeledzwa, ndi mulanda wa Mudzimu, kha Tshivhidzo tsha Mudzimu, tshi no khou ya U Takulelwa ḥadulu. Vhugala! Ni a vhona zwine nda khou amba? Ngezwo. Ngetsho tshithu tsho ḫalaho.

<sup>355</sup> *Hafha* hu da munna, Paulo, a tshi khou tea mutheo. Irenaeus u thoma u shełā *hetshi* khawo. Muñwe a tevhelaho a shela *hetshi*. Muñwe a tevhelaho a shela *hetshi*. Muñwe a tevhelaho *itsho*, na *itsho*, na *itsho*, na u tsela fhasi u swikela tshi tshi swika kha tshikhathi tsha u fhedzisela. Fhedzi *itsho* ndi mini? Ndi wonoyo Muya.

<sup>356</sup> Muya wonoyo u no dzula ngomu hanga, u ri, “Zwanda, hovhelelani iło bogisi.” Muya wonoyo u ri, “Milenzhe, dzhiāni liga.” Ni a vhona zwine nda khou amba?

<sup>357</sup> Zwenezwo, tshiimo tshothe tshanu sa muthu tshi vhuswa na u langwa nga hezwi zwithu, fhedzi tshi nga si kone u langwa tshothe u swikela tshi tshi vha tshothe na izwi zwithu zwa ndeme.

<sup>358</sup> Naa izwi no no vhuya na zwi pfa? Zwino kha ndi ni vhudze hezwi. Huno vhukuma ivhani... Vheani hetshi nnđevheni yanu i no khou thetselesa. Ni a vhona? Ngedane yo khwaṭhesa kha thuma yayo i shayesaho nungo. Ndi zwone. A yo ngo khwaṭha u fhira thuma yayo i shayesaho nungo.

<sup>359</sup> A hu londwi uri *izwi* zwe fhaṭwa nga ndila yo khwaṭhaho hani, *itshi* tshi a fhaṭwa; arali tshi na ḥuma i shayaho nungo, heneffho ndi hune tsha vundea. Huno a tsho ngo khwaṭha u fhira ḥuma i shayesaho nungo. [Mukomana Branham u amba nga ha muolo wawe wa bodo ya u ḥwalela—Mudz.] Zwino arali ni na, ni tshi ri ni na *hetshi*, *hetshi*, *hetshi*, a ni na *hetshi*, heneffho ndi hune ya vundea. Arali ni na *hetshi*, huno ni si na *itsho*, i do vundea heneffho. Ni na *hetshi*, huno a ni na *itsho*, i do vundea. *Hetshi*, huno a ni na *hetshi*, i do vundea. *Hetshi*, huno a ni na *hetshi*, i do vundea. Ni a vhona? Huno arali ni si... Ni nga si vhe na *hetshi* ni si na *hetshi*.

<sup>360</sup> Ngauralo musi ni tshi ḥekedza u vha hanu hoṭhe, zwenezwo Muya Mukhethwa u tou shululela nga kha inwi, ngomu ha hezwi zwivhuya, zwenezwo ni thaberenakele i tshilaho. Zwenezwo vhatu vha a sedza nnđa huno vha ri, “Uyo ndi munna o ḫalaho maanda, ndivho (u tenda Ipfi), u ḫifara, u kondēlela, u fana na Mudzimu, vhulenda kha vharathu, o ḫalaho nga lufuno lwa Muya Mukhethwa. Ni a vhona, u heneffho, u khou tshimbila u mona hoṭhe.” Ndi mini? Tshiimo tshine vhadzia-u-sa-tenda vha nga sedza huno vha ri, “Mukriste ngoula. Ngoula munna, kana musadzi, ane a ḫivha zwine vha khou amba nga hazwo. Na kathihi a ni athu vhona muthu wa vhulenda, wavhuđi, wa u fana na Mudzimu nga maanda.” No swaiwa. Luswayo lu a sumbedza thungo dzoṭhe. Arali ni tshi khou ḫuwa kana ni tshi khou ḫa,

ni vhona luswayo nga ndila yeneyo. Ngezwo. Ni a vhona? Musi munna kana musadzi e na *hetshi*, zwenezwo Tombo la u vhina li tsela fhasi huno la vha shatela ngomu ha Muvhuso wa Mudzimu, une wa vha Muya Mukhethwa.

<sup>361</sup> Zwenezwo Ipfi, li tshi khou bva *Hafha*, li a Divhonadza nga tshiñwe na tshiñwe tsha izwi zwithu, ni a vhona, huno la ita uyu Muthu o vuledzeaho Thaberenakele ya Mudzimu a tshilaho, tsumbo i tshimbilaho, i tshilaho ya Vhukriste. Zwe Kristo a vha e zwone, avha vhathu vha zwenezwo, ngauri Vhutshilo Hawe vhu ngomu hafha. Vha kha Kristo. Huno vhatshilo havho ho fa nahone ho dzumbama kha Kristo, nga kha Mudzimu, huno ho shatelwa ngomu benefho nga Muya Mukhethwa. Vhakorinta Ya U Thoma 12. Ndi zwone. Ni a vhona? Inwi ni diita o faho, zwenezwo no bebwa nga lutendo. Zwenezwo maanda na izwi zwiñwe zwithu zwi engedzwa ngazwo kha inwi u swikela ni tshi vha tshifanyiso tsho fhelelaho, tshi tshilaho tsha Mudzimu. Zwi a mangadza? [Tshivhidzo tshi ri, "Amene."—Mudz.]

<sup>362</sup> Huno zwenezwo Mudzimu, nga itsyo, o qisa-vho Zwikhathi Zwa Sumbe Zwa Tshivhidzo, u sumbedza maga a sumbe e A a qisa, a tshi khou fhaña muthu Wawe nga tshifanyiso Tshawe, O fhaña Tshivhidzo tshothe nga tshifanyiso Tshawe. Huno kha mvuwo, hoyu Muvhili wothe u do vuswa uri u yo tshila na Ene lini na lini, ngauri ndi Muselwa. Ni a vhona? Ngauralo uyo u tshea kha tshikhathi tshiñwe na tshiñwe, tshikhathi tshiñwe na tshiñwe tshi no da.

<sup>363</sup> Huno hu na zwinzhi zwi todeaho, ni elelwe. Ni a elelwe zwe Paulo a amba nga hafha kha Vhaheberu 11? Kha ndi tou ni vhaleda tshiñwe tshithu ri sa athu vala hafha, lwa tshifhinganyana. Huno zwenezwo ni... Zwi ni ita uri ni pfe zwi songo dowelea musi ndi... tshifhinga tshothe, musi ndi tshi lu vhala ulu. Ndi khou yo wana Vhaheberu 11, huno ndi khou yo thoma kha ndimana ya 32.

Zwiñwe ndi zwifhio, ndi zwifhio zwiñwe zwine nda  
do amba? ngauri tshifhinga a tshi nga do ntendela  
u ni vhudza zwa Gidioni,... zwa Baraka, na...  
Simisoni, na... Jefutha;... Dafita... na Samuele,...  
zwa vhaporofita:

*Vhe nga lutendo vha kunda mivhuso, vha bveledza u  
luga, vha wana pfulufhedziso, vha thivha milomo ya  
dzindau,*

*Vha dzima vhuhali ha mulilo, vha ponya vhuhali  
ha banga, huno nga u shaya nungo vha itwa  
vho khwathaho, vha vha vhuhali kha nndwa, vha  
vinganya... mmbi dza vhatsinda.*

*Vhasadzi vha ḥanganedza vhabu vhavho vho  
vuswaho:... vhañwe vho fhira kha thambulo, vha*

tambudzwa, *vha sa khou ḥanganedza phuluso; uri vha wane mvuwo ya vhukhwine:*

<sup>364</sup> Phasi-fhasi ngomu *hafha*. Ni a vhona? [Mukomana Branham u amba nga ha muolo wawe u re kha bodo ya u ḥwalela—Mudz.] Zwo luga.

*Huno vhanwe vho ḥanganana na milingo...kholledzo dza tshituhu...vha rwiwa, ngangoho, hafhu...vha vhoxwa...vha honelwa dzhele:*

*Vha kandwa nga matombo, vha sahiwa nga vhukati, vha lingiwa, vha shidzhwa nga...mabanga: vha tendeleka vho ambara mikumba ya nngu na mikumba ya mbudzi; vha tshi shaya, nahone vha tshi ḥuphiwa, na u tambudzwa:*

*(Vhane shango a lo ngo vha fanelo:) . . .*

<sup>365</sup> Ni a vhona, nga maipfi o dzheniswaho heneffo, no dzhiela nzhele Bivhilini yanu.

*...vha tendeleka masogani, na dzithavhani, na zwilaloni na mapakoni a lifhasi.*

*...havha vhothe, vho no wana muvhigo wavhudī nga lutendo, . . .*

<sup>366</sup> *Hafha!* [Mukomana Branham u amba nga ha muolo wawe u re kha bodo ya u ḥwalela—Mudz.]

*...muvhigo wavhudī nga lutendo, a vho ngo ḥanganedza pfulufhedziso: (Ni a vhona?)*

*Mudzimu o ri vhetshela tshiñwe tshithu tsha khwine, uri vhone vha si na riñe vha si itwe vho fhelelaho.*

<sup>367</sup> Ni a zwi pfesesa? Havha vhathu vho faho, ngomu *hafha*, vha ditika na u lindela riñe. Ngauralo, *hetshi* Tshivhidzo tshi tea u vha tsho fhelelaho, u itela u disa mvuwo. Huno i fhasi, mimuya i re fhasi ha alitari, yo lindela *hetshi* Tshivhidzo tshi tshi vha kha u fhelela Hatsho, izwo ndi musi Kristo a tshi da.

<sup>368</sup> Huno Tshivhidzo hetshi, ni a vhona, tshi khou ḥukufala, kha vha si gathi. [Mukomana Branham u amba nga ha muolo wawe u re kha bodo ya u ḥwalela—Mudz.] Tshi na vhuhali nga maanda u fhira hezwo, fhedzi ndi tou takalela u ḥwala itsho tshifhambano heneffo, ni a vhona. Tsho swika kha ḥodzi i re na vhuhali nga maanda. U swikela, Tshivhidzo, kha vha si gathi, tshi tshi tea u dzhena fhethu u swikela tshi tshi vha mushumo wa lushaka lu fanaho na lwe *hoyu* wa sia, ngauri, musi ili Tombo la tshiuludza li tshi vhuya . . .

<sup>369</sup> *Li na tshiñku tshi no nga tshikwama hafha*, hune la khou yo dzula ngomu heneffo, kha phiramidi ya misi. A i tou vha khephe i no dzula u budekanya nt̄ha. I tou vha lumeme luñku, huno lu tea u dzula heneffo nt̄ha, ngauri lu shulula mađi.

Huno musi *li* tshi *da*, Tshivhidzo hetshi tshi tea u vha tsho fanelaho.

<sup>370</sup> Hezwi zweathe, ho dzula matombo ngomu ha phiramidi, o dzula zwavhudī nga maanda lune ni nga si kone u tshimbidza tshipanqana vhukati hao, a tshi khou lemela dzithani, o dzula ngomu heneffo. Uri vho a isa hani n̄ha, a vha zwi *divhi*. Fhedzi o fhaṭwa.

<sup>371</sup> Huno *hafha* n̄ha, musi Khephe ya phiramidi i tshi *da*, phiramidi Yone iñe, Muvhili wa Kristo u *do* tea u vha wo fanelaho. A i tou vha fhedzi iñwe ndaela kāna pfunzo, kana tshiñwe tshithu tshire ra fhira khatsho. Tshi *do* tea u fana tshoṭhe-tshoṭhe na Kristo, u swikela, musi A tshi *da*, Ene na uyo mushumo vha *do* banana. Ni a vthona? Zwenezwo U Takulelwa ḥadulu hu *do* *da*, u ya Hayani.

<sup>372</sup> Vhonani hune ra khou tshila zwino, kha Laodikea, he tshivhidzo tsha vha tshi tshikhathi tshi vhfhesaho tsha tshivhidzo tshe vha vhuya vha vha natsho. Kha Bivhili, ri wana uri, tsha vha tshikhathi tsha tshivhidzo tshi tshoṭhe tshe Mudzimu a vha enga nn̄da ha tshivhidzo, a tshi khou khokhonya, a tshi khou lingedza u humela tshifhaṭoni Tshawe. Dzindaela na dzidinomineisheni zwe vha zwe no *di* Mu bvisa tshivhidzoni Tshawe. “Vhonani, Ndo ima muñangoni huno ndi a om̄ba-om̄ba. Arali muñwe e na ḥora huno *a* tshi *do* vula muñango, Ndi *do* dzhena, nda lalela næ.” Ni a vthona? Ngetshi, kha *its̄hi* tshikhathi tsha tshivhidzo. Vho Mu posela nn̄da nga zwiṭuku, u swikela *hafha* vho Mu khadela tshoṭhe nn̄da. A vha ḥodi u vha na mushumo Nało.

<sup>373</sup> Zwino ni a vthona ñamusi hune ra khou ya. Na musi vhufhelo ha Tshikhathi Tsha Tshividzo Tsha Laodikea ho no vha ha pfanelo nga maanda, u swikela tshone na Vhukaṭoliki, he ha tshi kwasha ngomū *hafha*, zwa khou vha luthihi na u ḥangana sa tshivhidzo tshithihi tshihulwane. Dzangano *la* zwivhidzo, *li* a fana na Vhukaṭolika.

<sup>374</sup> Hu na phambano nthihi fhedzi, arali vha tshi nga tou ambedzana kha helo, helo *la* u *la* tshilalelo. Itsho ndi tshone tshithu tshi tshoṭhe kha dzingu *la* mubishopo, tshire tsha—tshire tsha—tshire tsha dzivhisa Vhukaṭolika na Vhuporotestanti u ḥangana, ndi ndaela ya tshilalelo. Tshividzo tsha Katolika tshi ri, “Ndi muvhili.” Huno tshividzo tsha Porotestanti tshi ri, “Tshi imela muvhili.” Mukaṭolika u ita masi ngatsho. Masi ndi, zwauri, vha *la* tshilalelo, vha tshi fulufhela uri vho hangwelwa. Muporotestanti u tshi *la* nga lutendo, a tshi khou livhuwa Mudzimu, kha vhuṭama, ha uri vho hangwelwa. Muporotestanti u ri, “Ro hangwelwa.” Mukaṭolika u ri, “Ri khou fulufhela uri ro hangwelwa.” Masi na tshilalelo. Vha tshi vhidza masi; riñe ri tshi vhidza tshilalelo. Masi ndi u fulufhela uri zwe tou ralo. Tshilalelo ndi u *divha* uri zwe tou ralo, huno na Mu

livhuwa ni tshi itela tshone. Ni a vhona? Huno ngetsho tshithu tshi tshothe tshine vha si kone u tendelana khatsho. Vha do zwi ita.

<sup>375</sup> Oo, zwi vhonalala zwi zwavhuđi nga maanda. Tshi do ḥangana, u tshimbidza... Tshi do—tshi do tshimbidza zwothe... Ndi zwone, Bivhili yo ri, “Huno aya mavhanda o ḥea phombwe maanda ao,” ni a vhona, a ḥangana nga tshao. Ni a vhona? Zwi tou vha kokotolo zwe Bivhili ya ri vha do ita, vha khou zwi ita zwino. Zwi kati, vhege yeneyi. Hu si uri ndi na tshiňwe tshine nda lwa na vhathu vha Katolika ngatsho, u fhira vhathu vha Porotestanti.

<sup>376</sup> Vhoinwi Vhameħodisi na Vhabaphuthisi, na vhunzhi ha vhoinwi vha Pentekoste, musi zwivhidzo zwanu zwo no dzhena kha ili dzangano la zwivhidzo, musi vho ita uri motshari muhulu u fhaṭwe ngei New York, wa ilo dzangano la zwivhidzo, zwi a fana na Kħoro Ya Mbumbano Ya Dzitshakha na zwithu. Vha khou lingedza u ḥanganya Vhuporotestante hothe.

<sup>377</sup> Zwino, Vhakaṭolika vho zwi ḥalifhela hezwo, huno vha khou yo disa uyu Mupapa John wa vhufumbiliraru, kana fumbilimbili, zwiňwe na zwiňwe zwine a vha zwone. U khou lingedza, nga ndila ya phasi, ya u dītukufhadza, u disa lutendo lwothe iwa Porotestanti na lutendo lwa Katolika kha lutendo luthihi, kokotolo zwe Bivhili ya ri vha do ita. Ngezwo. Huno Vhaporotestanti vha khou zwi wela nħha, nga huka, nga lutsinga, na tshipelupelu.

<sup>378</sup> Mulandu? Mulandu? Ngauri a vha na *hezwi* zwithu. *Ndivho*, “Ipfi ndi lone.” *U kondelela*, “Vhane vha lindela Murena.” Ni a vhona zwine nda khou amba?

<sup>379</sup> Vhunga uyo mubishopo wa Methodisi o amba iżiwe duvha, musi vha tshi tshi fhira. Huno muňwe na muňwe u a zwi divha hezwo, nga ndila ye, zwa susumeda hezwo, hu tshi khou lingedzwa u wana iňwe thabelo i no do itwa tshivhidzoni, kana tshikoloni. Huno ho ḥodwa u... Ndi elekanyauri yo vha i bugu ya thabelo ya Puresbiterieni, kana tshiňwe tshithu, huno vhabebi vho suwa tshi—tshi—tshikolo ngauri a vho ngo ḥanganedza iyi thabelouri i itwe tshikoloni. Huno uyu mubishopo wa Methodisi o vha e muthu wa kale o ḥalifhaho, o ima huno a ri, “Izwo zwo khakhea.” Ha pfi, “A zwiho kha ndayotewa.” O fasha lufheṭfheṭe lwazwo. A ri, “Vhunga kha tshivhidzo tshashu tsha Methodisi,” a ri, “kha tshivhidzo tshashu tsha Methodisi,” a ri, “vhunzhi ha vhathu vhashu vha amba nga ha nyito i shishimwaho ya Hollywood tshifhinga tshothe, huno vha phesente dza fuṭahetħanu vhavho vha ya vha i vhona naho zwo ralo.”

<sup>380</sup> Thaidzo ndi mini? Vho ḥutshela *hetshi*. Ndi zwone kokotolo. Vho ḥutshela hetsho.

<sup>381</sup> Ndo vha ndi tshi khou amba henefhano lufherani lwonolu, liñwe ḋuvha, na mu—mu—muofisi wa tshiñwe tsha zwivhidzo zwi hulusa zwa Methodisi zwi re hone Falls City, tshiñwe tsha zwivhidzo zwa maya nga maandesa zwa Methodisi zwi re hone Falls City. Zwi sumbedza, tshikhathi tsha Methodisi tshi no tevhela tshikhathi tshashu henefho, Pentekostala. Huno o ri, “Ngei St. Louis, Missouri, vho ita musankanyo, kha miñwedzi i no ṭodou lingana miraru kana miña yo fhiraho, huno vha wanulula.” Uyo munna a nga di vha o dzula hafha matsheloni ano. Ndi zwone, ndi mukontiraka a no khou fhaṭa hetshi, a no lugisa tshifhaṭo a tshi itela riñe. Tshiṭaraṭa Tshihulwane Methodisi, hune a vha murado watsho, he Mukomana Lum a vha e mufunzi na vhañwe. Ngauralo zwenezwo ri wana uri, khatsho, ndi a tenda uri ho vha hu phesente dza fusumbe na u inga dza vhathe vha Methodisi kha musankanyo, lwe, mutandulo wa St. Louis, wo sumbedza uri phesente dza fusumbe dzo ingwa zwiṭuku dza Vhamethodisi dzo dahan, huno phesente dza furathimalo dzavho dzi tshi khou nwa zwinwiwa zwa alikoholi. Mumethodisi! Huno tshithu tshi kanukisaho ho vha hu, musi musankanyo wo no ḫewa, kana mugaganyo vhukati ha vhanna na vhasadzi; vhasadzi, wo vha u fusumbe, phesente dza fusumbe na u inga, u swika phesente dzi no ṭodou lingana fuṭhanu dza vhanna. Vhasadzi vhanzhi vho dahan nahone vha nwa u fhira vhanna. Phesente dza fusumbe, phesente dza fusumbe na u inga, vhasadzi vhanzhi u fhira vhanna.

<sup>382</sup> Zwino mini-ha arali ro dzhena kha Pfunzo Ya Bivhili ya u ambara dzishothi, na u luka mavhudzi, na zwithu zwi no nga izwo, ni a vhone, hune kha u fana na Mudzimu, vhasadzi vha no ri vha na u fana na Mudzimu na vhukhethwa? Zwimima zwa magaraṭa na tshiñwe na tshiñwe-vho, vhadzia-zwitshale, vha no sokou amba zwi songo daho, vha songo konaho u langa lulimi lwavho. Lulimi lwavho lu tshi khou amba na u ita zwitshale, na u dala-dala. Vhanna vhone? Zwimima zwa magaraṭa, mitambo ya golofu, henefho nn̄da vha songo ambara vha ṭaphudza, vho ambara zwi ambaro zwiṭuku zwa kale zwi vhonala ho zwi na tshikha, na vhasadzi vha tshi ṭwa henefho nn̄da. A zwi mangadzi!

<sup>383</sup> No vhu vhone uvho vhukwila he ha hweswa uyo mureri, mureri wa dzhele, matsheloni ano? Ee, muñe wanga. A thi tendi uri uyo munna u na mulandu wa hezwo. Zwo itani? Uyo ndi Mukomana... a thi humbuli ḥaw... [Muñwe u ri, “Dan Gilbert.”—Mudz.] Iina. Dan Gilbert, mureri wa dzhele. Musi uyo munna o gidimela ngomu huno a gevenga Dan, hafha miñwedzi i si gathi yo fhiraho, huno zwino mufumakadzi wawe u khou ḫo vha na lushie. A hu na zwiñwe, Dan o fa, vha nga si kone u ḫea lushie nusano ya malofha zwino. Ene u ri Dan o mu binya, huno ulwo ndi lwaw... “Ulwo ndi lushie lwa Dan.” Ho raloho... A thi zwi tendi izwo u fhira zwine nda tenda uri fu—uri fu—

funguvhu li na mithenga ya liivha. Hai, mune wanga. Ndi tenda uri ndi mazwifhi. Ndi tenda uri Dan Gilbert o vha e munna wa Mudzimu. Huno ndi tenda uri iyo ndi pulane ya Diabolo.

<sup>384</sup> Vhunga tshila tshithu tshi tshi khou lingedza uri zwi vhe na mveledzwa nga dzithabelo. Ula mubishopo wa kale wa Methodisi—Methodisi o vha o thanya lwo edanaho u pfectesa hezwo. Arali o vha a tshi do vha o, arali izwo zwo vha zwi tshi do vha zwo bvelela, izwo zwo vha zwo susumedzwa nga tshiñwe tshithu-vho. Ndi zwone.

<sup>385</sup> U tou fana na iyi thaidzo ya khethululo fhasi ngei Tshipembe, ndi zwithihi. Ndi tenda uri vhatu vha tea u vhofholowa. Ndi tenda uri holu lushaka lu takalela mbofholowo. A thi hwesi Vho-Kennedy mulandu wa u rumela dzigomane fhasi. Naho, ndi si ene—ene “mushavhi muswa,” nahone ndi si Mudemokirati. A thi Muriphabulikheni. Ndi Mukriste. Ngauralo ndi... Fhedzi hezwo a thi zwi tendi. A thi tendi uri vhatu vha makhaladi vha tea u rengisa pfanelo dzavho dza mbebo kha zwithu zwo raloho, lini. Ho vha hu—ho vha hu lihoro la Riphabulikheni. Malofha a Abraham Lincoln o vhofholola avho vhatu ngauri o vha e munna a ofhaho Mudzimu. Ndi elekanya uri vha tea u nambatela lihoro lavho arali vha tshi khou yo youtha-vho.

<sup>386</sup> Fhedzi ndi ni vhudza tshithu tshithihi, ula mutukana o vha a siho ngomu heneffo nga nthani ha, zwikolo zwavho. Uyo mutukana ndi mudzulapo. Ndi Muamerika. Iyi ndi mbofholowo ya vhothe. Muvhala wa muthu a wo ngo tea u shandukisa phambano yawe. Rinje rothe... “Mudzimu,” o ri, “nga munna muthihi, o ita malofha othe, tshakha dzothe.” Rinje rothe ri vhatihihi. Fhedzi, uyo mutukana, ene o vha e swole. Ndi mudzia-tshenzhembo. O lwela zwi re zwone. O vha e na pfanelo ya u ya tshikoloni. Ndi zwone. Fhedzi o vha e na zwikolo zwinzhi zwe a vha a tshi nga ya khazwo.

<sup>387</sup> Ndi zwine tshithu tsha vha zwone. Arali na da murahu hatsho, ndi itsi tshithu tsha dinomineisheni tsha lino duvha afho nthi, tshi no khou susumeda hetsho. Mulandu? Vha khou tuuwedza idzo vouthu dza makhaladi u bva kha Riphabulikheni dza ya kha Demokirati, huno vha khou rengisa pfanelo dzavho dza mbebo ngazwo. Ndi ngoho kokotolo. Muya Mukhethwa haho hafha...

<sup>388</sup> “Uyo a re na vhuṭali.” “Uyo a re na ndivho.” Kokotolo. U tou fana na itsi tshividzo, itsi tshikhathi tsha zwino, tshi tshi khou direngisa. A ni koni u vhon a zwi no khou yo bvelela?

<sup>389</sup> A thi londi arali izwi zwi tshi theiphiwa. Ngezwi zwi a da. Uh-huh. Iina. Thaidzo ndi mini? Mme anga vha mualuwa vho vha vha tshi anzela u ri, “Neani Diabolo zwi re zwave.”

<sup>390</sup> Ho vha na munna muthihi we a ita tshithu tshi tshothe tshe tsha vha tshi tshi pfala, uyo o vha e Castro heneffo fhasi. Ee,

muñe wanga. O tsela heneffo fhasi. Huno vhakhephuthalisi vho vha vhe na luñanga lwoþhe na tshiñwe na tshiñwe tshe...tshi kha tshilinganyo tshavhûdisa, vhunga United States. O itani? O renga idzo bondo dzoþhe. A wana tshelede nga ndila iñwe-vho ye a kona. Zwenezwo a itani? A edza tshelede zwâ khole-khole, huno a i shandukisa. Dzi vhetseleni murahu. Itsho ndi tshone tshithu tshi tshoþhe tshe ulu lushaka lwa kona u ita.

<sup>391</sup> Naa no pfa *Laini Ya Vhutshilo* nga mañwe matsheloni? Mulandu, ni a ñivha, zwi tou fana na musi ni tshi rengisa dzibondo kha musuku. Dzibondo dzo no di dzhiwa. Huno uyu muvhuso wa zwino zwino u khou shumisa tshelede u tshi itelanî? U itela tshelede ya muthelo ine vha ðo vha vha tshi khou i kuvhanganya lwa miñwaha ya fuina u bva zwino. Wo fhela. Iyo ndi *Laini Ya Vhutshilo* i bvaho Washington D.C., kha lushaka lwoþhe. Mithelo ine vha khou i shumisa, na u lingeda u renga isili. Ndi zwone, vha khou tou i nekedzela nnđa nga ndila iñwe-vho. Naa a ni vhoni? Izwo ndi zwone kokotolo zwine vha-zwine vha khou yo ita. Ni a vhona? Ndi mini? Zwino, arali ulu lushaka lu tshi thoma u shaya, tshithu fhedzi tshine lu nga ita ndi u thoma u shaya. Tshithu fhedzi tshine lu nga ita ndi u vha khundwalandu.

<sup>392</sup> Itsho ndi tshone tshithu fhedzi tshi pfalaho tshine tshi nga itwa, u shandukisa mali. Fhedzi a vha nga zwi iti, fhasi ha iyi tshumelo ya zwino. Tshivhidzo tsha Roma Kaþolika tshi na musuku wa shango. Huno tshine vha ðo ita ndi u u rengisa woþhe, "Avha vhanna vho pfumaho," na vhañwe-vho, "vha liphasi," sa izwo Bivhili yo amba. Vha ðo itani, vha sa athu tshinyalelwâ? Khamphani ya Fola ya Brown na Williamson, tshipiða tshayô tshihulwane ndi tsha Kaþolika, naho zwo ralo. Huno izwi zwiñwe zwithu zweþhe, vha ðo itani? Vha do zwi þanganedza, huno vha ðo dzhiá tshelede Roma, huno zwenezwo yo rengisa yeneyo pfanelo yayo ya mbebo. Roma i a i tikedza. Ee, muñe wanga. I ðo i tikedza. Huno vha khou wana dzanganyelo yo edanaho zwino, vha khou wana yo edanaho khavho, vha tshi vha džhenisa kha khabinete yawe. Vhonani zwine Vho-Kennedy vha khou humbela zwone.

<sup>393</sup> Huno musi no no vhona hezwi, lila ðuvha, a hu na ðhodea ya u vota lini. Zwi farisani u vota? Ngeno, vho zwi bvisa kha bammbiri, huno vha zwi sumbedza phanda ha nnyi na nnyi, nahone vha hana u ita tshiñwe nga hazwo. Ngeno, vho sumbedza uri mitshini kha lushaka lwoþhe yo vha yo dzudzanywa, lwe vha khetha Vho-Kennedy nga votu yo khakheaho. Naa Bivhili a i ambi zwauri u ðo dzjena nga vhufhura? Zwa vhukuma, mazwifhi. Zwino, a thi khou lwa na lihoro la Democrat u fhira lihoro la Republican, fhedzi ndi khou tou bula mbuno dzi bvaho kha Bivhili. Zwi farisani u vota? Vha a ñivha ane a khou yo dzjena heneffo.

<sup>394</sup> Ndi vhangana vha vhoinwi vha no elelwa tshirathisi tsha khasho he tsha vha tshi na vhasadzi vhavhili vho imaho? Huno muthihi o ri, “Ndi khou yo voutela Vho- . . .” Kana, vhasadzi vha Porotestanti vho ri, “Ndi khou yo voutela Vho-Kennedy.”

Vha ri, “Mulandu?”

<sup>395</sup> Ha pfi, “Ngauri ndi elekanya uri ndi munna o thanyaho u fhira Vho-Nixon. U do vha Muphresidennde wa khwine.”

<sup>396</sup> Zwenezwo a ri, “Hoyu ndi musadzi wa Kaṭolika. ‘Ndi nnyi ane na khou yo mu voutela?’”

<sup>397</sup> A ri, “Ndi Mukaṭolika, Mukaṭolika wa Roma, Mukaṭolika a fulufhedzeaho.” A ri, “Huno nne ndi khou yo voutela Vho-Nixon.”

“Mulandu?”

<sup>398</sup> Ha pfi, “Ngauri, ndi elekanya uri Vho-Nixon vha do vha Muphresidennde wa khwine ngauri vho dowela zwithu nga maanda. Vha divhesa vhukomunisi.” Ula musadzi o amba mazwifhi.

<sup>399</sup> Ndi na *Mbu...ine* vha i vhidza, *Mbuno Dza Lutendo Lwashu*, bugu ya nthesa ya Katolika i nga rengwa. Huno u i amba ngomu heneffo, “Arali hu na Mukatolika kha thikhithi, a no khou lwela tshidulo na Muporotestanti; arali Mukatolika a tshi voutela Muporotestanti, vha a khaulwa kha vhuṭama ha tshivhidzo tsha Katolika.” Ndi zwone. “Huno arali hu na Vhakatolika vhavhili vha no khou lwela tshidulo tshi fanaho, vha do nanga Mukatolika ane a fulufhedzea nga maanda kha ‘tshivhidzo tshihulwane’ huno vha vha voutela.”

<sup>400</sup> Ni a vhona nga ndila ine, uvho vhufhura, zwine vha khou lingedza u zwi ita? Vha nea tshelede, u renga. Mulandu? Vha khou lingedza u tshi kwasha. Huno vha khou zwi ita, huno tsho kwashekana. Huno ndi mini? Tshi kha tshilinganyo tsha musuku. Huno tshivhidzo tsha Katolika, vhalangi, vha na musuku wa shango. [Muñwe u ri, “Dolara dza bilioni dza dana na mahumi maṭanu na lithihi na thanu na tharu.”—Mudz.] Bilioni dza dana na mahumi maṭanu na lithihi na thanu na tharu. Ngezwo. Tshi poseleni murahu kha tshilinganyo tsha musuku, huno inwi vhathu itonu vhulunga mahaya anu na zwithu, fhedzi ni vha tshivhidzo tsha Katolika. Lushaka ndi lwa tshivhidzo tsha Katolika. Tshithu tshothe tsho thubiwa ngomu heneffo nga u ralo, nga mali yavho. Naa Bivhili a i ambi nga ha izwo? Itsho ndi tshifanyiso tshire Bivhili ya ola.

<sup>401</sup> Zwine nda khou lingedza u amba, mukomana, ḥamusi. Vha do ri, “Izwo zwi do tshi ita tshivhidzo tshavhuđi. Zwi do ḥanganya Vhuporotestanti.” Zwi vhonalala zwi zwavhuđi kha iṭo la mupo, fhedzi ndivho ya ḥino shango ndi vhutsilu kha Mudzimu.

<sup>402</sup> “Huno zwe takadza Mudzimu, nga vhu—vhutsilu ha u rera, u tshidza avho vho xelaho,” nga ofisi Khethwa ye A i ta Tshivhidzoni Tshawe, u fhaṭa Tshivhidzo kha izwi zwiṭaluli zwa maya huno hu si kha tshinwe-vho tshine tsha vha na vhushaka na shango.

<sup>403</sup> Petro o ri, “Huno ngauri no ponya vhuada ha shango nga nyemulo ya tshelede, na nyemulo ya tshifhinga tsha maimo a n̄tha, na u diphina, na u la, na u nwa, na nyemulo ine ra vha nayo. Hezwo no zwi ponya. Huno zwino no fhaṭelwa kha kutshilele. Ndi khou vhudza Tshivhidzo izwo,” a ralo. Ngezwo. Naa no lu vhala? Naa no lu wana? Naa no lu pfa musi ri tshi lu vhala hafha murahu kha Petro Ya Vhuvhili? Edzonu thetshelesa zwine a amba hafha, nga ndila ye zwa naka izwi zwe n̄walwaho ngomu hafha, nga ndila ine a—a tshi vhudza. Zwo luga. Mu thetsheleseni zwino a tshi amba. Zwo luga.

Petro, *Simoni Petro, mulanda na muapostola wa Yesu Kristo, kha avho vhe vha...wana lutendo lu fanaho na lwasu nga u luga ha Mudzimu na Mutshidzi washu Yesu Kristo:*

...mulalo nga u—nga u ande kha inwi nga ndivho ya Mudzimu, na nga Yesu Kristo Murena washu,

*U ya nga he—nga he maanda awe makhethwa a ri ḡea zwithu zweṭhe...*

<sup>404</sup> Ndi nnyi a no khou yo la ifa la shango na zwithu zweṭhe? [Munwe u ri, “Vhakhethwa.”—Mudz.] Ngoho. “Zwi re na vhushaka na...” Iina. Zwo luga.

...zwi re na vhushaka na vhutshilo na u fana na Mudzimu, nga ndivho ya uyo we a ri vhidzela kha vhugala u ya kha vhugala:

*Ngazwo ri ḡekedzwa kha khulukhulu... pfulufhedziso ya v̄huthogwa: uri nga hedzi ri vhe na mukovhe kha kudzulele kukhethwa, ro ponya vhuada (Thetshelesani hezwo.) vhu re shangoni nga nyemulo.*

<sup>405</sup> Nyemulo ya tshelede, nyemulo ya zwithu zwiḥulu, nyemulo ya u ḡoda u takalelwa, hezwi zwithu zwe fa kha mutendi. A ri londi. Dennde kana nn̄dwana, ndi ngani ndi tshi tea u londa; u tshila kana u fa, u swaṭimela kana u nupela? Itshi ndi tshone tshithu tshire nda tshi takalela, Muvhuso wa Mudzimu. Kana ndi londota haya hanga, kana ndi londota muṭa wanga, kana ndi londota naho tshi tshini, kha ndi londote Kristo, fulufhelo ḡashu la Vhugala.

<sup>406</sup> Mphaṭe, Oo Murena, kha *Hetshi*. Kristo nga a vhe ḡohoh yanga, i no khou shuma nga ḡne. Kha mutheo wanga, lutendo lwanga lu re kha Ene, maanda, ndivho, u difara, u kondelela, u fana na Mudzimu, na vhulenda kha vharathu, kha zwi shume ngomu hanga, Oo Murena, ndi thabelo yanga. A thi londi; u tshila

kana u fa, u swatimela kana u nupela; dinomineisheni, a hu na dinomineisheni; khonani kana a hu na khonani. Izwo nga zwi shume ngomu hanga, maanda a Kristo, ndivho Yawe, kha zwi elelele mn̄da, uri ndi kone u funza avho.

<sup>407</sup> “Ngauri Mudzimu Tshivhidzoni o vhea, vhaapostola, vhaporofita, vhadededzi, vhafunzi, na vhaevangeli, vhothe u itela uri izwi zwivhuya zwi vhe zwo fhelelaho nahone zwi diswe ngomu hatsho, u itela u fhelela ha U Da ha Murwa wa Mudzimu.” Linwe na linwe la *haya* matombo ndi matheriala wa ilo Linwe. *Heli* ndi matheriala wa *Heli*. Tshiñwe na tshiñwe tsha izwi zwivhuya ndi zwa ngomu Hawe, huno zwi tevhutshela nn̄da zwi tshi bva kha Ene, fhasi ngazwo. Amene.

<sup>408</sup> Ndi awara ya fumimbili nt̄ha ha tshithoma. Zwi yafhi zweithe? Amene. Naa ni a Mu funa? [Tshivhidzo tshi ri, “Amene.”—Mudz.] Naa izwo ni a zwi tenda? [“Amene.”] Thetshelesani, mūtuku.

<sup>409</sup> Khaladzi Kidd o amba, matsheloni ano, “Khaladzi Bill, a thi divhi arali ndi tshi do ni vhona hafhu.” Hezwo zwo todou mbulaha. Ni a vhona? U elekanya uri u khou kegula, huno u khou ralo. Ndo rabela Mudzimu uri a mu vhavhalele na Mukomana Kidd, tshifhinga tshilapfu.

<sup>410</sup> Kha ndi ni vhudze, a ri divhi uri ri do wanana tshifhinga tshingafhani. A thi divhi ur̄i ndi do vha na inwi tshifhinga tshingafhani. Mudzimu a nga di mmbidza nda tuwa shangoni. A nga di mmbidzela kha muñwe mudavhi wa tshumelo. A nga di ni vhidzela huñwe fhethu. A ri divhi. Fhedzi, kha ri—kha ri wané. Ri songo tendela hezwi zwi tshi sokou fhira nga nt̄ha hashu. Izwo kha ri zwi dzhie.

<sup>411</sup> Ngetsho, kha Bivhili. Ngetshi, tshi nea pateroni tshiñwe na tshiñwe-vho. Huno arali fhedzi ndo vha ndi na tshifhinga tsha u zwi ita! Ni nga si zwi ite nga duvha lithihi. Izwo ni a zwi divha. Fhedzi, i nga vhofhekanya tshithu tshothe!

<sup>412</sup> Vhoni, musi ro no fhedza uyo mulaedza henefho, ni a vhona zwe Muya Mukhethwa wa ita henefho kha luvhondo, a ni vhoni? Ndi vhangana vhe vha vha vhe fhano nga itsho tshifhinga? [Tshivhidzo tshi ri, “Amene.”—Mudz.] Ni a vhona? Ngoho! O tsela phasi, a ola tshithu tsho raloho, uyo Muruñwa wa Murena.

<sup>413</sup> Ni a vhona, ndi ngoho. Ni songo tenda u tshi ni ponyoka. Farelani khawo, vhana. Farelani kha wonoyo. Elelwani, fhañani kha lutendo lwañu, maanda, ndivho, u kondelela!

<sup>414</sup> Zwino, hafha, ndi elekanya uri ndo vha ndi na tshipida tsha bammbiri hafha, arali ndi songo tshi wisu huñwe fhethu musi ndi tshi khou rera. Ngetshi henefha. Ndi a ni livhuwa, mukomana. Ndi a ni livhuwa, nga maanda. Arali ni tshi tod̄a u—u tshi vhona, huno na vhona arali hu na tshiñwe tshithu hafha tshine ni nga kona u... Khamusi ndi pañeroni i re khwinenyana u fhira iyo i re henefho, uri ni nga di kona u kopa zwiñwe zwa izwi. Ndi do

tou tshi fhahea hafha n̄tha, huno ngoho ni nga tshi vhona huno—huno na tshi thaipha.

<sup>415</sup> Huno ndi ḥoda ni tshi u dzhia huno na u guda, na u vhambedza, huno zwenezwo na u shumisa. Ni songo tou u guda fhedzi lini, u vhambedzeni, fhedzi ni u shumise musi ni tshi ita. U dzhieni nga u fulufhedzea kha inwi mune. Ni songo ri, “Zwo luga, ndo diphina nga u u thetshelesa.” N̄do ralo, na n̄ne-vho. Fhedzi u u thetshelesa, nahone zwenezwo na u ḥanganedza, zwi a fhambana. Ni a vhona? Ni a vhona? Zwi a fhambana. Ni a vhona?

<sup>416</sup> Hu na ndalukanyo dza sumbe dza u ita tshiimo tsha Mudzimu. Hu na Zwikhathi Zwa Sumbe Zwa Tshivhidzo, zwe Mudzimu a disa Tshivhidzo kha ino ndalukanyo. Huno O vha na vhaqinda vha sumbe u zwi ita. Hu na sumbe, sumbe, sumbe. Ni a vhona? Sumbe ndi—ndi nomboro ya Mudzimu ya mvuledzo, huno raru ndi nomboro yo fhelelaho ya Mudzimu. Ngauralo, hu na raru, na raru dza sumbe. Ngauralo, u ya nga lwa mathematiki, lwa maya, nga Ippi, nga vhuťanzi ha Muya Mukhethwa, zwoťhe zwe khunyeledza itsho tshithu. Kha ri u gude.

<sup>417</sup> Kha ri engedze nga hezwi zwithu kha lutendo lwashu, zwenezwo, uri ri kone u dzhena kha tshiimo tshoťhe tsha Kristo; ro farana nga lufuno lwa Mudzimu, u ofha Mudzimu, khuliso mbiluni dzashu nga tshashu, thoniphо khulu nga tshashu, vhulenda kha vharathu na dzikhaladzi, hu si na mikhwa mivhi na kathihi, hu si na tshithu fhedzi hu tshi tou vha na vhukhethwa ha u tshila nga Muya Mukhethwa. Ni a vhona? Tshilani nothe, ni vhe Mukriste. Tshimbilani nga lutendo. Tendelani maanda a Mudzimu u elela nga kha inwi; tendelani ndivho ya Mudzimu, musi zwi tshi da kha zwi re zwone na zwe khakheaho. Musi Diabolo a tshi nekedza tshinwe tshithu tshire tsha sa vhe tsha Luňwalo kokotolo, tутshelani kule natsho. Ndi zwone.

<sup>418</sup> Ndi nga humbulela uri vhaapostola vhone a vho ngo ita vhunga riňe na kathihi. Vho ya ngei na ngei, khamusi vhanna vha maipfi a si gathi, u swikela vha tshi dzhena kha phuluphithi. Vho dzhena ngomu huno vha ita zwe vha vha tshi tea u zwi ita, huno vha bvela nn̄da. Ee, muňe wanga. Vho vha vhe na maanda. Vho vha vhe na maanda. A vho ngo ṭaťa dzikhani na vhanna. Vha divha he vha ima. Ndi zwenezwo fhedzi. Vha divha we vha mutenda. Vho bvela phanda na u tshimbila Muyani. Vha tshi khou ita fhedzi . . .

<sup>419</sup> U tou fana na zwe nda amba vhuňwe vhusiku. U tenda huťuku huthihi, ndi zwenezwo fhedzi zwe Mudzimu a do tea u ita, zwenezwo a hu na tshi no khou yo vha imisa. A vho ngo vhudzisa na u guda, na u difara nga nđila mmbi nahone vha vhilaela sa zwine ra ita, arali vha tshi tea u ita *itshi* kana *itsho*. Vho bvela phanda nahone vha zwi ita, naho zwe ralo. U tenda huťuku fhedzi hu bvaho ha Mudzimu, ho zwi ita, nga u tou ṫavhanya. Mulandu? Vho vha vha tshi do zwi divha hani uri ho

vha hu u tenda hu bvaho ha Mudzimu? Vho vha vhe na izwi zwivhuya zwethe ngomu hafha, ndalukanyo hedzi dzothe. Huno u tenda hułuku ha u thoma ha Mudzimu ho vhambedzwa na tshipiда tshiñwe na tshiñwe tsha *hetshi*, na nga Ipfi Lawe. Vho zwi ñivha uri ho vha hu Ipfi la Mudzimu, huno vha ɬuwa. A vho ngo tea u vhilaela nga tshiñwe tshithu-vho. Musi Mudzimu o amba, vho ɬuwa. Ri amba . . .

<sup>420</sup> Mudzimu u amba na riñe, huno ri do ri, “Zwo luga, ri do thoma. Ri do vhona arali ri tshi nga tshila uvhu Vhutshilo.” Tshithu tsha u thoma ni a ñivha, muñwe muthu u a ni dina. Zwo ralo, ngoho, uyo ndi Diabolo.

<sup>421</sup> No vha no fanela no mu vhona a tshi khou lingedza uri ndi vhe kule na hoyu mutangano matsheloni ano. Ni fanela u vha nawo nga tshiñwe tshifhingga. Oo, khathutshelo! Ndi tea u lwa tshifhingga tshiñwe na tshiñwe ndi tshi bula mutangano. Huno arali ndi tshi khou yo rabelela mulwadze, na muñwe muthu a tshi khou fa nahone a songo tshidzwa, hu do vha na ɬhingo dza furaru dzi no dzhena nga miniti ya fumi, arali vha tshi nga dzi ɬavhanyedza, uri ndi songo vha khawo. “Oo, Mukomana Branham, vha tea u ita *hetshi*.” Fhedzi hu na muya u re mulingoni. Ngoho. Iina.

<sup>422</sup> Vhuriwe vhusiku, nda vhidzwa fhethu. Munna muswa, ndo amba nae fhasi hafha kha namudze, supamakete, miñwaha i si gathi yo fhiraho. U vha gobi. Ndo mu ñivha mutukana, mutukana wavhuđisa, fhedzi o vha e muitazwivhi. Huno ngauralo mme awe vha founa. Ndi elekanya uri vho founela Doc luvhili. Nda . . . Vha founa, huno vha founela Billy, huno—huno tsha u fhedzisela nda wana mulaedza. Huno musi ndo no wana mulaedza, vhukumakuma, na kathihi a thi athu vha na nndwa nngafho vhutshiloni hanga, u ya kha uyo mutukana.

<sup>423</sup> Huno musi ndo no swika heneffo, uyo muthu a ɬungufhadzaho o vha a si tsha nndivha. O vha e heneffo, o lala heneffo, o dzidzivhala, huno a tshi khou sokou bvela phanda. Khotsi awe vha tshi khou lingedza u mu phaphatha, nahone vha tshi khou ri, “Mufunwa.” Huno uyo munna u na mahumi mañanu, u na miñwaha i no ɬodou swika ya mahumi mañanu na muthihi nga vhukale. Huno a tshi khou ri, “Mufunwa,” *hetshi* “huno u lale u dzike.” Huno o vha a tshi khou lingedza u vuwa. Zwanda zwawe zwiłuku zwa kale zwi *zwingafha* nga vhuhulu u mona hothe. Mutukana o vha e na pfuko nnzhi u swikela a si tsha vha tshithu nga nnda ha pfuko vhukuma. Mirado yothe ya muvhili wawe yo vha i na pfuko. Na muelela wa malofha awe wo vha u pfuko, tshiñwe na tshiñwe. Huno o vha e heneffo, a tshi khou lingedza u vuwa, na u bvela phanda nga u ralo.

<sup>424</sup> Nda mu fara nga tshanda, nda ri, “Woodrow, Woodrow, hoyu ndi Mukomana Branham.”

<sup>425</sup> Khotsi awe vha ri, “Naa a ni ḋivhi? Hoyu ndi Mukomana Bill. Woodrow, hoyu ndi Mukomana Bill.”

A ri, “Uh-huh. Uh-uh-uh,” nga *u ralo*.

<sup>426</sup> Huno khotsi awe vha sedza huno vha ri, “Billy, no ḋa no lenga zwiṭuku.”

Nda ri, “Na kathihi a ho ngo lengeswa. U hafha.” Nda vha na nndwa.

<sup>427</sup> Huno zwenezwo vhañwe vhatukana, vhañwe vhatukana vhanzhi, vhaitazwihhi, vho vha who ima heneffo, vhañwe vha mashaka awe. Nda ri, “Ni a vhona, vhatukana, dilugiseni, ngauri ni ḋo ḋa huno fhethu. Ni tea u ḋa hafha fhasi. Ni a vhona? Khamusi hu si nga iyi—iyi pfuko. Ni nga ḋi ḋa nga tshiñwe tshithu—vho, heneffo nn̄da gondoni, ni tshi khou bva malofha lu isaho lufuni, kana tshiñwe tshithu. Ni tea u ḋa khaho.” Ro amba navho.

<sup>428</sup> Ndo vha ndo lindela u vhona zwe Muya wa ri ita. Ndo lindela. Tshithu tsha u thoma ni a ḋivha, ndo pfa uho u tenda huṭuku. “Vheani zwanda zwaṇu khae.”

<sup>429</sup> Nda mona-mona, nda ri, “Inwi noṭhe kotamisani zwifhaṭuwo zwaṇu.” Vhoṭhe vha kotamisa zwifhaṭuwo zwavho, vhatu vhavhili kana vhararu vhaswa ngomu heneffo.

<sup>430</sup> Nda vhea zwanda zwanga khae. Nda ri, “Murena Mudzimu, tendela mutukana u dzivhuluwa uri a ḋivhe zwine a khou yo ita, a sa athu tea u ṭangana na hetshi tshithu. U khou fa. Hoyu diabolo o mu tshinyadža, huno u khou ṭuwa. Huno o dikambisa lu isaho lufuni, huno ngoyu hafha kha iyi nyimele. Ndi rabela uri U mu khathutshele.” Huno musi ndo no mu rabelela, nga matsheloni a tevhelaho o vha o dzula, a tshi khou amba na khotsi awe.

<sup>431</sup> Busty Rogers, we... Vho mmbidza hangeno sibadela, a si kale-kale. Ndo vha ndi heneffo nn̄da nga ilo duvha, nga murahu ha musi ndo no rera fhasi hangei Milltown he Georgie Carter muṭuku a fhodzwa. Noṭhe ni a zwi elelwa. Huno heneffo musi Mukomana Smith, mureri wa Mumethodisi, o ri, “Arali nnyi na nnyi o vhuya a lovhedzwa, Dzina la Yesu Kristo, ibvani fhasi ha dennde yanga,” nga u ralo. N̄tha heneffo kha dambuwo la Totten, ndo fara uyo muṭangano n̄tha heneffo. Huno, oo, a ntsathula malugana na tshiñwe tshe na vha ni tshi nga tshi elekanya. Na kathihi a tho ngo bula na ipfi; nda bvela phanda. Ndo vha ndi na ndaela. Murena o ntsumbedza bono. Ho vha hu na ngwana fhasi hangei, yo fashwa huñwe fhethu sogani. Noṭhe ni elelwa bono, inwi noṭhe. Ndi a humbulela ni a ita. Naa ni a li elelwa? [Tshivhidzo tshi ri, “Amene.”—Mudz.] Ngoho. Zwo luga. Zwenezwo ndo vha ndi tshi khou tsela fhasi nga sogani hangei, ndi tshi khou i zwima.

<sup>432</sup> Nda ya kha ḋambuwo la Totten. Mukomana Wright heneffo u a ḋivha. Ra pfuka, ri sa ḋivhi uri ri tea u itani. Nda renga bogisi

lituku la tshisibe, nga lingwende. Ndo vha ndi tshi khou yo bvela nn̄da heneffo, nda ima heneffo huno nda rera kha tshiṭepisi. A ri u khou gonya, n̄tha ha muvhundu, u ita mbambadzo. Nda ṭuwa nae. Ho vha hu na kereke khulu ya kale ya Baphuthisi yo dzulaho heneffo n̄tha, i si na tshithu. Murena a ri kha nn̄e, "Ima heneffo."

<sup>433</sup> Nda ri, "Kha vha ri ndi bve hafha, Mukomana Wright." Nda ima. A ya n̄tha huno a vhuya.

<sup>434</sup> Nda ya henengei, huno nda sa kone u vula vothi. Nda ri, "Murena, arali U kha hezwi, U tshi ḥoda ndi tshi dzhena ngomu ha kereke, mvulele vothi." Nda dzula heneffo fhasi nahone ndi tshi khou elekanya.

<sup>435</sup> Nda pfa muñwe a tshi khou ḫa; a tshimbila, huno a ri, "Vha vuwa hani? Ndi ḫo vha vhudza," a ri, "vha ḫoda ngomu ha kereke?"

Nda ri, "Ee, muñe wanga."

A ri, "Ndi na khii hafha."

<sup>436</sup> Nda thoma muñangano. Vhege ya u thoma, ho ḫodou sa vha na tshithu. Vhusiku ha u thoma, ndo vha na tshivhidzo, Mukomana Wright na muñga wavho. Tshithu tsha u thoma ni a divha, mafheloni a vhege, a vho ngo vhuya vha kona u vha imisa dzharañani, lini. U swika zwenezwo iyo ngwana yo vha i sa athu bvelela. Mukomana Hall o tshidzwa nga itsho tshifhinga, mufunzi heneffo zwino, avho vhothe. A tho ngo kona u wana he iyi ngwana ya vha i hone. Nga murahu ha tshifhinganyana, zwi bvaho kha tshivhidzo tsha Kristo, fhasi ha muvhundu, uyo musidzana muñku wa miñwaha ya ṭahe na miñwedzi ya malo o vha a sa athu sudzuluwa, o lala heneffo. O vha e heneffo. Nothe ni a divha itsho tshiṭori. Ee, muñe wanga.

<sup>437</sup> Nga masiari ayo musi Busty Rogers, mudzia-tshenzhemo muhuluhulu o khwañhaho o ima heneffo... Nda bvela heneffo nn̄da. Huno heneffo ho vha ho ima tshivhidzo tsha Mukomana Smith u ntsea, u tamba nga nn̄e, u lovhedza nga Dzina la Yesu. Nda bva kha madi a re na thophe a ḫambuwo ḫa Totten, he vha vha vhe na... [Tshikhala kha theiphi—Mudz.]...nga phanda ha mueela heneffo, huno u tshi khou vhomba nga he wa kona. Madikoni mavhili a bvela nn̄da na nn̄e.

<sup>438</sup> Nda ri, "Ndi ima hafha masiari ano u ita phethisheni ya Luñwalo Lukhethwa lwa Mudzimu." Nda ri, "Ndo vhala kha Bivhili hafha he Petro a ri, 'Shandukani, muñwe na muñwe wanu, ni lovhedzwe nga Dzina la Yesu Kristo u itela khangweloa ya tshivhi tshanu." Nda rembuluwa, nda nekedza Bugu kha muñwe wa madikoni.

<sup>439</sup> Nda bvela heneffo nn̄da, huno nda ri, "Muñwe na muñwe ane a funa, a no rembuluwa kha tshivhi tshawe, u tea u ḫa." Nda bvela heneffo nn̄da madini. Nda ri, "Kha nn̄e zwi tou nga

Vharunwa vho dzula kha davhi linwe na linwe zwino, vha tshi khou sedza." Yawee, nnenne! Hu tshi todou swika tshifhinga tsha musi ndo no lovhedza vhavhili kana vhararu, tshivhidzo tshawe tshothe, avho vhasadzi vho ambara rokho dzavhuqi dza siliga, vha tshi khou rwa ayo madi, vha tshi khou zhamba maipfi avho o takuselwa ntha. Ndo lovhedza tshivhidzo tshawe tshothe nga Dzina la Yesu Kristo. Ni a tshi divha. Ndi na tshifanyiso tshatsho. Tsho vha tshi heneffo.

<sup>440</sup> Ho vha hu mini? Ni tshi khou engedza kha maanda anu. Ni a vhona? Zwi litsheni. Mudzimu u a divha uri zwi itwa hani. Mudzimu u a divha uri izwi zwithu zwi nga khunyeledzwa hani. Vha litsheni vha ambe zwine vha toqa. A zwi iti phambano inwevho. Itonu bvela phanda na u tshimbila.

<sup>441</sup> Busty Rogers o ima heneffo, musi o no zwi vhona hezwo, o ri, "Zwenezwo ndi a zwi tenda nga mbilu yanga yothe." Huno a tshi bva nnnda a dzhena madini, o ambara zwiambaro zwawe zwavhuqi, huno a lovhedzwa nga Dzina la Yesu Kristo.

<sup>442</sup> Hu tshi todou fhela minwaha miraru kana miña yo fhiraho, vha mmbidza hafha phasi kha sibadela New Albany. O vha e heneffo, a tshi khou fa, nga pfuko, i tshi khou sokou mu la. Madokotela vha mu nea u swika nga matsheloni a tevhelaho, u tshila. Ha pfi, "U khou fa zwino." Ha pfi, "Kha vha de nga u tavhanya."

<sup>443</sup> Nda tsela lufherani, musi ndo ita, u ima heneffo na u rabela. A ri, "Billy, hu na musingavhadzimu u no khou mona kha ila khuda hangei."

<sup>444</sup> Huno nda rembuluwa, u sedza. Nda ri, "Busty, ndi mulanga. A ni khou yo fa. Mulanga wa Malofha u a ni tshidza."

<sup>445</sup> Nda vhea zwanda zwanga khae, nda ri, "Murena Mudzimu, nga ndila ine lila bono hangei la sumbedza zwauri U hafha. Mulanga Wau ndi uyo, uyu, 'Nga ntho Dzawe ro fhodzwa.'" Nda vhea zwanda khae, huno heneffo a vha na mutakalo. A rumelwa hayani.

<sup>446</sup> Huno kha minwaha i no todou swika miña kana mitanu, minwaha i no todou swika miña, a tshi khou rea khovhe nthia na phasi ha mulambo na tshinwe na tshinwe, a tshi khou bvela phanda. Huno he pfuko ya vha yo mona gulokulo la thumbu, yo li omisa, hu na tshipundi tshihulu tsho omaho. Madokotela, vhadzia-tshenzhemo vha sibadela, vho mu vhudza uri vha na dzilafho la kobalti le la vha li tshi nga li onyolosa, la tendela zwiliwa zwinzhi u tsa nga tshifhinga. O vha na tshifhinga tshi kondaho kha u wana zwiliwa zwinzhi, o do tea u la nga u ongolowa nga maanda. O ya henengei uri zwi itwe. A tho ngo zwi divha uri o vha e heneffo.

<sup>447</sup> Zwenezwo musi vha tshi mu ara, vho wana uri zwo mu dzenisa kha misho, huno a vha na tshitiroku. Zwa omisa lurumbu lwawe u tsa phasi nga u ralo. Huno tshithu fhedzi tshe

a vha a tshi nga kona u ita i tou vha tshililo tsha vhukati. Huno a wana penisela, nga ndila *heyo*, huno a ri, “uh, uh, uh.” Huno a lingedza u nwala, a tshi khou dzinginyea nga u ralo, nga tshanda tshawe tshavhuđi. Lurumbu lwawe lwa monde, lwo rwiwa nga tshiđiroku. Huno a imisa tshanda tshawe, “Yesu u a tshidza, 1900 na tshiňwe tshithu.” A vho ngo kona u zwi pfesesa.

<sup>448</sup> Ngauralo zwino musi mufumakadzi wawe a tshi ri, “Khaladzi Branham, a thi ḋivhi zwine a khou amba nga hezwo.”

<sup>449</sup> Nda ri, “Vho-Mme Rogers, zwine a khou amba, ho vha hu 1900 na tshiňwe tshithu, zwe a tshidzwa nahone a lovhedzwa nga Dzina la Yesu henengei. Izwo ndi zwine zwa vha na mvelele dzavhuđi zwino. Ha ofhi u fa.”

<sup>450</sup> Nda ri, “Murena Mudzimu, vhulunga vhutshilo hawe. Ndi a zwi rabela, nga Dzina la Yesu, zwauri U do vhulunga vhutshilo hawe.” Nda vhea zwanda khae. Tshiđiroku tsha mu ḫutshela. Misho ya ima. Huno a vuwa mmbetení. Huno zwino o vuwa, u khou n̄ea vhuțanzi.

<sup>451</sup> Engedzani kha lutendo lwańu, nga maanda; engedzani kha maanda anu, nga ndivho; kha ndivho yańu, u ḋifara; kha u ḋifara hańu, u kondelela; kha u kondelela, u fana na Mudzimu; kha u fana hańu na Mudzimu, lufuno kha vharathu; kha lufuno lwańu kha vharathu, Muya Mukhethwa, huno Kristo u do da. Ngauri, afho fhasi Hawe... Muya Mukhethwa ndi Muya wa Yesu Kristo ngomu ha Tshivhidzo, u vhonadza izwo zwivhuya. Yawee, nnenñe!

Ngetshi hafha, kotara u bva kha fumimbili.

Ndi a funa...ndi a Mu funa

Ngauri O funa n̄ne u thoma,

U tsa fhasi *hafha*, ni sa athu vha tshiňwe tshithu.

Huno o reng-... (Naa O itani?)...tshidzo  
yanga

Murini wa Khalivari.

Ndi *hetshi* hani? Ngauri O mpfunu, u thoma.

Ndi a Mu funa, ndi a Mu funa

Ngauri O funa n̄ne u thoma... (Ngeyo ndivho.)

Huno o renga tshidzo yanga

Murini wa Khalivari.

<sup>452</sup> Ndi a fulufhedzisa vhukuma, matsheloni ano, Khae, nga mbilu yanga yothe, uri, nga pfariso Yawe na nga tshilidzi Tshawe, ndi a rabela uri ndi do ḥoda ḋuvha lińwe na lińwe, lu sa gumi, u swikela ndi tshi pfa inwe na inwe ya idzi ḥodea i tshi elelela ngomu ha itshi tshiimo tshanga tshiđuku tsha kale, u swikela ndi tshi kona u vha nzumbululo ya Kristo a tshilaho. Ngauri, O vha tshivhi vhunga nne, uri ndi vhe... vhe u luga ha Mudzimu, vhunga Ene. “O džhia vhuimo hanga; Murena, kha ndi dzhie Hawe zwino.” Ngauri, iyo ndi ndivho ye

A fela yone. Ndi vhangana vhane vha do fulufhedzisa vhukuma zwenezwo zwithihi, nga tshilidzi tsha Mudzimu? [Tshivhidzo tshi ri, “Amene.”—Mudz.] Zwifhatuwo zwashu two kotama zwino, na zwanda zwashu zwi n̄ha. “Ndi . . .”

<sup>453</sup> Ndi a fulufhedzisa vhukuma, Murena, itshi tshivhidzo tshi a fulufhedzisa vhukuma, “Tshiimo tshothe tsha Yesu Kristo!”

Ngauri O funa n̄ne u thoma  
Huno o renga tshidzo yanga  
Murini wa Khalivari.



*TSHIIMO TSHA MUNNA O FHELELAHO* TSV62-1014M  
(The Stature Of A Perfect Man)

Hoyu Mulaedza nga Mukomana William Marrion Branham, u rangani wo newa nga Tshiisimane nga matsheloni a Swondaha, Tshimedzi 14, 1962, Thaberanakeleleni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi t̄halutshedzo ya Tshiven̄a yo gandiswa huno ya phādaladzwa nga vha Voice Of God Recordings.

TSHIVENDA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)